

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

40 pes

Namba 936

Wik i stat long Fonde Jun 11, 1992.

40 toea

**INSAIT**

## Kutubu wel i kapsait

... tasol hevi bilong royalti mani inap stapim projek

DOMINIC KAKAS i raitim

• Pangu Pati painim hat taim long Is Sepik...p4

• Siau wet long lukim Anowan...p5

• Kaiapit gat nupela skul na klinik ...p7

• Sukurum tingim ol evanjelis ...p11

**RAGBI  
LIG  
NIUS**



• Son resis kamap gut

**NEKS  
WIK**

• 3 pes ol PAS SPESEL

BIKPELA wel projek long Kutubu bai stat wok long pinis bilong dispela mun. Tasol olgeta samting nau i stap long han bilong wanpela kibung namel long ol papa graun na Sauten Hailans provinsal gavman.

Dispela tupela grup bai bung tude bilong toktok long rot bilong tilim dispela 1.25 pesen sea bilong royalti mani namel long ol yet.

Bikpela hevi i stap nau. Long wanem ol lain bilong Fasu wan pisin i papa long bikpela hap graun em kampani i stap wok long en. Olsem na ol i laikim olgeta royalti mani. Ol i tok sapos ol i kisim liklik mani, ol bai bagarapim ol samting na stapim projek long go het.

Tasol long narapela sait, gavman bilong Albert Mokai i tok ol i no inap orait long givim moa long 30 pesen sea i go long ol papa graun bilong Fasu na Foe. Long wanem, provinsal gavman i tok em i tingting tu long olgeta arapela hap bilong provins. Ol lain papa graun bilong Foe i amamas long tingting bilong kisim 30 pesen sea bilong olgeta royalti mani.

Bipo ol i bin singaut long holim tupela kibung, tasol bihain ol i pasim gen. Long wanem Mokai i

i go moa long pes 3

## Ol sinia pablik sevan bai ranim kantri

NAINPELA sinia pablik sevan bai ranim kantri liklik taim tasol inap nupela gavman i kisim opis.

Namel long ol dispela lain em dipatmen seketeri long dipatmen bilong praim minista, Brown Bai; seketeri bilong Fainens na Plening, Gereea Aopi, seketeri bilong Pesenel Menesmen, Paul Songo, seketeri bilong Woks dipatmen, na seketeri bilong Provinsal Afeas, Jerry Watangia.

Ol arapela lain husat bai wok wantaim ol em kuskus bilong nesenel palamen, Simon Pentanu na komisina bilong Papua Niugini Ilektrisiti Komisin.

Ol dispela lain man bai lukautim gavman na ranim kantri. Bihain ol bai makim wanpela komiti bilong mekim ol wok inap long taim ol nem bilong ol nupela memba na gavman i kamap ples klia bihain long 15 Julai, 1992.



*Kas bilong Hilda...Yangpela Hilda Opotio bilong Bundi long Madang i bin hatim stret singsing tumbuna wantaim ol wantok bilong em long taim bilong Mosbi So long las wiken. Hilda i gat 16 krismas na i kam stap tupela yia tasol long Mosbi. Poto: Ivan Bayagau.*

Namaliu i rabisim toktok bilong pasim Ok Tedi

ANNA SOLOMON i raitim

PRAIM MINISTA Rabbie Namaliu i tok wanpela ovasis grup i no inap stiaim gavman long ol stretpela lo bilong lukautim envoirnmen long kantri.

Mista Namaliu i mekim dispela toktok long aste, bihainim wanpela niuspepa ripot long *The Australian Niuspepa*. Dispela ripot i bihainim wanpela pas em Australia Konsevesen Faundesen (ACF) i givim praim minista bilong Australia, Paul Keating husat i kam givim long Mista Namaliu. Dispela pas i askim Mista Keating na Namaliu long toktok strong na pasim Ok Tedi main.

Mista Keating i givim dispela pas long han bilong Namaliu. Dispela em long taim em i kam raun long kantri long ANZAC De long mun Epril.

Long bekim dispela, Mista Namaliu i tok ACF i givim tasol dispela pas long Mista Keating long givim em.

"Mista Keating i kisim tasol dispela pas i kam

i go moa long pes 2



## HINO. BOS BILONG OL HAIWE.

**Hino**

**Ela Motors**

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

# Ol vot bai stat long Sarere

CLEMENT MIRIA i raitim

OL PIPEL long Papua Niugini bai vot long 1992 nesanel ileksen stat long Sarere Jun 13. Na planti provins na ilektoret i kisim pinis balot bokis na pepa bilong vot.

Ripot i kam long opis bilong Iektoret Komisin long Mosbi i tok long Tunde, ol i salim balot bokis na pepa i go long ol provins. Sampela provins i no kisim yet ol dispela samt- ing. Tasol ol bai kisim pas- taim long Sarere.

Tasol nau yet i no gat save olsem nesanel opis bilong kaunim olgeta vot bai stap

long wanem hap. Long bipo, nesanel rum bilong kaunim na bungim olgeta vot i kam long wan wan provins i bin stap long Konedobu.

Ripot i tok Iektoret Komisin i senisim nesanel opis bilong bungim olgeta vot i go long Sir John Guise stadium long Waigani. Tasol i no gat save yet olsem ol wokman i stretim pinis dispela opis, na tu putim ol stretpela masin em ol wokman bai yusim long kaunim vot o no gat.

Wanpela nupela komplem i kamap nau long ol wok rere bilong ileksen. Ol toktok antap long ol vot pepa i stap long *Pisin* na Inglis, tasol i nogat long Motu. Olsem na

bikpela komplem i kam nau long ol pipel bilong Papua provins husat i save tok Motu.

Long wanpela ripot i kam long *Wantok*, memba bilong Sentrel, John Orea i tok em i no amamas long dispela. Mista Orea i kisim ol balot pepa i go long em na lukim dispela asua. Em i askim nau Atoni Jenerel o jastis seketeri long no ken oraitim ol vot antap long ol dispela balot pepa. Bikos dispela i ken kamapim bikpela hevi long taim bilong vot.

Sampela sapota bilong Mista Orea i askim Orea long no ken luksave long ol dis- pela balot pepa.

Mista Orea i tok planti pipel

long Sauten rijon i no save long *Tok Pisin* o Inglis. Olsem na dispela kain asua i ken bagarapim fridom bilong ol long kain taim olsem bilong nesanel ileksen, we ol i no inap votim trupela lida ol i laikim long em.

Orea i tok dispela i mas wanpela asua bilong ol opis wok. Tasol em i bilip ol bik- man bai lukim na stretim hari- ap pastaim long taim bilong vot. I gat tupela moa de pas- taim long ol vot bai i stat.

Praim Minista Rabbie Namaliu i kam bek long Mosbi bihain long kempen bilong em long Is Nu Briten provins. Em i bilip olsem Pangu i gat strongpela sapot yet long provins bilong em.

PLIS

RIPOT



MOSBI: Ol plisman i holim wanpela man long kilim Vincent Arua bilong Mosbi So graun.

Arua i gat 21 krismas bilong Yule Ailan long Sentrel provins i draivim wanpela ka na sutim nus bilong narapela ka long fran bilong em. Papa bilong ka long fran i belhat na tupela i pait. Bihain man Arua i bagarapim ka bilong em i belhat na kisim ol wantok bilong em.

Arua i pret long ka bilong em bagarap i lusim ka bilong em long han bilong tupela man. Em i sanap na traim long toktok long ol arapela man husat i tromoi han long em.

Plis ripot i tok bihain wanpela man i kisim skru draiva na suvim long bel bilong Arua tripela taim olgeta na kilim em.

Ol plisman i tokaut long dispela birua tasol ol i no laik long givim sampela moa stori long en.

MOSBI: Ol plisman i tokaut long tupela birua long Mosbi long Sarere na Mande nait. Insait long dispela tupela de tupela man i dai long wankain hap namel long Jemenia na Cathay klap long Waigani Draiv, Mosbi.

Plis ripot i tok long Mande nait wanpela ka i krukutim wanpela yangpela manki husat i gat 12-pela krismas. Dispela manki i dai taim em i kamap long Mosbi haus sik.

Narapela bilong dispela birua i kamap namel long wanpela liklik bas nawanpela mazda sedan. Plis ripot i tok mazda i kam ausait long Jemenia klap na liklik bas i suvim het long en.

Wanpela man Pilipino husat i stap long liklik bas i dai. Na draiva bilong mazda i kisim bikpela bagarap na slip long Mosbi haus sik.

Long wankain taim plis ripot i tok ol raskol i bin brukim 4-pela opis. Insait long tupela opis ol raskol i stilim K2,000. Ol plisman i no holim wanpela man yet long dispela stil pasin.

Long So graun ol plisman i holim 16 bikhet man olgeta. Faivpela manki i lus long so graun. Na tu ol plisman i holim tupela man long salim rong tiket.

HAGEN: Ol raskol i bin pasim rot long boda bilong Hagen na Wagi. Na stilim olgeta samtign bilong Namba tu Seketeri bilong Jimi Distrik, Robin Teratere na kisim olgeta samtign bilong em wantaim ol wokman bilong em.

Plis ripot i tok Teratere i bin stap long Hagen taun na i laik i go long ples. Na painim dispela birua long rot. Ol raskol i rausim olgeta klos bilong em long Fonde Me 4, 1992. Na kisim olgeta samtign bilong em.

Plis ripot i tok tupela ka i bin ran long wankain rot i bungim wankain hevi. Ol plisman husat i laik i go bek long Banz i harim nus bilong dis- pela hevi na kamap long painim ol dispela man. Olgeta i ranawe na ol plisman i holim wanpela bilong ol wantaim wanpela gan. Tasol em i pait wantaim ol plisman na ranawe gen.

Bihain long narapela de ol i plisman i kamap long narapela ples na holim tupela man gen. Na painim wanpela gan.

KAVIENG: Foapela man i dai na tupela i kisim bagarap na slip long Nonga Base haus sik. Plis ripot i tok 6-pela man ya i wok long wan- pela plentesen. Ol i bin kalap long wanpela yunitiliti na i go long ples na painim dispela birua.

Long wankain wiken Kavieng na Rabaul i bungim bikpela ren. Hevi bilong ren i stapim olgeta samtign. Na tu stapim Air Niugini wan- taim Ailan Aviasen long bihainim taim long ran bilong ol.

Na tu dispela bikpela ren i stapim olgeta pawa long Rabaul taun. Ol wokman bilong ilektrisiti i wok de na nait long bringim ilektrisiti ran gut gen.

RABAUL: Ol plisman long Rabaul i bin stapim wanpela bikpela pait namel long ol wanpisin bilong Uvol long Pomi, Is Nu Briten provins.

Plis ripot i tok ol dispela wanpisin i bin pait long mani bilong graun. PTC i bin baim kom- pensesen mani long wanpela grup. Tasol nara- pela grup i no wanbel long dispela kompens- esen bikos ol i tok, graun PTC i yusim em bilong ol. Olsem na ol i statim pait.

Nau yet ol plisman i stretim pinis dispela hevi.

Moa plis ripot long pes 11

## Ol skul tingim ol bus, diwai na graun

WINIS MAP i raitim

PLANTI bikpela samt- ing i bin kamap long Fraide Jun 5 long tingim Wol Envaromen De.

Planti ol skul mangi na ol manmeri i bin mekim sampela samt- ing long tingim dispela de. Planti ol pipel i bin tingim dispela de na planim ol diwai.

Tasol long Yunivesiti bilong Papua Niugini ol studen i bin kamapim ol liklik pilai na salim ol samtign na soim sam- pela piksa.

Ol Envairomen Saens studen i bin soim planti ol liklik samtign long bikpela ples bung.

Ol i bin salim plaua, salim laplap, putim kamap ol piksa na pilaim ol laki gem.

Planti bilong ol dis- pela samtign ol i bin salim na ol pilai ol i soim em long soim ol man long we bilong lukautim graun na ples bilong yumi.

Long wanpela pilai, ol i putim wanpela bikpela pipia dram na sasim ol man 10 toea long kisim tripela emti tin bilong dring. Taim yu kisim ol dispela emti tin, yu mas tromoi tupela tin i go insait long dram. Sapos tupela i go



• Ekinye Tom i wokim gret 6 long Wagiga komyuniti skul long Simbu provins. Na em i bilas gut tru long tumbuna bilas na planti wanpela liklik diwai long tingim Wol Envairomen De long las wik Fraide. Foto: Kairu Laho.

insait, yu bai winim K2. Dispela pilai i bin pulim planti man.

Bikpela tingting bilong dispela pilai em long soim ol man long tro- moi pipia stret long ol ples bilong pipia na i no nabaut.

Narapela grup i bin

salim muli wara long 10 toea long wanpela kap. Taim yu pinisim dring, yu mas bringim bek kap na kisim bek mani bilong yu.

Dispela grup i bin laik soim o tok klia long ol pipel olsem bihain long yu i yusim samtign, yu i mas traim long yusim

gen na no ken tromoi long pipia. Dispela i ken helpim yumi long sevim ol samtign bilong yumi long graun. Na yumi i no inap go na kisim gen nupela samtign na wokim dispela wankain samtign gen long faktori.

## Namaliu rabisim toktok bilong pasim Ok Tedi

i kam long pes 1 na givim mi. Mista Keating o gavman bilong Australia i no mekim wanpela toktok long suvim mi long pasim main. Na tu mi ting no gat wanpela kain toktok olsem bai kamap," Namaliu i tok.

Namaliu i tok em i ritim dispela pas. Na lukim olsem sampela toktok insait long pas i no tru.

Pas i tok Ok Tedi main i gat nem nogut

long bagarapim laip na sindaun bilong ol pipel, wantaim ol samtign bilong graun stat long hap wok i stat long en na bihainin Flai Riva i go daun, na bagara- pim solwara namel long PNG na Australia. Dispela em long Galp bilong Kapentaria na Tores Stret.

"BHP bai i no inap kisim yesa long wok long Australia wantaim ol bagarap em i kamapim nau long

PNG," pas i tok. BHP em wanpela Australia kampani. Em i gat 30 pesen sea long Ok Tedi main.

Namaliu i rabisim askim bilong ACF long stapim wok long main.

"Olsem wanpela independen kantri, mipela i no inap larim ol ausait lain i pretim mipela long wanem kain developmen mipela i laikim," Namaliu i tok.

*The Australian* i ripot tu olsem bos bilong BHP, John Prescott i komplem wantaim Mista Keating long dispela. Prescott i no amamas long Keat- ing i kisim dispela pas, we i askim long pasim main, na givim stret long han bilong Namaliu.

Nau yet sampela wok painimaut i soim olsem i no gat bagarap long ol solwara namel long Australia na PNG.

# Gavman na ol papa graun bai toktok nau long Pogerera

OL OPISAL bilong Minerels na Eneji dipatmen (DME) wantaim ol papa graun bilong Pogera bai kibung tude. Ol bai paitim toktok long sampela senis em ol papa graun i laikim long tok orait bilong wok long main.

Tupela grup ya i bin bung long las wik. Na ol papa graun i tokaut long sampela senis ol i laikim. I gat bilip olsem ol opisal bilong DME i bung aste, na glasim sam-

pela senis em ol papa graun i laikim long en.

Namba wan tok orait em ol papa graun i bin mekim long 1988. Ol i laikim olsem 30 senis i mas kamap long dispela tok orait.

Ol papagraun i mekim dispela bikos ol i laik kisim gutpela bekim long Pogera gol main projek. Na tu long daunim ol bagarap em projek i kamapim nau.

Ol papa graun i komplem olsem

sampela promis em i bin kamap long tripela yia i go pinis i karim kaikai, tasol planti no gat. Ol i tok sampela toktok i kamap we i bagarapim tru laip bilong ol papa graun. Long ol dispela as na ol i lukim olsem em i gutpela long glasim gen tok orait, bai namba wan plen bilong gavman na ol papa graun i ken karim kaikai.

Hia em sampela bilong 30 senis ol papagraun i askim:

- Pogera Join Venja (PJV) mas i stap insait tu long tok orait namel long ol papa graun na gavman;
- nupela Suyan taun i mas kamap olsem wanpela taun, na i no olsem wanpela kem bilong main;
- putim tambu long kisim ol wokman bilong ausait i go wok insait, na bihain kisim i go bek. Sapos dispela i kamap yet, ful kompensesen i mas i go long ol pipel bilong Pogera;
- PJV i mas baim K20 long olgeta hekta long wanwan yia. Dispela em long ol graun long Pogera em i yusim long maining

- lis;
- PJV mas baim sea bilong gavman long projek bilong ol papagraun;
- narapela 12 pesen bilong royalti mani em PJV i mas baim stret i go long ol papa graun husat i gat liklik main lis, na ol papa bilong hap graun em ol kompani i kisim gol i mas kisim kompensesen mani;
- spesel son alauens mani bilong 5 pesen long ol pablik sevan mas go antap long 10 pesen, na karamapim tu ol wokman husat i no wok aninit long gaman .



Ol Koiari i amamas...Dispela tupela pikinini i tingim wanem samting i wok long kamap klostu. Olgeta tingting bilong tupela i stap tasol long amamas na i no long ol kain kain samting nabaut. Foto: Sam Vulum.

## Perdacher i lusim Panga Kopi i go long nupela bos

CLEMENT MIRIA i raitim

PANGA Kopi Exporting kampani i stap aninit nau long lukaut bilong nupela menesa. Wanpela bisnisman bilong Hagen, Wally Perdacher i papa bilong Panga Kopi.

Dispela senis i kamap bikos kampani i no inap long bekim K11 milien dinau em i bin kisim long Kopi Industri Kopresen (CIC). Kampani i no bekim tu sampela dinau bilong ANZ beng em i bin kisim long 1988 yet.

Delloitte Ross Tomatshu i lukautim nau kampani stat long Januari 4, 1991. Delloitte Ross Tomatshu em kampani bilong lukautim ol mani, na i save stap long Mosbi.

Long 1988 yet, Panga na CIC i bin go long kot. Bikos Panga i no bekim

sampela dinau em i gat wantaim CIC.

Siaman bilong CIC, Ricky Mitio i tok CIC i no gat samting nau bilong mekim wantaim Panga. Bikos Panga i stap aninit long nupela bos.

Kopi ripot bilong mun Mas i tok Panga i bin kisim K11.7 milien long CIC. Na i no bekim yet K10.4 milien.

CIC bai kisim bek sampela bilong ol dispela mani. Dispela em long ol kopi Panga i wokim na salim. Long olgeta yia, CIC bai sekim hamas mani em i kisim bek inap long dispela dinau i pinis.

Ol bos bilong Delloitte Ross Tomatshu i tok Panga i stap aninit long lukaut bilong ol nau. Na ol bai wok hat long bekim olgeta dinau Panga i gat wantaim CIC na ANZ beng.

Aninit long nupela menesa, Panga i no bekim yet wanpela dinau.

## Hevi bilong royalti mani inap stapim Kutubu wel projek

i kam long pes 1

no bin kamap. Tasol i luk olsem em bai kamap long kibung nau long Mosbi.

Lo i tok olsem provinsal gavman bai kisim 1.25 pesen sea bilong royalti mani na inap givim samting olsem 20 pesen long ol papa graun.

Seketeri bilong Minerels na Eneji, Lamech Palaso i tok olsem kampani na dipatmen bilong em i wok long wetim tasol ol papa graun na provinsal gavman long stretim toktok.

"Mipela i laikim olsem ol i mas stretim dispela samting hariap," Mista Palaso i tok.

Dipatmen bilong Minerels na Eneji bai kibung wantaim ol papa graun na gavman bilong Mokai long neks wik.

## Ol plisman was long Ok Tedi

DOMINIC KAKAS i raitim

MOA long 20 plisman i stap was nau long Ok Tedi main.

Ol plisman i bin kamap hariap long Tabubil taun long Westen provins bihainim wanpela tok pret bilong pasim main.

Long las wik, primia bilong Westen provins, Isidor Kaseng i askim Ok Tedi Maining Limited long pasim wok long 4-pela de stat long dispela Sarere.

Kaseng i laikim olsem wok long main i mas pas, na ol bai kibung gen long wokim nupela tok orait. Kaseng i givim tok lukaut ol pipel bai go na stapim olgeta wok bilong main sapos Ok Tedi i no bihainim askim bilong em.

Minerels na Eneji dipatmen i pret long dispela na salim moa long 20 plisman i go

was long hap. Ol bai was na lukim olsem no gat bagarap bai kamap long main.

Nau yet plis dipatmen i lukluk long sasim primia Kaseng long mekim kain tok pret olsem.

Ol papa graun i askim long mani long bagarap i kamap long envairionmen wantaim ol arapela samting olsem:

- K10 milien em ol i no kisim yet taim wok long main i stat long 1983;
- na K3 milien pe bilong olgeta yia.

A FULL RANGE OF

# RYCO FILTERS

*Australia's No. 1*

Are Now Available in Papua New Guinea from

PNG Motors	Port Moresby	255788
Morobe Wreckers	Lae	423500
Goroka Wreckers	Goroka	722966
Hagen Wreckers	Mt Hagen	522288

**TORO**

EM BILAS LONG OL TREDISINOL KLOS NA EM I GO SANAP LONG GET...

HEY, WANTOK... OPIM GET! MIPELA BAI DANIS TUDE, HARIAP!

TRU A?

NA OL ARAPELA LAIM BILONG YU, WE? ... YU TASOL BAI DANIS, AH?

OLI KAM INSAIT PINIS... MI TASOL MI KAM LONG LET FLAIT BILONG OL SIASI, YUSAVE?

MAN YAH LONG LONG NA SALIM EM I GO INSAIT TASOL... NAKI TORO I GO LONG EMFI TIATA NA WIKIM OL BEN I PAIRAPIM GITA I STAP...

EM NAKI! SANS, YAH! MAI FEIVARET!

COKE

NAU TAIM BILONG GET-KIPA LONG MALO... LO NA EM I GO RAUN LONG EMFI TIATA... TAIM EM WIKIM TORO, EM I SANE PINIS OLSEM BAGAROS I GHA MANIM EM, EM KIRAP NA RAUNIM TORO...

HOUIM MAN, YAH! EM NO BAIM GET! HOUMEM!

SANAP! SANAP!!

**WANTOK**  
NIUSPEPA BILONG OL PAPA NIUGINI STRET

**Pasin tumbuna i go we**

Long kantri tude, i luk olsem pasin tumbuna, ol tumbuna billp na kain kain samting bilong tumbuna i wok long pinis nau.

Taim yumi toktok long wanpela kalsarel so, em i no save sutim tingting bilong yumi olsem as tingting bilong dispela em long pasin na stail bilong ol lapun long bipo.

Dispela i kamap ples klia long biktaun bilong kantri long Mosbi long taim bilong so. No gat wanpela samting i bin kamap las wiken i soim tru pasin na bilip bilong bipo. Planti tumbuna singsing grup tu i no bihainim stret kain stail na pasin ol bikman bipo i save wokim singsing.

PNG i no inap larim dispela kain samting i kamap long Mosbi. Long wanem Mosbi em i biktaun bilong kantri na dispela pasin i mas stap strong tu long hia. Long wanem pasitaim long ol turis o husat ol ovasis lain i go we, lek bilong ol bai krungutim Mosbi.

Bilong wanem bai yumi larim ol gutpela pasin tumbuna bilong bipo i dai na yumi bihainim ol nupela pasin.

Kamon PNG, pasin bilong ol tumbuna bilong yumi long bipo em i narakain, i gat stail na i win tru long olgeta samting. Strongim dispela yet na nem bilong PNG bai i stap namba wan long ol arapela Pasifik ailan kantri. No ken pundaun long dispela.

**Lapun kisim moa toktok long Sepik**

**ISRAEL KEPAS I raitim**

WANPELA man o meri husat i go raun long Wewak bai lukim ol kain kain toktok i stap long ol "T" siot.

Sampela bilong ol dispela kain toktok em *Kilim Pangu!*, *Bun o Mit!* na *Senisim Lida*. Dispela kain ol toktok i stap long *Tok Pisin* na i pulap stret long Wewak, biktaun bilong Is Sepik provins.

Dispela em sampela kain toktok em ol arapela kendidet i wokim egensim Pangu Pati. Planti bilong ol dispela lain kendidet i no bin toktok long wanpela

samting liklik. Olgeta taim ol i toktok tasol long ol senis. Dispela em ol senis long lida, senis long rot em kantri i ron long en na senis long kain sindaun bilong ol pipel.

Dispela ol lain husat i laik kilim Pangu Pati em ol lain bilong Pipels Demokratik Muvmen (PDM). Ol i yusim toktok bilong hevi em provins nau i stap long en long grisim ol pipel. Planti lain i ting olsem no gat planti ol wok kamap i kirap long Wewak. Na tu em i stap las na dispela inap bagarapim sindaun bilong ol pipel.

Planti bilong ol dispela kendidet i sutim

tok olsem Pangu Pati i no bringim ol senis i go long ol pipel bilong Wewak. Tasol ol lain sapota bilong Pangu Pati i tok dispela em sampela trik ol lain long narapela sait i laik yusim long win. Em i olsem wanpela laki gem long wok politik tasol.

I gat 7-pela provinsal sia long Is Sepik provins. Na Pangu Pati i holim 6-pela bilong dispela. Wanpela sia tasol i stap long narapela han em Wewak Open. Dispela sia i stap long han bilong deputi lida bilong Melanesien Alaiens, Atoni Jenerel Bernard Narakobi. Em i bin

**1992 NESENEL ILEKSEN RIPOT...**



winim dispela sia long han bilong Tony Bais long 1987. Bais i wanpela kendidet bilong Pangu Pati tu long dispela taim.

Is Sepik rijonal sia i stap long han bilong Foren Afeas minista, Sir Michael Somare. Sia bilong Yangoru Sausia i stap long han bilong Sivil Eviesen minista, John Wauwia, Sir Pita Lus i holim sia

bilong Maprik, Paul Wanjik long Wosera Gawi, Judah Akisim long Ambunti Drekkir na Philip Laki long Angoram.

Planti kendidet i wok long yusim tu toktok bilong bikpela haus bilong Sir Michael long Mosbi, Somare Faundes, na bikpela hevi bilong wara i solap long Sepik Wara long i go moa long pes 7

**Ol Wes Nu Briten stap redi isi tasol long ileksen**

NO GAT wanpela trabel i kamap yet long Wes Nu Briten provins long dispela taim bilong ileksen. Na ol pipel i redi tasol long vo!

Ol 30 kendidet husat i resis long tupela Open sia na wanpela provinsal sia i wok long mekim bikpela wok tru long kempen. Planti bilong ol dispela kendidet i wok long kempen gut. Olsem na ol i no bungim wanpela hevi wantaim ol arapela kendidet na ol sapota bilong ol.

Bihain long 4-pela wik nau, ol pipel i wok long stap isi tasol olsem no gat wanpela bikpela samting bai kamap.

Samting olsem 46,000 pipel bai tromoi vot bilong ol long Talasea Open. Talasea open i gat 15 kendidet i resis long dispela ileksen. Na ol i bilip olsem 34,000 pipel bai givim vot bilong ol long Kan-



• Ol mama na pikinini bilong Hoskins i harim redio long wanem samting i kamap long bikpela nesenel ileksen long 1987. Hia em ol i harim ol wokman i kaunim ol vot.

drian/ Glosesta Open sia. Dispela i min olsem 80,000 pipel bai vot long rijonal sia.

Ol i bilip olsem Wes Nu Briten bai i no inap

bungim hevi na trabel long taim bilong poling na kaunim. Bikos long dispela taim bilong kempen, ol i no bin kisim sampela ripot bilong trabel.

Plis bai sambai tasol long stapim ol trabel long taim bilong ileksen.

Nau yet provisal lika laisensing komisina i putim tambu pinis long

salim bia long provins. Dispela tambu i bin stat long Jun 6 na bai pinis long Jun 27. Bihain long dispela de ol bai larim ol long salim bia gen.

**Kisim ol mani na kaikai samting olsem ol presen bilong ol kendidet**

KEMPEN long Papua Niugini em i wanpela bikpela samting. Nau yet planti kendidet i kempen. Na mekim planti tok promis long wanem samting ol bai mekim sapos ol i winim vot na i go sindaun long haus palamen.

Wanpela bikpela samting ol kendidet bilong yumi i mekim em long baim kaikai na givim mani long ol pipel. Dispela em i olsem ol i baim vot. Tasol yumi mas kisim ol dispela mani na kaikai olsem presen ol kendidet i givim. Dispela tingting bai inap strongim bilip bilong yumi long makim gutpela kendidet.

Long makim ol gutpela kendidet, yumi mas lukluk long pasin bilong ol kendidet insait long famili bilong ol yet. Na tu insait long komyuniti.

Yumi mas mekim sampela askim olsem; dispela kendidet i save sindaun gut wantaim meri na famili bilong em o no gat? Dispela man i wok na lukautim gut mani bilong ol famili na komyuniti o no gat? Dispela man i gat gutpela nem na sindaun gut wantaim ol pipel bilong em o no gat?

Sapos olgeta dispela askim i gutpela long yu, orait yu ken putim mak bilong yu klostu long piksa bilong em.

Inap long 17 yia nau Papua Niugini i amamas long sanap olsem wanpela fri kantri. Tasol lukluk long gavman bilong yumi, planti samting i no gutpela olsem ol arapela independen kantri olsem Australia, Nu Silan na ol arapela bikpela kantri long ovasis. Olsem na yumi mas lukluk gut na lusim gutpela vot bilong yumi. Bikos mak yumi putim long bokis bilong kendidet bilong nau em i wanpela ki long strongim demokretik gavman bilong yumi. Na sapos yumi putim vot long rong kendidet, kantri bilong yumi bai i no inap ran gut.

Gutpela kendidet long palamen bai inap yusim mani bilong ol pipel gut. Olgeta yia gavman i putim K100,000 Iektorel Developmen Fan mani bilong wan wan memba long mekim wok developmen long ilektoret bilong em. Tasol planti memba i yusim dispela mani long mekim bisnis na wok bilong ol.

**WANTOK**  
NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

**PE BILONG WANPELA YIA 52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na Nu. Silan	K92.00
Esia pasifik na Japan	K123.00
Amerika na Yurop	K180.00





• Wanpela Sarere moning poro bilong Kanage i salim em i go long stua long baim wanpela bebi wel. Kanage siksti i go na baim wanpela bebi sempu. Em i kisim na i go bek gen long haus. Poro bilong Kanage i lukim na i no toktok. Bihain Kanage i go insait na em i laik yusim long putim long waitspot bilong em. Em i kisim na putim long bodi bilong em. Na em i tok, poro samting ya strong. Em i narapela kain bebi wel. Dispela em i mas nupela bebi wel ya. Poro bilong em i lap na tokim em, bara dispela em bebi sempu. Kanage i sem pipia na ranawe i go long rum bilong em.

**Smy Falcon  
Bombex, Mosbi**

• Kanage wantaim Wanpis em tupela bes pien bipo. Kanage i wok long taun. Na Wanpis i stap long ples. Wanpela taim Wanpis i go long taun na bungim Kanage. Tupela stori i go na Wanpis i tokim Kanage. Prendo, man yu kaikai kakaruk i go na yu fet stret. Lukaut noken kaikai kakaruk tumas tumas. Nogut yu fet tumas na pasim ples bilong pekpek. Kanage harim olsem na em i no wanbel.

Narapela de Kanage i bungim Wanpis na em i tokim em. Prendo, mi ting olsem yu i dai pinis. Mi harim long nius asde nait olsem yu bin kaikai sol wantaim bel bilong wanpela blu lang na kokros. Bel bilong yu olsem blu lang na finga bilong yu olsem kokros olsem na mi ting yu edmit long wod.

Wanpis i harim olsem na nekim Kanage pun-daun i go i dai i stap long rot bilong ka.

**Ben Koptu  
ANGORAM**

Wanpela Kanage i hot long haus olsem na em i kisim smok bilong em na i go long nambis long kisim gutpela kol win.

Em i smok i stap na wanpela waitman i kam na tok hello long em Kanage. Tasol Kanage i no save long as bilong tok helo olsem na em i tokim waitman ya. Yu tok long helo? Nau tasol em i go daun long wara long waswas.

Waitman i harim na askim Kanage, What? Kanage i no save long as bilong tok what tu. Olsem na em i tok em tu. Nau tasol em i taitim tawel long nek bilong em na bihainim Helo i go long wara.

Waitman i paul na tokim Kanage yu damdam. Kanage i tok em tu ol i go daun olsem. Waitman harim tasol na tekov.

**Peter Moses  
BIALLA**

Kandre bilong Kanage i go danis long Kimbe Palm Lodge long Fraide nait. Em i lukim wanpela Haiskul meri long danis na em i salim ai long en. Stret long meri i lukluk long ai bilong kandre bilong Kanage. Meri i kirap na tokim kandre bilong Kanage. "Stop stiring at mi" Kandre bilong Kanage i harim na tokim meri ya, "Sori susa mi no tanim tea. Taim em i toktok kain olsem meri i sped antap long pes bilong em na ranawe i go long haus wantaim pren bilong em.

**B. Amos**

• Kanage i go long i dai bilong kandre bilong em. Ol manmeri i krai tasol Kanage i sindaun i stap. Bihain em i askim ol manmeri. Yupela karai long wanem. Mi no wari long kandre. Mi wari tasol long kisim kompensesen. Abrus long em i tok kompensesen em i tok Penolti. Liklik kandre bilong em i harim na tokim em. Kanage yu save long Kindam? Na kanage i tok yet. Olsem na kandre bilong Kanage i askim Kanage gen. Yu save long pekpek bilong Kindam i stap long we? Kanage i tok long het. Na kandre bilong em i kirap na tokim Kanage. Yu wankain olsem Kindam. Pekpek i pulap long het bilong yu. Man Kanage i sem pipia stret bikos liklik kandre bilong em i daunim em stret.

**Annox Mosstone  
GOROKA.**

# Siau wet yet long lukim Anowan

**FELIX RAMRAM i raitim**

SIAU lokel gavman kaunsil long Aitape, Wes Sepik provins i laikim provinsal minista bilong Interia, Clement Anowan i tok klia long wanem as tru na dua long opis bilong em i save pas olgeta taim.

Kaunsol Joachim Ali i mekim dispela askim bikos minista i save pasim ai olgeta taim.

Na ol pipel i no lukim wanpela wok i kamap long Aitape. Bikpela askim nau i sut long wanem samting em Anowan i mekim long ilektorel Development Fan mani bilong Siau ilektoret.

Sapos dispela mani i stap yet, em i mas yusim nau long kamapim sampela

developmen o putim aninit long wanpela fan bilong ol pipel i ken kisim na statim ol liklik bisnis.

"Anowan i yusim nau opis bilong em olsem opis bilong LNA pati. Na tu opis bilong em yet wantaim Karl Stack. Ol wokman na ol memba bilong LNA bai i go insait long opis long lukim na toktok wantaim Anowan. Tasol Anowan i mas save olsem em i stap long dispela opis long nem na strong bilong ol

pipel. Na opis i no bilong LNA pati.

"Mipela i makim yu, Anowan long lukautim na toktok long nem bilong mipela ol pipel bilong Siau lokel gavman kaunsil. Na mipela i no lukim yet bodi na pes bilong yu. Bikos olgeta taim yu save pasim dua long mipela," Ahi i tok.

Ol pipel i paul nau long Wes Sepik Tras i stap long wanem kona bilong Aitape. Na olgeta telipon i wok long opis bilong ol. Ol pipel

i save olsem Wes Sepik Tras em i wanpela bisnis bilong Karl Stack. Na i luk olsem mani bilong ilektorel Development Fan, Karl Stack wantaim Anowan i yusim long laik bilong tupela. Na i no lukluk long hevi bilong ol pipel.

"Olsem na mipela i laikim Anowan i mas kamap long kibung bilong Siau lokel gavman kaunsil na bekim sampela askim bilong ol pipel bilong em," Ahi i tok.



*Bisnis bilong bislama...Inock Sipira bilong Matugan ailan long Not Solomons provins i so op liklik wantaim dispela bislama em i baim long ol pipel long Buka ailan. Em bai salim ol dispela samting i go long Lae na Rabaul bilong kukim na salim long ol haus kaikai. Foto: William Kotsen.*

## Ples slip bilong ol plisman long Sion bai pinis long Julai

WOK bilong sanapim nupela Plis Rapid Diploimen Yunit o ples slip long Maunten Sion long Isten Hailans bai pinis long stat bilong mun Julai.

Klostu bai nesenel gavman i oraitim wanpela kampani bilong wokim ol haus.

Wok bilong sanapim ol haus bai kos 47 milien kina olgeta. Na 300 plisman bai yusim

## Ol Yonki pipel bai vot long Kainantu Open

OL pipel bilong Yonki taun long Isten Hailans provins i no bin save long wanem ilektoret ol bai vot long 1992 nesenel ileksen. Ol i harim tasol ol toktok bilong ol Kainantu Open kendidet.

Sief ilektoret Komisina i stretim pinis dispela hevi namel long ol kendidet bilong Kainantu na Obura Woninara.

Ritening opisa bilong Kainantu, Siwi Siad i tok moa long 1,300 pipel long Yonki husat i ken vot bai vot nau long Kainantu Open ilektoret.

## Ol dokta na nes long Kiunga i paul long ol bebi

OL dokta na nes i no kija long wanem kain samting i wok long kamap long Kiunga haus sik.

Taim ol mama i laik karim pikinini, long wanpela wik i bin gat ol pikinini man tasol. Na long narapela wik, ol mama husat i go long haus karim i karim ol pikinini meri tasol.

Medikel Suprintenden bilong Kiunga haus sik, Dokta Thomas Kubu i tokaut tu olsem dispela i tru. Em i tok long wanpela wik em ol pikinini man na long narapela em ol meri tasol.

Dokta Kubu i tok em tu i no klia long dispela. Na i abrusim kain rot em ol mama i save bihainim long karim bebi long olgeta yia.

Em i tok i gat wan wan taim tasol em ol pikinini man na meri i save kamap wantaim long wanpela wik. Em i tok dispela samting i bin kamap inap long tripela mun nau.

"Mi no save ol mama i save mekim wanem na olgeta bai karim pikinini meri na man long wanpela wik. Olsem na em bai i gutpela tru long painimaut long wanem samting tru i wok long kamap," Dokta Kubu i tok.

Tasol em i tok ating dispela i kamap nating. Na sapos dispela i tru, em bai brukim gen lo na rot bilong ol mama long karim pikinini.

Dokta Kubu i tok, "I luk olsem ol papa na mama long Kiunga i painim pinis wanpela rot bilong ske-lim wanem kain pikinini ol i laikim. Dispela em pikinini man o pikinini meri."

## VOTIM X

**JISAS I WINIM SATAN**

**Jisas i Winim Satan** em wanpela gutpela buk bilong helpim yu save gut long olgeta pasin bilong Satan. Na olsem wanem Jisas i winim em.

Yu ken painim dispela buk long buksop klostu long yu.

Lukim yu long  
Port Moresby Show  
Stall 106-D

**CHRISTIAN BOOKS MELANESIA**  
P.O. BOX 488, WEWAK

## TU MINIT TINGTING

### MI LUKIM TAIM NOGUT I KAMAP NAU

*"Man i laik bihainim mi, em i mas karim diwai kros bilong em long olgeta de, na kam bihainim mi." ( Luk 9:23 )*

Long taim Jisas i mekim dispela hap tok, ol disaipel bilong em i kirap nogut. Long wanem, nau tasol ol i bin tokim em: "Yu bikman bilong mipela. Yu spesel man bilong God. Yu samting tru." Na ol i wet bai em i mas kirapim kingdom bilong em long dispela graun insait long liklik taim. Tasol nau Jisas i tanim long ol na tok, "Man i laik bihainim mi, em i mas karim diwai kros bilong em long olgeta de." Dispela diwai kros long toktok bilong Jisas, em ol pen na wari na sore na hatwok bilong yumi. Em i laik bai yumi karim ol long olgeta de.

Long olgeta de, yumi save bungim kainkain pen, sore na wari yumi no laikim. Ol i wetim yumi. Yumi olsem Santu Maria, mama bilong Jisas, long taim em i sanap long rot na i bungim pikinini bilong em i karim diwai kros bilong em na wokabout i kam. Maria bai mekim wanem samting nau? Han bilong em i pas, em i no inap helpim pikinini

bilong em liklik. Em inap lukim ol sua na pen bilong Jisas tasol, na dispela i sutim bel bilong em yet. Long dispela taim, Maria i no inap karim diwai kros bilong Jisas. Em i mas karim diwai kros bilong em yet na bihainim Jisas, olsem Jisas i bin tokim ol disaipel long mekim.

Long olgeta moningtaim, yumi save sanap long rot i go long nupela de. Planti taim yumi lukim wanpela diwai kros i wok long kamap long yumi yet. Ating long dispela de yumi mas go bek long wanpela wok o skul yumi no laikim olgeta. Em i diwai kros bilong yumi. Ating long dispela de yumi mas bungim wanpela birua bilong yumi. Ating yumi mas go long wanpela ekseminesen. Ating yumi mas go long dokta bai em i rausim wanpela tit bilong yumi. Ating yumi mas go long statim wanpela nupela wok. Ating yumi mas go kisim wanpela bekim bilong man yumi bin nogutim pinis. Ating yumi mas kam bek

long famili we ol i pait na tok kros tasol. Ating yumi hetman na long dispela de yumi mas panisim sampela wokman na rausim ol long wok. Ating yumi nes na yumi mas givim pen long sampela sikman tude: yumi mas givim sut na katim buk bilong ol. Ating yumi les bikos yumi lukim olgeta de ol i wankain tasol.

Ol dispela samting i makim taim Santu Maria i sanap long rot na i lukim Jisas i kamap wantaim diwai kros bilong em. Tasol Jisas i no bin askim em olsem: "Yu kam helpim mi long karim diwai kros bilong mi." Nogat. "Em i tok olsem: "Yu karim diwai kros BILONG YU na yu kam bihainim mi." Na Maria i mekim olsem.

Long sampela de wanpela diwai kros i save kamap wantu tasol. Ating yumi painim birua long rot na yumi bagarap. Ating sik malaria i daunim yumi. Ating wanpela man o meri i tok nogutim yumi. Ating yumi fel nogut tru long ekseminesen.

Ating papamama o pikinini o man o meri bilong yumi i dai nau tasol.

Yumi save karim ol dispela diwai kros olsem wanem? Ating yumi save krai strong na bikmaus na tok nogutim God olsem wanpela liklik manki, laka? Ating yumi kros long God? Ating yumi pulim diwai kros bilong yumi i kam na em i pairap long graun, long pasin bilong man o meri i belhat? Sapos yumi go mekim olsem, yumi no save olgeta long pasin bilong karim diwai kros. I no gat wanpela taim o ples we Jisas i bin tok olsem: "Yu mas karim diwai kros BILONG MI na bihainim mi." Nogat. Em i bin tok: "Yu mas karim diwai kros BILONG YU."

Long narapela ples em i tok olsem: "Yupela ol man i save hatwok tru na i karim ol bikpela hevi, yupela olgeta kam long mi na bai mi givim malolo long yupela. Yupela kisim save long mi na aninit long tok bilong mi, olsem yupela i kisim plang ol i



FRANK MIHALIC I RAITIM

save putim long nek bilong ol bulmakau bilong ol i ken pulim ol samting. Yupela kisim save long mi, long wanem, mi save mekim pasin isi long ol man na mi save daunim mi yet. Na bai ol samting i no ken givim hevi long yupela na bai yupela i ken kisim malolo. Dispela plang mi putim long nek bilong yupela em i isi long karim, na samting mi givim yupela bilong karim, em i no hevi." ( Matyu 11:28-30)

## Singaut long helpim mani i save bam na go bek Sios memba nating

### kisim bikpela wok

PNG Baibel Sosaiti i gat nupela eksekutiv seketeri, Walo Alu.

PNG Baibel Sosaiti i stap wok inap long 16 yia nau. Na dispela em i namba wan taim wanpela wokman nating bilong sios i kisim wok olsem eksekutiv seketeri.

Walo i bilong Hula long Sentrel provins. Na em i senisim Stephen Pirina husat i risain long las yia. Alu i marit na i gat 5-pela pikinini, tupela man na tripela meri. Em bai statim wok olsem eksekutiv seketeri long narapela mun bihain long em i stretim ol arapela samting long opis.

Wok bilong PNG Baibel Sosaiti i no nupela long em. Bikos namel long 1970 na 19,80 em i bin helpim Baibel Sosaiti long kirapim ol wok bilong en long kantri.

Planti taim em i bin wok raun long ol ples ausait long Nesenel Kapital Distrik long kirapim ol wok bilong Baibel Sosaiti. Alu em i memba bilong Waigani Yunaited sios. Na tu em i bin go pas long planti bikpela kibung bilong Yunaited sios.

Planti taim em i save go wok long ol arapela provins taim ol arapela lain i laikim em.

Pastaim long em i kamap eksekutiv seketeri bilong PNG Baibel Sosaiti, Alu i bin wok 16 yia wantaim Egrikalsa Beng bilong Papua Niugini. Na bihain em i wok wantaim Yunaited sios seket long Mosbi Not.

Alu i bin givim laip bilong em long Jisas Krai taim evanjelis, John Robinson bilong Kempenas long Sios bilong Krai i bin kam long Papua Niugini long 1963. Wok bilong em i kamap strong taim em i go pas long holim wanpela kibung "Beach Misin" bilong Yunaited Sios long Hula.

### SANANG ZAZORING i raitim

LONG 1983, Melpa long Hagen, Westen Hailans provins i kisim seket, tasol em i no gat opis bilong mekim wok stret.

Ol Kristen bilong

Luteran Sios i no guria long wokim opis hariap. Ol i stat long mekim plen bilong seket. Long mekim plen, mani em wanpela samting seket i mas

lukluk long en. Sapos no gat mani, orait, plen i no gat kaikai.

Long Septemba 1991, Melpa seket i kirapim nupela seket opis. Seket i yusim pinis K14,000 long nupela opis. Ol 7-pela peris i kisim pinis wan tausen kina mak long bungim

em ol arapela peris i putim pinis. Seket i kisim K9,000 dinau mani long beng na ol arapela toea long IBD akaun bilong statim wok.

Wanpela kamda i statim wok wantaim simen na em i pinisim dispela wok. Seket i baim K2,500 long wok bilong em. Long baim olgeta samting long stua, em i gat bikpela mani. Olsem na ol i bin bungim mani na baim wanpela simen masin long K1,800 long Mosbi. Seket i bin baim tu wanpela wokabout somil long K7,000. Hap bilong dispela mani, K3,700, em Luteran Developmen Sevis (LDS) i bin helpim ol.

Long wok long dispela wokabout somil, ol i mas kisim man i gat save long dispela wok. Long dispela, Melpa seket i bin salim John Guruke na Bob Doka long kisim trening long Timba Industri Trening Koles (TITC) long Lae.

John na Bob i kisim wan mun kos long pasin bilong yusim masin, stretim sapos em i bagarap, katim na planim nupela diwai, na save long wokim prais bilong diwai na salim long ol maket.

Long kisim dispela trening, Melpa seket i bin lusim K600 long baim trening fi bilong tupela. Dispela mani i no lus nating. Tupela i gat gutpela save bilong wokabout somil long kirapim wok long Melpa seket. Wan manmeri i no klia long mani bilong seket i go olsem wanem. Tasol nau ol i luksave long wok i ron olsem wanem.

### Seket ofis

Dispela seket opis i gat 10-pela rum bilong kain kain wok long Melpa. Opis i gat komprens rum, opis bilong presiden, opis bilong seketeri, yut opis, wokmeri opis, bret na wain opis, liklik kentin, opis

i go moa long pes 11



• Wanpela bikman bilong Melpa Luteran Sios, Olik Kum wantaim meri bilong em long raitan na ol arapela wan lotu bilong ol long baksait.

## ELC-PNG Kainantu distrik bai holim namba wan komprens long Finintugu

*"Gutnius i mas go long olgeta manmeri na pikinini. Long mekim olsem, pawa na strong bilong wok bilong sios i mas bruk i go long ol liklik hap."*

DISPELA em i namba wan as bilong Kainantu i strong long kisim distrik bilong en yet. Sinot 18 long Imanuel distrik i tok orait pinis long Kainantu, Mumeng na Ukata i ken kisim distrik bilong ol yet. Dispela i mekim 15 distrik insait long Evanjelikel Luteran Sios bilong PNG.

Askim bilong planti Kristen memba nau i wok long kamap olsem: sios distrik i wok long bruk nabaut. Long wanem, ol sios wokman i hangre long biknem na pawa. Long bekim dispela askim, waspapa bilong nupela distrik long sotpela taim, Pasto Kabian Tesasi i tok, hangre long pawa na

biknem em i no as bilong brukim distrik.

Pasto Tesasi i tok bilip bilong mipela ol Kristen bilong Kainantu em i olsem. "Gutnius bilong Jisas Krai i mas i go long olgeta hap."

Em i tok, Goroka distrik em i bikpela eria tumas na em i hat long ol liklik lain tasol i lukautim na mekim wok bilong sios.

Pasto Tesasi i tok long dispela as, distrik i mas bruk na mipela bai skelim wok i go inap long strong, mani na olgeta samting mipela i gat long en. Wok edministresen i mas kamap strong na olgeta manmeri bai save olsem ol i gat wok bilong mekim.

Toktok bilong Kainantu i kisim distrik i bin stat long 1988 Goroka distrik komprens long Kainantu. Ol seket i sanap ples klia nau em Kainantu taun, Raipinka, Ponampa na Finintugu. Long bihain, distrik bai brukim arapela eria i go long seket bihainim plen bilong distrik.

Namba wan komprens bilong Kainantu distrik bai kamap long Finintugu seket long 17 i go pinis long 21 Ogas, 1992. Long dispela komprens, Kainantu distrik bai makim ol nupela lain bilong lukautim opis na wok edministresen. Tasol long nau, ol seket i bung na makim Pasto Kabian

Tesasi na Pasto Joe Katiwa long lukautim distrik long sotpela taim olsem waspapa inap long komprens i kamap na makim ol nupela manmeri.

Tingting bilong het opis bilong distrik em bai sanap long Raipinka stesin. Long wanem, em i stap olsem namel ples tu. Tingting long nem bilong distrik em komprens yet bai skelim na givim wanem nem em i gutpela na makim olgeta pipel bilong nupela distrik.

Long namba wan komprens, olgeta mausman na memba i mas kam wantaim K2 ofa mani long statim wok bilong distrik.

# Spika bilong Tutumang askim ol Kaiapit long lukautim ol skul samting

**SANANG ZAZORING i raitim**

OL komyuniti i mas lukautim gut ol skul samting na ol tisa bilong ol. Planti taim, dispela sevis bilong gavman i save pinis. Long wanem, ol pipel yet i no save lukautim gut.

Ol pablik sevan insait long Kaiapit distrik na provinsal lida i mekim dispela tok taim ol i opim nupela komyuniti skul long Sukurum insait long Wantoat eria bilong Kaiapit distrik, Morobe provins.

Spika bilong Morobe provinsal asembli,

Peter Isan i makim ol gavman wokman na mekim dispela tok. Em i tok, taim ol pipel i no lukautim gut sevis bilong gavman, orait gavman i save kisim bek sevis bilong en.

Isan i tok strong olsem ol pipel i mas lukautim gut ol tisa long skul long lainom ol pikinini bilong ol. Em i tok long nupela taim, ol pipel i save amamas na lukautim gut ol skul bilong ol. Tasol taim skul i go olupela, ol pipel i save les long lukautim.



• Skul inspekta bilong Kaiapit distrik, Simon Mecklay i katim rop bilong opim Sukurum komyuniti skul long Kaiapit eria bilong Morobe provins.

Isan i tok, dispela kain pasin i no ken go insait long Sukurum komyuniti skul. Planti taim ol pipel i save lukluk long kisim nupela projek na lus tingting long lukautim olupela.

Isan na ol arapela lida i tok, ol tisa na ol A.P.O. i stap olsem hap bilong komyuniti ol pipel i stap long en. Olsem na ol i mas lukautim ol gut. Long dispela rot, ol bai givim gutpela sevis i go long ol pipel. Ol lida bilong sios na gavman i mekim dispela tok long taim bilong opim nupela

haus lotu wantaim komyuniti skul long ples Sukurum long Sande 24 Me, 1992.

Moa long 1,000 pipel i bung wantaim long amamasim dispela de. Morobe primia Jerry Nalau na Morobe rijinol memba, Utula Samana i bin kisim askim, tasol tupela i no stap long bung.

Ol pipel i tok ol i gat planti hevi long soim tupela. Tasol tupela i n bin kamap long bung. Ol i tok hat wok bilong ol na laik bilong ol long lukim tupela lida i lus nating.

## Lapun paia stret

i kam long pes 4

bagarapim nem bilong Pangu Pati. Olsem bai ol dispela siting memba bai lus long 1992 ileksen.

Wanpela kendidet husat i resis tu long rijonal sia bilong Is Sepik i tokim wanpela bung long Angoram las wik olsem dispela bikpela 12-pela plua haus long Waigani i kisim nating bikpela mani bilong gavman. Dispela kendidet i tok tu olsem lukluk raun bilong Praim Minista Rabbie Namaliu i go long Sepik Wara long las mun i bilong pulim sapot bilong Pangu Pati tasol.

Dispela kain ol toktok i kam aninit tasol long wanem samting em mipela i save kolim olsem doti kempen. Long Is Sepik, 1992 nesenel ileksen bai bringim planti het pen tru long ol pati na kendidet. Na planti lain i tok nau olsem dispela kain pasin bai go het yet long taim bihain. Tasol em bai bagarap olgeta.

Planti kendidet husat

em nem bilong ol i bagarap bai kotim ol lain husat i bagarapim nem bilong ol bihain long ileksen.

Wanpela bilong ol dispela kain man em nem bilong ol i bagarap tru em Foren Afeas minista, Sir Michael Somare. Planti pati na ol kendidet i sutim tok tok olsem Sir Michael i no bin tingim provins na i yusim nating pablik mani long helpim em yet.

Tasol Sir Michael i strongim yet gutpela na klinpela nem bilong em. Long las mun taim em i toktok long radio Is Sepik, Sir Michael i tok em i no inap tingim wanpela taim em i bin paulim mani bilong gavman. O i bin bagarapim wok bilong Papua Niugini.

Long hap toktok bilong em, Sir Michael i tok, "Dispela i no min olsem nem bilong yu i nogut na yu bai resis long pablik opis. Sapos yu haitim rong bilong yu i stap, bihain dispela rong bai mekimsave long yu."


## MAKIM HUSAT?




AI, BIK MAN: REIN WASH MI

AI, NOKEN WART. YU MAKIM MI BILONG LUKAUTIM YU OLSEM TASOL MI MEKIM WOK BILONG MI

# Be a popular winner! Enter the 1992 PNG Directory Competition and YOU COULD WIN



A GoldStar Microwave Oven



A Sanyo 4 Band Stereo Radio/Cassette



A Sanyo Karioke Sing-Along System



## ENTRY FORM 1992 PNG DIRECTORY QUIZ

Cut out this Entry Form and send it to Directory Quiz, P.O. Box 2311, Boroko, N.C.D. to arrive by June 30th, 1992

JUST LOOK IN YOUR NEW 1992 PHONE BOOK FOR ALL THE ANSWERS TO THESE QUESTIONS!

### Q1

In which section would you find International Time Zones?

- Yellow Pages  White Pages  Green Pages  Coloured Information Pages  Govt. Section

### Q2

Where would you find a complete listing for the department of Health?

- Coloured Information Pages  Yellow Pages  White Pages  Green Pages  Govt. Section

### Q3

On what page in the Yellow Pages would you find the Motor Wreckers classification?

### Q4

In which section would you find Postal Services Information?

- Yellow Pages  White Pages  Green Pages  Coloured Information Pages  Govt. Section

NAME: .....

ADDRESS: .....

PHONE: .....



Published by Edward H. O'Brien (PNG) Pty. Ltd., P.O. Box 2311, Boroko, N.C.D. Phone: 25 8344 Fax: 25 6404

A joint venture company with Post & Telecom



# Ol Samoa kamapim pret long Los Enjeles siti

BIKPELA pret i kamap nau long Los Enjeles olsem narapela bikpela pait na ol trabel bai kamap.

Na dispela inap kamap wankain olsem wanem samting i bin kamap bihain long kot bilong Rodney King.

Ol lain pipel bilong Samoa husat i stap long Los Enjeles i kros na laik holim bikpela protes na wokim trabel bihain long wanpela kot long tupela wik i go pinis i rausim ol sas bilong wanpela plisman long sutim tupela brata bilong Samoa.

Ripot i kamap long *Sydney Morning Herald* niuspepa long dispela wik i tok inap long tupela wik nau, Sief Tua'au Pele Faletogo i wok long traim yet long stapim ol Samoa pipel long hap long wokim trabel.

Tasol em i bilip nau olsem dispela hatwok bilong em bai lus nating.

Ol pipel bilong Samoa long Los Enjeles i bin behat taim wanpela plisman, Alfred Skiles i bin sutim tupela brata long mun Februeri las ya.

Tupela wik i go pinis, kot bilong dispela i kamap na rausim olgeta sas bilong dispela. Ol jas husat i sindaun long harim dispela kot em ol waitman tasol.

Long Los Enjeles nau i gat samting olsem 12 tausen pipel bilong Samoa long hap. Na long taim kot i bung, ol i bin pulapim 14 ka wantaim ol raskol grup na go long protes. Na nau ol i laikim kot bilong dispela samting long kamap gen.

Bihain long kot long Trinde, sampela ol yangpela raskol man bilong Samoa i laik holim protes mas raunim Los Enjeles siti.

Ripot i tok dispela birua i bin kamap long mun Februeri bihain long wanpela komplek olsem i gat trabel namel long tupela marit long haus bilong Pouvi Tualalelei. Taim Skiles i go kamap long dispela hap, Pouvi i kisim tupela pikinini bilong em wantaim brata bilong em na lusim haus long ka.



*I no meri nating...*Dispela meri i gat namba olsem wanpela dokta long wok egrikalsa wantaim rais. Na long poto, Dokta N. Shoba Rani long lephan wantaim Dokta Gurdev S. Khush i sekap long wanpela kain rais bilong Indonesia.



*Birua long haiwe...*Ol plisman i sekap long wanpela birua bilong ol ka i bam long wanpela haiwe long Ingran. Dispela birua i bin kamap long las wik Trinde na 5-pela pipel i dai. Namel long ol em draiva bilong wanpela bikpela ka wantaim draiva na pasindia bilong teksli.



*Rasia salim Amerika...*Ol yangpela bol bilong Rasia i salim ol dispela botol sofdring ol i wokim long Amerika. Long wan wan botol ol i salim, ol i save wokim 10 toea winmanl.



*Lek i bruk...*Nem bilong Llewellyn Starks i bikpela tru long kain pilai bilong kalap ol i kolim longjam. Tasol long Nu Yok, em i no bin laki tumas. Olsem long poto, em i laik kalap na brukim stret lek bilong em. Dispela birua i mekim ol oganaisa i pasim bikpela resis long Nu Yok long sotpela taim. Starks i gat 24 krismas na i stap nau long Nu Yok haus sik.



*Bot em i haus...*Minista bilong Foren Opis long Ingran, Mista Goodland i raun lukluk long ol pipel bilong Vietnam husat i stap olsem ol refuji long wanpela senta long Hong Kong. Dispela ol pipel i ranawe long Vietnam





## NESENEL KAPITEL DISTRIK KOMISIN

# 1992 TAKIS LO BILONG SELS NA SEVIS

Nesanel Kapitel Distrik Komisin i kamap bihainim seksen 4 bilong mama lo. Na dispela lo i tok olsem bai i gat wanpela Bikpela Lo o wanpela Ekt bilong Palamen bai toktok long Nesanel Kapitel Distrik gavman. NCDC i kamap bihainim seksen 3 bilong NCDC Ekt bilong 1990. Dispela NCDC Ekt bilong 1990 i givim pawa long NCDC long makim ol Sels Takis na Sevis Takis long Nesanel Kapitel Distrik. Komisin i bin oraitim Sels na Sevis Takis Lo bilong 1992 na oraitim tu Sels na Sevis Takis (amenmen) Lo bilong 1992. Wantaim ol narapela samting, dispela lo i toktok long putim takis antap long prais bilong ol samting na sevis long NCD.

NCDC i no kamap aninit long Lo bilong ol Provinsal Gavman. Em i kamap aninit long NCDC Ekt bilong 1990. Olsem na dispela toktok bilong wanpela man long Post Courier niuspepa bilong 27 Me, 1992 olsem NCDC i kamap aninit long seksen 56 (2) bilong Lo i karamapim ol Provinsal Gavman i no tru. Olsem na wanem samting i stap long seksen 56 (2) i no karamapim ol takis samting em NCDC i sasim long ol sevis samting.

Olgeta man na meri wantaim ol bisnis i mas tingting gut pastaim sapos ol i les long baim takis aninit long NCDC Sels na Sevis Takis Lo bilong 1992.

Ol lain husat i no baim ol takis i go long Komisin


bihainim taim em ol i makim i stap long pepa bai baim narapela 20 pesen takis gen antap long mak i stap pastaim long en. Na olsem wanem, Komisin inap kotim ol aninit long seksen 9 (3) na 14 bilong NCDC (Sels na Sevis Takis) Lo bilong 1991.

I no gat wanpela samting i rong long takis lo bilong Komisin. Olsem na Komisin i no inap tingting planti long wanem samting sapos em i laik kotim ol lain husat i no baim takis, i laik giaman o i laik mekim wanem bilong haitim ol yet. Bikos olgeta takis lo bilong Komisin i kam aninit long NCDC Sels na Sevis Takis lo.

Planti bikpela lo kampani na grup long Mosbi wantaim ol loya bilong NCDC i givim wankain bekim olsem ol toktok long antap. Na dispela i min olsem NCDC i gat pawa bilong makim ol Sels na Sevis Takis long NCD. Olsem na Komisin i laik tokaut strong olsem takis lo bilong em i bihainim ol mama lo bilong kantri na i wok long Nesanel Kapitel Distrik.

Sapos yu husat i laik save moa long dispela, toktok wantaim Ekting Prinsipel Ligel Opisa, (Mista Yayonga Bal) long telipon namba 25 5655 o 25 5636.

**I kamap long tok orait bilong FRANK J. IGO**  
Siaman



Na ID bilong yu we...Ol lain refuji bilong Haiti i kism ol nupela ID kat bilong ol. Ol i sanap insait long wanpela banis waia long Guantanamo nevi bes long Kuba.



Sut na hait...Wanpela rebel paltman bilong ol lain Aseñajani i hait na kalap i go ausait wantaim AK-47 raifol bilong em na sut long ol soldia bilong Sebia klostu long ples Shell. Wanem samting ol i save mekim em long kalap i go ples klia, sut pinis na bihain kam hait gen.



Klia long rot...Ol lain soldia bilong Sebia i raun painim ol birua paltman klostu long Babanovac. Bikpela palt i wok long kamap yet long hap na planti handed pipel i dal pinis.

## OL LIKLIK NIUS

### Fiji bilip long bisnis

**SUVA:** Nupela minista bilong Finens long Fiji, Paul Manueli i tokaut olsem em i no inap senisim o wokim nabaut long ol lo nau inap bringim mani i go insait long kantri. Manueli i bin wok olsem wanpela soldia long bipo. Na em i tok olsem bikpela bilip bilong em i stap long ol praiwet bisnis na bikpela maket.

### Isrel bomim yet Lebanon

**SIDON:** Ol ami balus bilong Isrel i wok long tro-moi bom yet long ol ples bilong ol lain Lebanon em ol i ting i gat ol rebel paitman long en. Dispela i kamap bihain long ol man i bin sutim wanpela liklik meri Juda long naip na kilim em.

### Tambuim Amerika

**WASINGTON:** Bikpela palamen bilong ol memba long Amerika i oraitim pinis lo olsem Amerika i no inap pairapim ol nuklia bom bilong en long wanpela hap. Dispela lo bai stap inap long wanpela yia.

### Bema rausim 18 kalabusman

**BENGKOK:** Gavman bilong Bema i bin rausim 18 kalabusman long haus kalabus. Namel long ol em tupela memba bilong Nesenel Lig bilong Demokrasi. Dispela ol lain i stap kalabus long wanpela haus kalabus bilong ol longlong man na meri.



Lebanon i bagarap...Wanpela bikman bilong Lebanon, Ahmad Taleb Imam bilong ples Jibsit long sauten Lebanon i skelim bagarap em ol bom bilong ol woa balus bilong Isrel i bin kamapim long ples bilong em. Isrel i mekim olsem bihain long sampela man i bin sutim wanpela liklik meri Juda long naip.



Katim na stretim ai...Dokta Nicholas Jacobs i sekap long ai bilong Anila. Bihain long dispela, em bai katim na traim stretim ai bilong yangpela meri ya. Dispela rum long wanpela haus sik long Tirana long Yurop i pulap tru long ol sikman, meri na pikinini.

# PLIS

# RIPOT



**RABAU:** Plis ripot i tok moa long K3,000 i lus taim ol raskel i brukim wanpela opis na stilim dispela mani.

Ripot i tok ol raskol i bin brukim haus bilong menesa bilong Rabaul Daive Sop long Sarere Jun 6, na stilim wanpela televisen wantaim wanpela redio.

Wankain pasin i kamap long opis bilong Woks na Saplai Depot. Long dispela hap ol raskol i bin stilim moa planti samting. Prais bilong olgeta samting ya inap long K2,500 olgeta.

Ol plisman i painim ol man husat i go pas long dispela mekim dispela stil pasin.

• **Lae:** Morobe Disasta Kodineta, Peter Aristako bai lukluk raun long Bukawa eria long wanwan ples we wara i bagarapim ol gaden na ol haus.

Ripot long Lae i tok olsem wara i bagarapim 5-pela viles. Bikipela bagarap i kamap long Widuru. Ripot i tok tripela haus olgeta wara i bagarapim. Na planti gaden i bagarap long bikipela tait bilong wara Bulumtu.

Aristako i bin wokabaut wantaim sampela opisa bilong agrikalsa dipatmen long mekim sampela wok painim aut long amas gaden na samting na wara i bagarapim long dispela 5-pela viles ya.

**Rabaul:** Plis ripot i tok ol timba kampani long Pomio long Is Nu Briten i salim gan long ol raskol na ol man nating. Nau yet ol plisman i wok bung wantaim provinsal gavman long stapim dispela pasin.

Nau yet ol plisman i holim tupela man na kisim tupela gan long han bilong ol. Bihain ol plisman i askim tupela na tupela i tok ol i baim long ol wokman bilong Pomio timba kampani.

Plis ripot i tok planti man i baim gan long ol dispela wok man tasol ol i no laik long givim i go long han bilong ol plisman. Nau yet dispela pasin i kamap bikipela.

## Sukurum tingim ol evanjelis

Singaut long helpim mani

SUKURUM ples long Daum peris insait long Yabim distrik bilong Morobe provins nau i gat nupela haus lotu. Ol i hatwok tru long wokim dispela haus lotu.

Sande 24 Me, 1992 em i bikipela de bilong ol pipel bilong ples Sukurum. Moa long wan tausen pipel i bung long lukim nupela haus lotu na komyuniti skul i op.

Ol pipel bilong Sukurum i bin lusim moa long K1,000 long wokim nupela haus lotu.

Ol lain husat i helpim ol wantaim mani em Daum peris, Wantoat komyuniti bilong 4 mail long Lae, Sangan seket, ol pipel bilong Kupasa na provinsal gavman.

Sukurum kongrigesen i no inap kamap olsem nau. Long wok bilong wanpela wokman i bringim gutnius na dispela i bringim lait i go insait long 1926.

Abraham Ubuc bilong Sangan i bin kisim Tok bilong God i go long Sukurum bihainim wok Luteran Sios i kirapim. Long 1931, evanjelis Abraham i ritaia long sios wok. Wok bilong Abraham i no lus na hait taim pikinini bilong em i bihainim lek bilong papa.

Long 1937, pikinini bilong Abraham, Daum i bihainim lek bilong papa na skruim wok evanjelis insait long Sukurum na sios bilong God i sanap strong yet. Daum peris i kisim nem bilong evanjelis Daum.

Dispela em i karamapim ol ples olsem Sukurum, Rumdinan, Kupasa, Warom na Gabagiab.

Long tingim wok bilong evanjelis Abraham na pikinini bilong em Daum, ol pipel bilong Sukurum i givim nem Sen Abraham long nupela haus lotu na nem Daum i go long peris senta bilong ol long wok bilong Sios.

i kam long pes 6

bilong akavis na infomesen rum. Narapela tupela rum em i klinik. Wanpela i bilong saplai rum na narapela em i bilong ol sikman i kam kisim marasin.

Hagen taun bai kamap siti long bihain olsem na Melpa seket i laik go wantaim dispela senis. Long bihain, dispela seket bai sanap namel long siti. Long kisim pawa i go long opis, em bai kos samting olsem K5,000. Dispela em i narapela hevi seket i lukluk long en.

Tok i stap olsem sios i stat long kongrigesen. Melpa seket i bihainim tru dispela straksa na mekim pinis wok bilong independen seket. Long seket yet i mekim olgeta wok long sait bilong mani. Dispela em i gutpela piksa bilong sios tru bilong God.

Arapela seket insait long ELC-PNG inap lainim planti gutpela samting long sios i gat laip. Em i tru. Sapos seket yet i ken mekim olgeta samting long strong bilong en yet. orait, dispela sios i gat laip.



• **Pasto Yaningao bilong Luteran Sios long Lae** i opim dua bilong haus lotu olsem mak bilong haus lotu i op nau.




Winner of the 1990 KOOL INDEPENDENCE SAFARI RALLY  
3rd PLACE - The 1991 KOOL INDEPENDENCE SAFARI RALLY

## PNG's No. 1 RALLY DRIVER

TELLS HOW TO WIN COMPETITIONS  
(AND PEACE OF MIND)

"When you're full bore in third gear coming out of a turn, the last thing you want is a drop in oil pressure". So says Andrew English, winner of the 1990 Independence Safari Rally and 3rd place in 1991 behind Murray Coote, Australian Rally Champion, both men drive and win in MAZDA cars.

Here's why Andrew insists on the genuine part:



### Genuine

- Larger surface area of filter medium - superior filtration for the whole recommended servicing interval.
- Relief valve - ensures oil flow even if servicing interval is exceeded and filter becomes partially blocked. Full by-pass operation.



### Non-Genuine

- Small surface area of poor quality filter medium - this filter will either fail or block before the servicing interval is complete.
- No relief valve - partial blockage will result in oil starvation.



Keep the pressure on your competitors and in your engine - use the genuine part

## Stretim hariap Is Sepik

**Dia Edita,**  
Mi wanpela manki Is Sepik. Mi stap nau long Mosbi siti.  
Mi gat bikpela wari tru long provins bilong mi. Olgeta taim mi save ritim long niuspepa olsem raskol pasin i bikpela tru. Dispela em long Wewak taun na ol arapela distrik tu.

Mi save ritim ol trabel olsem:  
• Ol raskol i hensapim PMV na ol kampani ka long kisim mani  
• Brukim stua o haus na sti'im ol samting  
• Bagarapim meri, na ol arapela samting.

Mi laik save long wanem samting ol provinsal na nesanel lida i mekim nau long daunim raskol pasin.  
Sapos yupela i lukluk long dispela hevi, plis stretim Is Sepik hariap.

Jackson Yuki MOSBI



## Ol PMV mas kisim ol studen

**Dia Edita,**

Mi wanpela manki Wako long Morobe provins. Mi stap nau long Rabaul taun insait long Is Nu Briten provins. Mi laik komplek long ol PMV bas namba 8 bilong Malai taun, na namba 7 em i save ran i go olsem long Matupit.

Mi lukim planti taim ol i no save stap long kisim ol studen. Mi save sore tru long ol studen long kain rabis pasin bilong ol PMV.

Planti taim ol studen i save wet long ol bas i go na kamap bihain tru long skul. Bikos ol PMV bas save les long kisim ol. Mekim na ol tise i ken givim mekimsave long ol studen ken long kamap bihain o let long skul.

Mi laik askim ol PMV bas draiva long lusim dispela kain pasin nogut.  
Tingim sapos yupela i olsem ol studen,

den, bai yupela painim taim stret ya.

Mipela olgeta i mas save olsem ol studen em ol lida bilong mipela long bihain taim. Olsem na mipela i mas rispektim ol, na givim wankain sevis i go long ol olsem ol arapela bikman na meri.

Mi ting ating ol studen i save baim hap prais tasol, olsem na ol PMV i save les long kisim ol. Ol i laik kisim ol bikman na meri bai ol i kisim ful pe. Tasol dispela i no gutpela as.

Sapos dispela i no as bilong dispela hevi, ating mas i gat sampela kain as i stap. Tasol i gutpela long yupela i stretim dispela hevi wantaim wanwan skul. Na noken givim hat taim long ol lida bilong mipela long bihain taim.

Jimmy Palai RABAUL

## Lo bilong hangamapim man ken stretim PNG

**Dia Edita,**

Mi laik sapatim pas bilong brata Emmanuel Mark. Pas bilong em i bin kamap long *Wantok Niuspepa* Namba 852 aninit long het tok, "Hangamapim man."

Mi amamas long pas bilong brata Emmanuel.

Dispela lo i mas kamap strong long Papua Niugini. Long wanem, mi glasim olsem long bihain taim, bikpela hevi bilong lo na oda bai kamap long kantri. Na dispela kain lo i ken helpim long daunim hevi bilong lo na oda, na kantri bilong mipela bai

ran gut.

Dispela pasin bilong hangamapim ol trabelman em gavman bilong ol waitman i bin mekim long kantri bipo. Olsem na long dispela taim, kantri i bin ran gut tru.

Long biknait, ol manmeri na pikinini i ken wokabaut fri tru. Nogat birua bai kamap long ol.

Tasol nau mipela i laik lukautim mipela yet, na kainkain bikhet pasin i kamap.

Ludwick Mahopni Ibokl Base Camp WNBP

## Atopare noken giaman

**Dia Edita,**  
Mi wanpela yangpela man bilong Isten Hailans. Mi laik autim tingting bilong mi bai ol pipel long provins bilong mi i ken skelim. na votim gutpela lida long 1992 Jun ileksen.

Toktok bilong mi sut stret i go long Silas Atopare na komiti bilong em. Mi laikim yupela long tok tru long ol pipel bilong provins, na noken giaman ol long winim ileksen.

Yupela i bin kempen na tok olsem Mista Atopare i bin putim lait long ol rot insait long Goroka taun. Atopare em olpela siaman bilong EHC Autoriti.

Mi ting dispela em mauswara tok

na i no tru. Mi laik kliam ol pipel bilong Isten Hailans olsem ol lait yupela lukim long taun nau em projek bilong Nombe gavman.

Taim Walter Nombe i stap primia, em wantaim memba bilong Goroka taun, Samuel Kuso i bin go long Mosbi na toktok wantaim nesanel gavman. Na nesanel gavman na memba bilong Goroka i sapatim, na putim mani i kam long taun autoriti long putim ol lait ya.

Yupela noken giaman ol pipel. Mi yet mi no sapatim wanpela kendidet. Mi les pinis long ol.

Gosuve Lavekave GOROKA

## Wokman bilong ol pasindia sip mas tingim laip bilong ol pasindia

**Dia Edita,**

Mi wanpela manki Kainantu tasol nau mi stap long Rabaul. Mi laik autim wari bilong mi i go long ol man i save ranim pasindia sip namel long Lae na Rabaul.

Mi no amamas long rabis pasin ol kru na kepten bilong sip i save mekim long ol pasindia. Ol i no save tingting gut na ranim sip. Planti taim ol i save kris wantaim ol pasindia meri, na lus tingting long wok bilong ol.

Long bipo, ol wokman bilong *MV Kosmaris* i

bin wokim wankain pasin na klostu *MV Kosmaris* i kapsait. Tasol em i go na pas long ol rip long Kimbe.

Na long Me 4, 1992, *Kimbe Express* i bin go na pas long ol rip klostu long Nonga haus sik. Long dispela taim ol pamuk meri bilong Hailans i bin gris wantaim ol wokman bilong sip, na ol wokman i lus tingting long lukautim ran bilong sip.

Mi askim ol papa bilong sip long lukluk long wokman bilong ol. Bikos planti bilong ol i no save mekim gut wok bilong ol.

Yupela ol wokman mas tingting long laip bilong ol pasindia. Na maski long mekim nambaut long sip.

Kasa Wekas KOKOPO

Henry Kalo RABAUL

## Ol Enga mas votim gutpela lida

**Dia Edita,**  
Mi wanpela manki Lanekep long Wabeg, Enga provins. Mi stap long ples na raitim dispela leta. Mi laikim yupela olgeta pipel bilong Enga i mas lukim dispela leta.

1992 nesanel ileksen bai kamap long Jun. Na papa bilong Enga na lida bilong Papua Niugini, Malipu Balakau i dai pinis. Olsem na mi ting nogat wanpela tru lida i stap nau long makim mipela long dispela ileksen.

Ol birua man i sutim Balaku i dai na liklik bilong em, Jeffrey Balakau i

kisim ples long palamen.

Ol man i laik resis long Enga provinsal sia em nau Jeffrey Balakau i holim, mi ting ol i no inap long developim Enga provins.

Yupela ol pipel i mas glasim gutm wanwan kendidet na votim. Vot bilong yupela i mas go long wanpela gutpela man husat inap long bringim senis long provins. Bikpela senis i mas kam long ruel eria.

Hene Karap Lupumanda Village WABAG

## Ol kristen buksop mas daunim prais bilong ol buk

**Dia Edita,**

Mi wanpela yangpela meri bilong Daina long viles long Is Sepik provins. Mi gat liklik belhevi long ol kristen buksop long Papua Niugini. Olsem na mi laik autim long *Wantok Niuspepa*.

Nau yet mi save raun long planti buksop. Tasol mi save lukim prais bilong ol dispela buk i dia tumas. Olsem na mi laik askim olgeta papa bilong ol buksop long daunim prais bilong ol buk.

Prais bilong Baibel na komik Baibel i bikpela tumas. Na sampela taim ol manmeri i laik baim. Tasol bikpela prais i stapim ol manmeri long baim

ol dispela buk. Buk bilong God i mas stap long liklik prais. Nau yet ol papa bilong kristen buksop nambaut i lus tingting olgeta long wanem as na ol i ranim dispela kristen buksop.

Long dispela as na mi raitim dispela pas long ol i ken lukim na putim prais bilong olgeta buk i go daun. Na plant manmeri husat i laik lainim na lukim toktok bilong God i mas baim. Olsem na mi laik askim olgeta bosman bilong ol kristen buksop long daunim prais bilong buk Baibel na ol arapela liklik buk.

Patricia Hulayal WEWAK

## Ol yangpela manmeri mas stapim spak brus

**Dia Edita,**

Mi wanpela manki Yangoru long Is Sepik provins tasol nau mi stap long Bialla, Wes Nu Briten provins.

Mi laik autim wari bilong mi i go long ol yangpela man na meri. Mi save lukim planti yangpela man na sampela yangpela meri i smokim spak brus ol i kolim "Mariwana." Mi no amamas long dispela pasin nogut ol yangpela i save mekim.

Dispela ol manki i save luk nogut tru taim ol i smokim dispela spak brus planti taim. Na planti bilong ol i save painim hat long stapim.

Ol manki ya i save lusim skin, ai bilong ol i

ret, na ol i luk olsem lapun man. Bikos planti bilong ol i no save long bagarap dispela smok i save kamapim long bodi.

Olsem na mi askim ol long helt dipatmen long givim strongpela tok

lukaut i go long ol man i save smokim mariwana.

Bikpela askim bilong mi i go long ol plis long sekim olgeta ka i save ran long hailans haiwe. Mi askim ol tu long sekim olgeta man i kisim balus long

bikpela ples balus long Hailans rijon. Bikpela sekhap ol i mas wokim long Isten Hailans provins. Bikos dispela spak brus i save groa nating long provins.

Pius Baki Bialla.

## Stretim hariap Sepik Haiwe

**Dia Edita,**

Mi wanpela manki bilong Wes Sepik provins tasol nau mi stap long biktaun bilong Is Sepik provins, Wewak. Mi laik komplek long ol bikman long stretim Sepik Haiwe.

Yupela ol bikman bilong olpela provinsal na nesanel gavman i stap we? Ating ai bilong yupela i pas, na yupela i no lukim olsem haiwe bilong mipela i bagarap.

Dispela haiwe em bipo ol manmeri i yusim sped na ol samting olsem long

mekim. Tude masin i mekim i go bikpela, na ol ka i save ran long en.

Tasol haiwe i go bagarap liklik na planti birua i save kamap olsem ol PMV kai baim.

Yupela ol bikman i mas lukim dispela na askim long mani bilong stretim rot.

Mipela ol pipel i baim takis i go long gavman, tasol nogat senis i kamap long haiwe bilong mipela.

Daney Wenos WEWAK

## Somare bai mekim wanem?

**Dia Edita,**  
Mi laik agensim pas bilong brata Donnie Steven. Pas bilong em i bin kamap long *Wantok Niuspepa* long Me 21, 1992. Het tok bilong pas em "Kisim Bek Lapun Papa."

Brata, ating i gutpela sapos yu yet i go long asples bilong Lapun Papa Somare na lukim wanem samting em i wokim long provins. Yu traim na go raun long ol hap olsem, Angoram, Maprik, na biktaun bilong Is Sepik provins, Wewak.

Bai yu sem tru long lukim traipela bus i karamapim taun na ol arapela liklik stesin. Stil na kainkain bikhet pasin i wok long kamap bikpela.

Bikos planti skul manki na ol olpela wokman i raun nating. Planti bilong ol i save painim wok. Tasol gavman i nogat inap wok long givim ol. Olsem na ol i wokim pasin raskol.

Mi askim yupela olgeta long lukluk gut na votim gutpela man long dispela ileksen. Yumi mas askim spirit bilong God long helpim yumi long makim gutpela lida husat i ken lukluk long hevi bilong ol pipel. Lynn Bowi WEWAK

**WANTOK**

# BISNIS LONG PAPUA NIUGINI

**WANTOK**

## KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232

FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapat long Gavman. Dispela i stat long Janueri 1,1992

## KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
01/06	02/06	03/06	04/06	05/06

Pe ol baiya sasim long papa bilong femetri	K536	K545	K544	K544	K539
--	------	------	------	------	------

Sapat prais	K596	K596	K596	K596
-------------	------	------	------	------

Prais ol papa bilong femetri i kisim

K1132 K1111 K1110 K1140 K1135 Sapat prais bilong kakao long dispela mun em K596.11. Dispela prais i no wankain olsem pe bilong kakao long ol narapela hap bilong kantri.

## KOPI

Pe bilong drai arabika na robusta kopi long wanwan kilogram long Me 25, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K0.88
Goroka	K0.92
Kundiawa	K0.90
Minz na Banz	K0.83
Hagen	K0.85
Lae	K0.95
Madang	K0.75
Is Sepik	K0.70

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Mumeng, Wau Bulolo, Wasu, na Aseki.

Robusta :	
Madang	K0.50

Ripot bilong ol arapela senta husat i save groim robusta kopi i no kamap.

## RABA

Gavien faktori (ESP) - 21 V/kg  
Doa faktori (Sentrel) - 36 V/kg inap long 391/kg

## KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Draai long san em namel long K0.80 na K1.10. Draai long faktori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

## PRAIS BILONG OL BENSIN

Kos long wanpela lita Ex Pump (Wantaim takia)	
Petrol	55.1 toea
Diesel	42.3 toea
Kerosin	46.6 toea



## Ol Bukawa pipel long Morobe redi long salim taro long Mosbi

### SAM YAKAM i raitim

OL pipel bilong Mosbi i ken baim nau taro na ol arapela gaden kaikai bilong Bukawa long Morobe provins.

Las wik wanpela man na tripela meri Bukawa i kamap long Mosbi wantaim 55 beg taro long salim. Na ol i plenim long askim Agrikalsa na Laipstok divisen long Morobe provins long stretim rot bilong ol arapela Bukawa pipel long kam salim moa taro long Mosbi.

Mista Nawae Nasai i tok prais bilong taro long ol maket long

Mosbi i winim tru prais bilong ol arapela gaden kaikai. Olsem na ol i lukim olsem dispela em i gutpela sans bilong mekim moa mani.

Nasai tok prais bilong wanpela taro long ol maket long Lae em 50t. Wankain sais taro long Mosbi i kos K1. Prais bilong 5-pela beg taro long Lae em K2,000, na long Mosbi bai i kos K5,000 olgeta.

Nasai i tok em i amamas long painim nupela maket long salim taro na kisim moa mani. Bikos planti taim ol pipel bilong em long Bukawa eria i salim taro long liklik prais long ol Lae maket, na ol arapela Hailans senta.

Em i skruim tok moa olsem taro i no olsem ol arapela gaden kaikai.

Bikos em i no save kamap long sisen bilong em o wanpela taim tasol. "Olsem na sapos mipela planti taro olgeta taim, olgeta mun mipela inap i kam na Mosbi long salim ol taro long hia," Nasai i tok.

Misis John Nako i kamap long Mosbi wantaim Mista Nasai. Dispela em i namba tu taim bilong em long kam salim taro long Mosbi. Las yia em i kam wantaim 9-pela beg, na salim olgeta taro long wanpela wik tasol.

Las yia Misis Nako i kam wantaim 19 beg. Long wanpla beg taro, em i makim long kisim samt-ing olsem K400. Dispela i winim tru ol arapela gaden kaikai long maket. "Lukluk long hamas mani

mi tromoi long baim balus na sip long kisim ol beg taro i kam long Mosbi, mi kisim moa long 100 pesen profit mani," Misis Nako i tok.

Narapela mama em Nakere Gamba. Em tu i kam bek gen long Mosbi. Tasol dispela taim, em i kam wantaim 12-pela beg. Bikos em i lukim olsem i gat gutpela sans bilong mekim moa mani.

Namba tri mama, Misis Nadu Tiba i kam wantaim 14 beg.

Mista Nasai i tok dispela em i namba wan taim bilong em long kamap long Mosbi long salim taro. Em i plenim long stretim rot wantaim Consort Express Lines long karim ol beg taro bilong em i kam long Mosbi.

## Amerika bai helpim PNG long strongim ol agrikalsa wok

PAPUA NIUGINI na gavman bilong Amerika (US) i tokorait pinis long wok bung na mekim bikpela agrikalsa wok insait long kantri.

Ol bikman bilong tupela kantri ya i sainim wanpela tokorait long dispela long Fraide Jun 5. Dairekta bilong Opis bilong Intanesenel Developmen Asisten, Gabriel Pepsen na John Vessey bilong Amerika Embasi i putim nem bilong tupela antap long dispela dispela tokorait.

U.S Ajensi bilong Intanesenel Developmen (USAID) bai givim helpim long nem bilong Amerika gavman. Na Dipatmen bilong Agrikalsa na Laipstok bai lukautim ol agrikalsa wok em bai kamap long kantri aninit long dispela tokorait.

Mista Vessey i tok USAID Komesel Agrikalsa Developmen (CAD) Projek bai kamap long kos bilong K5.7 milien. Na em i wanpela helpim kantri bai kisim we i kam aninit long ol helpim em Amerika i bai givim long Saut Pasifik long 5-pela yia.



*Kisim kago long Fane ples balus - Ol manmeri i rausim kago bilong ol long Fane ples balus long Kolari insait long Sentrel provins. Balus i bin karim kago bilong ol long Mosbi na i go long hap long las wik. Wanpela rot tasol bilong ol i kisim saplai long siti em long balus. Bikos i nogat rot i go long hap. Ol bisnisman long hap tu i save yusim balus tasol. Foto: Sam Vulum.*

## Kutubu bai salim wel long Julai

KLOSTU bai wok long joinim paip long Kutubu wel i pinis. Na wok bilong salim wel long ovasis bai stat long neks mun.

Ripot i kam long Petrol Infomesen Sevis i tok wok bilong traime ol wel paip i go het long las mun. Na nau yet ol i testim long namba 4 taim. Ol saveman bilong ovasis husat i wok aninit long nem Acnuck Ensinering i testim ol paip.

Wok bilong testim ol paip bai pinis long namel bilong dispela mun. Na bihain bai olgeta wok

i stat. Ripot i tok tu olsem wok bilong joinim paip i go long ol bris long nambis bai klostu i pinis. Ol wokman i mekim sampela liklik wok tasol long pinisim olgeta wok, na redi long salim wel long paip.

Wel bai ran long ol paip long Sauten Hailans i go daun long Galp bilong Papua.

Chevron kampani husat i go pas long mekim dispela wok i makim olsem wok bilong salim wel bai stat long dispela yia.

## Katolik Sios kirapim nupela bisnis beng

NUPELA bisnis beng bai i kamap nau long Papua Niugini, em Katolik sios bai i gat bikpela sea long en.

Minista bilong Fainens na Plening, Paul Pora i givim pinis laisens bilong dispela beng long mekim bisnis olsem ol arapela bisnis beng insait long kantri.

Nem bilong dispela beng em ADF Beng. Wok i kamap nau long resistaim dispela beng. Na ol pipel bilong PNG yet bai i papa na lukautim wok bilong beng ya.

Nupela beng ya bai statim wok wantaim K5 milien. Katolik Asdaiosis long Mosbi wantaim ol arapela Katolik Asdaiosis long PNG i gat bikpela sea long dispela beng wantaim 51 pesen sea. Ol arapela manmeri bilong kantri wantaim ol kampani bai i papa long narapela 49 pesen sea.

Wok bilong beng bai i wankain olsem ol arapela ADF Beng em Katolik Sios i ranim long ol arapela kantri. Ol dispela beng i save wok aninit long nem ADF Banking Grup



*Ol i go painim pis tru o? Leo Wamung (namba tri long lephan long baksait) wantaim ol lain bilong Ali allan long Wes Sepik i redi long kisim moto bot ya i go painim pis long solwara long las Sarere, ausait long Madang taun. Ol i rausim sampela pasindla long Binen Poin, na redi long go aut. Dispela de, ol i no lkaki tumas na pulim 4-pela pis tasol.*

Pages 14

and 15

are

switched

Ol provins stat long kisim ol balot pepa

BIKPELA wok bilong ileksen i wok long pinis isi isi na taim bilong vot na kaunim ol vot i wok long kam klostu.

Komisina bilong ileksen opresen, Morea Veri i tok olgeta bikpela wok ol wokman bilong em i mekim i wok long pinis. Na ol i redi tasol long go na stat kisim ol vot long olgeta kona bilong kantri.

Las samting ol i wok long mekim nau em long salim olgeta balot pepa i go long olgeta 4-pela rijon. Na givim i go long wan wan provins.

Opis bilong em i bin salim ol namba wan balot pepa i go long Niugini Ailan rijon. Ol i bin salim ol dispela balot pepa tupela wik i go pinis. Na nau ol dispela balot pepa i stap long lukaut bilong ol provinsal ilektoral opis long wan wan provins.

Na long las wik, opis bilong em i bin salim olgeta balot pepa i go long Momase rijon. Is Sepik na Wes Sepik provins i bin kisim ol balot pepa bilong ol pastaim long Madang na Morobe provins.

Long dispela wik, ol opisa bilong em i wok long wok hat tru long salim olgeta balot pepa bilong wan wan provins insait long sauten rijon. Em i bilip olsem olgeta provins bilong sauten rijon bai kisim balot pepa bilong ol pastaim long pinis bilong dispela wik.

Tasol em i no inap tokaut long wanem taim ol bai salim ol balot pepa i go long ol provins long Hailans rijon.

# No gat nois...tasol i gat kaikai bilong wok

MI kamap long Tega long Hagen, Westen Hailans provins long hap pas 10 moning long Fonde, 23 Epril, 1992.

Taim mi kamap, mi no lukim wanpela man-meri o pikinini i mekim nois liklik long ples.

Tasol mi go klostu long wanpela raupela haus i gat 7-pela kona long en. Nau mi harim kundu i pairap na nek bilong ol meri tasol i kamap. Mi no klia long wanem samting i wok long kamap insait. Long wanem, ol i mekim tok ples tasol.

I no longtaim, wanpela meri i kam ausait long dispela haus na tok gude long mi. Mi askim em long wanem samting i wok long kamap. Em i tokim mi dispela em i bung bilong ol mama bilong Tega. Bung i save kamap long olgeta Fonde.

Olgeta singsing, stadi na prea i kamap long tok ples Melpa tasol.

Olsem na mi no klia long wanpela samting. Em inap. Dispela meri i go insait na ol i salim wanpela meri long kisim pasto. Pasto bilong Tega wantaim arapela hetman na ol yangpela man i wok long traim wokabaut somil long katim ol plang.

Stadi bilong ol meri i kisim moa long wan aua olsem na mi wet yet inap Pasto Botingnu i kamap long 12 klok belo kaikai. Ol meri tu i pinisim lotu na kam aut.

Dispela em i wanpela rot ol Kristen bilong Melpa seket i save yusim long olgeta wik long Kristen laip bilong ol. Ol man i gat wok na ol meri tu i gat wok long kirapim sios bilong God. Mi guria long lukim dispela kain pasin i stap long laip bilong sampela Lutheran husat i mekim tru wok bilong Bikpela.

Dispela pasin i lainim

Edita bilong Niugini Luteran, Sanang Zazoring i stori long wokabaut bilong em i go long Tega long Westen Hailans provins. Na wanem samting ol Kristen long hap i mekim.




• Ol Luteran Sios meri bilong Tega eria long Westen Hailans i bung long lotu long Tega haus lotu.

yumi long yusim taim olgeta laip bilong yumi. bilong yumi gut long Sopos Tega kongrige-

sen i ken mekim wanem long kongrige- olsem, orait, olsem sen bilong mi yet?

## Mama bilong 4-pela wok olsem voluntia



• Ripota Rudolf Ayu long raithan i sindaun stori wantaim Theresia Limbe bihain tasol long em i greduet olsem wanpela voluntia woka.

OL mama i gat bikpela wok tru insait long famili.

Wanpela mama nau i go wok long Madang bai hatwok tru. Bikos em i no inap lukautim wanpela o tupela pikinini, em bai lukautim planti pikinini moa.

Dispela mama em Theresia Limbe bilong Midel Ramu long Madang. Na em i wanpela voluntia woka husat i bin stap namel long ol arapela namba wan lain 11-pela voluntia bilong Nesenel Voluntia Sevis (NVS). Dispela ol lain i bin greduet long las mun na stat wok pinis.

Theresia i stap wok nau long Madang olsem kodineta bilong ol kintagaden long provins.

Pastaim long dispela, Theresia i bin wok olsem wanpela kintadagen tisa. Em i wankain tasol olsem ol arapela mama. Tasol em i bin kalap i go antap liklik long lata taim em i tokim ol 4-pela pikinini na man bilong em olsem em i laik joinim NVS.

Em i tok man bilong em Paul wantaim ol pikinini i bin amamas tasol na helpim em long pulimipim ol aplikesen fom.

Olsem kodineta, wok bilong Theresia nau em long kirapim ol kintagaden long ol ples na senta long Madang. Em i kisim liklik helpim mani tasol. Na dispela i no pasim em long kirapim pinis ol kintagaden long ol ples long Madang.

## Wutung lida kros long ol Indonesia soldia

OL pipel bilong Wutung, klostu long boda bilong Papua Niugini na Indonesia long Wes Sepik provins i les pinis long lukim ol soldia bilong Indonesia i kam insait long PNG.

Wanpela bikman bilong ples, Mark Ando i tok Indonesia i no save bihainim tok orait bilong boda em ol i bin sainim wantaim PNG.

"Mipela i les pinis tu long gavman bilong PNG bikos em i no mekim wanpela samting long dispela. Olsem na mipela bai salim tasol wanpela spesel ripot i go long Yunaited Nesens."

Em i tok nesanel gavman i save wari tasol long ol trabel na pait i kamap long hailans na salim moa plisman i go long hap. Tasol em i lus tingting olgeta long wanem samting i wok long kamap long boda bilong yumi.

Ando i bin mekim ol dispela toktok bihain long sampela soldia bilong Indonesia i bin kalapim boda mak i kam insait long Wutung bilong painim ol rebel paitman bilong OPM.

Ripot i tok long dispela taim ol soldia i kam long ples, ol i kilim wanpela OPM paitman na kukim em long paia. Narapela tupela OPM paitman em ol pipel bilong ples i helpim ol na bringim ol i go long Vanimo haus sik.

# Ileksen De bilong Papua Niugini, Me - Jun 1992

**1. Nominesen fi**

Nominesen fi i goap pinis long K1,000. Man husat i winim ileksen bai kisim bek mani bilong em.

**2. Ol bai ileksen**

Sapos long sampela kain as na wanpela bai ileksen i kamap long las 12-pela mun (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun).

**3. Katim daun de bilong nominesen**

Taim bilong nominesen o makim ol kendidet i go long ilektorel opis bai i no inap kamap bipo long namba 28 de na bihain long 35 de.

**4. Sapos kendidet i dai**

Kendidet bai lusim ileksen sapos em i dai bipo long nominesen de i op, na bihain long i oraitim wok bilong ileksen, na tu bipo long lo i oraitim wok bilong ileksen i go bek long mama ilektorel opis long Mosbi.

**5. Ol de bilong vot**

Taim bilong vot i go daun long 14 de tasol.

**6. Helpim ol manmeri husat i no save rit o rait**

Ileksen opisa i ken oraitim wanpela man husat em i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i aipas o i gat sampela bikpela bagarap long bodi olsem ol disebel.


**7. Pinis bilong seksinel vot**

Seksen 141 bilong Ogenik Lo bilong Nesenel Ileksen em ol i senisim. Dispela senis i rausim seksinel vot.

**8. Wanpela ripresentativ tasol bilong wanwan kendidet long ples bilong kaunim vot**

Wanpela ripresentativ tasol bilong ol wanwan kendidet i ken stap insait long

**9. Hap bilong kaunim vot, long wanpela tasol long taim bilong kaunim vot.**



Authorized by Reuben Kaiulo, Electoral Commissioner Papua New Guinea

hap bilong kaunim vot, long wanpela tasol long taim bilong kaunim vot. Dispela em long sekim namba bilong ol vot ria toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wan wan. Moa long wanpela man i no inap go insait long wanpela taim tasol).

**9. Namba wan palamen kibung bihain long jenerel ileksen**

Namba wan kibung bilong palamen i mas kamap 7-pela de bihain long lo i oraitim wok bilong karimaut ileksen i kam bek long mama ilektorel opis long Mosbi. (Nau yet kibung i ken kamap bihain long 21 de).

**10. Sais bilong ol ileksen posta**

Bipo i gat tambu long sais bilong ol ileksen posta. I no gat moa tambu long dispela nau.

**11. Tambu long yusim spika long taim bilong vot**

Tambu long ol kendidet o sapota bilong ol kendidet i yusim laut spika, na ol kain masin olsem bilong toktok bikpela long taim bilong vot. Ol plisman o ilektorel opisa tasol i ken yusim long lukautim lo na oda, na tu long tokim ol pipel long wanem samting bilong mekim long vot.

**12. Ileksen petisen mas kamap bihain long 14 de tasol**

Sapos wanpela kendidet i laik komplem bikos long sampela as na em i no winim ileksen, em i mas givim dispela komplem i go long ilektorel opisa 40 de bihain long ilektorel opisa i tokaut long nem bilong ol kendidet husat i winim ileksen. Ilektorel opis i no inap kisim wanpela komplem bihain long 40 de. (Nau yet ol kendidet husat i laik komplem i gat tupela mun olgeta long givim komplem i go long ilektorel opis).

**13. Sekyuriti bilong kos na ileksen petisen**

Sapos wanpela kendidet i laik komplem o givim petisen, em i mas givim wantaim K2,500. Nau yet dispela mak bilong mani i stap long K200 tasol.

## Stapim pasin bilong kraik long kompensesen mani

**Dia Edita,**  
Mi no amamas long olgeta taim ol manmeri long kantri i save sasim bikpela mani tumas long gavman long baim kompensesen mani. Dispela em long ol hap graun gavman stesin i stap o haiwe i ran long en.

Mi laik mekim wanpela askim i go long ol kain papagraun bilong askim tumas long kompensesen mani. Yupela kisim dispela graun long wanem hap tru i kam putim, na askim gavman long baim? Husat i wokim dispela graun? Yupela wokim o God papa i wokim?

Yupela nogat sem long strong nating long samting bilong narapela man, na i laik kisim mani long en.

Yumi olgeta i kam as na han nating. Mipela i no karim wanpela samting i kam long dispela wol. Taim yumi laik go bek tu bai i wankain. Bai mipela go bek as na han nating. Mipela i no inap karim

wanpela samting i go bek.

God i givim dispela graun bilong mipela olgeta man na abus bilong graun long kisim kaikai na stap long en. Na i no bilong salim na kisim mani.

Yupela mas save olsem gavman i save traim hat long bringim gutpela sevis i kam long mipela ol pipel. Bai mipela i ken sindaun amamas. Gavman i save tromoi bikpela mani tru long mekim ol dispela samting.

Gavman i no laikim mipela long sindaun olsem ol wail abus bilong bikbus.

Tasol mipela givim hat taim gen long gavman, husat i laik helpim mipela.

Ating mipela i laik sindaun gen olsem ol tumbuna bilong mipela long tumbuna taim.

Traim na yusim het bilong yupela.

**James Wida  
KIMBE**

## Maski stilim tumbuna bilas bilong ol Popondeta

**Dia Edita,**  
Mi wanpela meri Popondeta husat i stap nau long Mosbi siti. Mi no save amamas long lukim ol manmeri bilong arapela provins i pasim taba klot.

Mi lukim wanpela man bilong Sentrel provins i pasim taba klot na katim singsing bilong em wantaim EMTV. Dispela em long

musik progrem ol i kolim "Mekim Musik."

Na tu mi bin lukim ol studen bilong Sogeri Nesenel haikul i pasim tapa klot na danis nambaut. Wankain pasin i kamap tu long sampela tieta grup.

Yumi olgeta i gat bilas bilong tumbuna i stap. Olsem na noken stilim bilas bilong sampela lain.

Bikos mipela ol pipel bilong Popondeta i no save putim bilas bilong yupela na danis nambaut.

I no gutpela long pukim putim bilas bilong sampela lain na apim nem bilong ol, na putim bilong yupela yet i go daun. Mi bilip sampela Pops bai sapotim toktok bilong mi.

**Meri Popondeta.  
MOSBI**

## Noken daunim Sepik

**Dia Edita,**  
Mi laik autim liklik bel-hevi bilong mi. Long wanpela Sarere moning mi sanap arere long wanpela stua bilong man Saina. Na mi lukim papa bilong stua i kam ausait na i laik holim pasim wanpela yangpela boi.

Dispela boi i bin go insait long stua na stilim sampela samting long stua.

Tasol boi ya i no harim tok na ranawe i go ausait long stua. Dispela boi i soim pinga o han nogut long dispela man Saina. Na em i tok, "Yu kam na holim, yu save mangi PS. That's Gawi."

Taim mi lukim dispela pasin manki ya i mekim long dispela man Saina, mi no amamas tru.

**Pius Baki  
BIALLA**

## Ol plisman i no save stap nating na pinisim mani

**Dia Edita,**  
Mi laik bekim pas bilong Marcus Hacman. Em i tok ol plisman i slek long daunim hevi bilong spak brus insait long kantri.

Mi laik askim olsem brata ya i save hait long wanem hap tru na i no save ritim ol niuspepa, harim redio o lukim TV. Planti nius o ripot i kamap long ol plisman i holim pasim na sasim ol man long holim spak brus, smokim o planim na salim.

Na tu planti taim i gat piksa bilong ol plisman i holim ol beg spak brus, bihain long ol i sekim sampela haus o ples.

Planti bilong ol dispela lain i brukim lo i stap pinis long haus kalabus.

Ol plisman i mekim strongpela wok long holim pasim ol dispela bikhet man long kantri.

Yu hait long wanem hap tru na i no save long ol dispela samting.



Sapos yu bilong Sepik stret, yu inap save long wok bilong ol plisman. Tasol ating yu wanpela arere bilong Sepik, painim ples na stap long plantesin

long Kimbe.

Sapos yu gat wanem kain hevi long plis, orait yu mas lukim wanpela plisman o plismeri, na ol i ken stretim wari bilong yu. Noqut maus

bilong yu i pen long raitim pas i go long niuspepa.

**Peter K. Yakopa  
WEWAK**

## Ol yangpela manmeri i no fit long marit

**Dia Edita,**  
Mi laik toktok long ol yangpela manmeri husat i save marit hariap. Dis-

pela em ol manmeri i gat 16 krismas tasol.

Ol i no fit long marit. Ol save pren i go na taim prenmeri i bel, bai kwiktaitim ol i marit. Mekim na planti i nogat strong long lukautim pikinini.

Long wanem ol i pikinini yet, na i nogat strong na tingting bilong bikpela manmeri.

Asua i stap long papamama bilong ol dispela yangpela manmeri.

Yupela mas lainim pikinini bilong yupela long noken marit hariap.

Bikos bikpela hevi i save go long pikinini ol longlong pikinini bilong yupela i kamapim.

Dispela pasin i bikpela stret long Hagen. Olsem na mi laik autim long niuspepa.

**Paulus Kimbuka  
MT HAGEN**

## Tumbel painim kandre Loki

**Dia Edita,**

Mi painim yet wanpela kandre bilong mi. Nem bilong em Daniel Loki.

Bipo em i stap long Rabaul. Tasol mi no save long wanem hap em i stap nau. Sampela wantok i tok em i stap nau long Mosbi. Tasol mi no save long wanem hap tru em i stap, na adres bilong em.

Plis, yu wanem brata o susa i save long Daniel Loki, tokim em long rait long mi long dispela adres aninit:

**Joseph Tumbel  
Luteran Sios Dagi  
P.O. Box 299  
KIMBE  
West New Britain Province.**

**Dia Edita,**

Mi wanpela manki Hagen tasol nau mi paul long Kimbe. West Nu Briten provins. Mi lukim wanpela samting i no stret long tingting bilong mi long Kimbe maket. Olsem na mi laik autim long Wantok Niuspepa bai olgeta manmeri i ken lukim.

Wari bilong mi i sut long ol asples meri i no save salim gutpela kaikai long maket. Ol i save kilim skin long salim ol buai na kokonas tasol. Mobeta mi laik askim yupela ol asples long givim mipela ol Hailans sampela graun, na mipela planim kaikai long salim long maket. Bikos mi lukim olsem yupela i skin dai manmeri bilong mekim gaden.

Planti taim mi raun long Kimbe maket. Na mi no save lukim

kaukau, taro, banana, tapiok o taro kongkong long ai bilong mi. Olgeta taim mi save lukim buai na drai kokonas tasol.

Olsem wanem, yupela asples save kaikai buai wantaim kokonas na slip o?

Plis sapos yupela kaikai ol gutpela kaikai olsem kaukau, banana na taro, orait salim long maket na mipela ol manmeri bilong arapela hap bai baim na kaikai.

**Kore Mulipisa  
KIMBE**



Nem: Mangas Nugan

Krismas: 14

Adres: Malaguna Community School, Box 922, Rabaul, East New Britain Province.

Hobis: Mi wanpela skulboi bilong Morobe provins, tasol nau mi stap long Rabaul. Mi laik mekim pen pren wantaim ol yangpela manmeri bilong Kimbe, Morobe, Mosbi siti, Madang, Manus, Kerema na Rabaul yet.

Mi save amamas long toktok raun na mekim pani wantaim ol pren.

Nem: Hellson K. Lapa

Krismas: 17

Adres: C/Lapa Leme Kobau Plantation Pty Ltd, P.O. Box 1217, Mt Hagen, Western Highlands Province.

Hobis: Mi laikim pen pren bilong ol Pasifik ailan kantri olsem Fiji, Samoa, Solomon Ailan, Vanuatu na Papua Niugini yet.

Ol samting mi save laikim long mekim long fri taim em lukim televisen, vidio, pilai ragbitas na basketbal o lukim ol pilai, raitim pas i go long ol pen pren, salim ol Griting na Krismas kat, ritim ol kainkain buk olsem komik, niuspepa, na harim ol masta na PNG musik.

Mi bai amamas tasol long bekim olgeta pas.

Nem: Bomam Marthin

Krismas: 19

Adres: Box 2240, Lae, Morobe Province.

Hobis: Mi laik mekim pen pren wantaim ol yangpela meri bilong ol arapela provins olsem Madang, Morobe, Isten Hailans na Wes Nu Briten provins.

Ol spot mi save laikim long pilai em golp, ragbi na soka. Na tu mi save laikim long pilai gita na singsing.

Nem: Israel Kapi

Adres: Anguganak Community School, Via Wewak, West Sepik Province.

Hobis: Mi mekim gret 6 bilong mi nau long Anguganak Komyuniti skul. Mi save laikim long ritim niuspepa na painimaut long wanem samting i kamap insait long kantri, na tu long ol arapela kantri long wol.

Mi laik mekim pen pren wantaim ol yangpela manmeri bilong Papua Niugini.

Nem: Joseph Savlu

Krismas: 20

Adres: Luteran Sios Dagi, Box 299, Kimbe, West New Britain Province.

Hobis: Ol samting mi save laikim long mekim em ritim Wantok Niuspepa, harim ol musik bilong Papua Niugini, raitim pas, harim ol lotu singsing bilong PNG na ovasis wantaim, na ritim stori long Baibel.

**TOKSAVE I KAM LONG EDITA**

Ol pas i kam wantaim trupela nem, krismas, adres na hobis bai kamap long dispela painim pren spes long niuspepa.

Tenkyu.

**TOKSAVE I KAM LONG EDITA:**  
Wantok Niuspepa i no inap long putim nem bilong ol manmeri long dispela painim PREN pes, sapos yupela putim giaman nem long leta na salim i kam. Ol pas i gat trupela nem tasol bai stap insait long dispela pes.



# CAMBRIDGE

## KING SIZE



KING SIZE

# CAMBRIDGE

GOVERNMENT WARNING - SMOKING IS DANGEROUS TO HEALTH

## Benjamin Moide gat nem long SP Holdings Limited



Lapun Benjamin Moide long raithan wantaim wanpela dairekta bilong SP Holdings Limited. Moide i soim prais em kampani i givim em. Foto: Francis Uliau.

NOGAT planti manmeri i save stap planti yia na wok wantaim wanpela kampani o gavman bodi. I gat wanwan tasol.

Wanpela bilong ol dispela kain man em Benjamin Moide, husat i lusim nau SP Holdings Limited long Mosbi. Benjamin Moide i bin wok wantaim SP Holdings Limited inap long 16 yia nau.

Nem bilong dispela lapun bilong ples Pari long Mosbi na Daru i no bikpela long wok tasol. Nogat. Em i gat nem tu long taim bilong bikpela namba tu wol woa long Papua Niugini. Long spot, nem bilong Moide i bikpela long ragbi lig. Lapun yet i man bilong pilai na sapotim ragbi lig. Na ol pikinini bilong em tu i gat nem long ragbi lig. Wanpela i stap pilai nau wantaim Newcastle

Knights ragbi lig klap long Australia.

Ben Moide i bin stat wok olsem wanpela draiva i kam inap nau olsem wanpela lapun selsmen bilong SP Holdings Limited. Na em i bin wanpela gutpren bilong olpela edministreta bilong Mosbi long taim bilong Australia gavman, J.K. Murray.

Long ol las toktok bilong em long Tunde, Ben Moide i tok kankain man o meri i ken wok long ol kampani. Tasol wanpela bikpela samting em long givim yu yet long wok, laik bilong yu long wok na wok stret olsem bos bilong yu i laikim long en.

"Nogat wanpela samting bai kamap sapos yu i no laikim dispela wok."



Dispela em wanpela telepon kat bilong kantri Jerman long Yurop, we i soim ol piksa bilong PNG long fran. Ripot i tok planti manmeri long hap i baim dispela kat nau. Ol i no baim long ring tasol long lukautim. Bikos ol i mangalim dispela piksa long fran. Mekim na pe bilong ol dispela telepon kat i goap nau.

## Ol grasrut bisnisman i no klia long as bilong kirapim bisnis

PLANTI liklik bisnisman na bisnismeri i no klia gut long wanem as na ol i kirapim bisnis. Na tu long wanem samting bilong mekim long strongim dispela ol bisnis.

Dispela ol samting i bin kamap ples klia bihain long wanpela kos em Liklik Bisnismanmeri Asosiesen (LIKBA) i bin holim inap long tupela wik long Mosbi. Na kos i bin pinis long las wik Fonde.

Ol sampela as tingting bilong LIKBA long holim dispela kain kos i bilong painimaut sapos ol liklik bisnisman na bisnismeri i save:

- long ol rot bilong kirapim ol wok bisnis;
  - sapos i gat ol sampela namba na mak long soim olsem dispela ol bisnis bai karim kaikai na kamap strong; na
  - sapos dispela bisnis bai pulim sampela win mani tu o no gat.
- Wanpela bikpela samting em i kamap ples klia long dispela kos em long taim bilong kisim dinau mani long beng. Planti liklik bisnisman na bisnismeri i no save long wanem as

tru na ol beng i save tok nogat long ol aplikesen o askim bilong ol.

Bisnis edvaisa bilong Liklik Bisnismanmeri Asosiesen (LIKBA) long Papua Niugini, Samuel Tam yet i bin go pas long kos. Na em i tok, wanem samting ol manmeri i laik kisim dinau i save mekim em long kamap tasol long opis bilong LIKBA, na tokim ol wokman long helpim ol, na stretim aplikesen bilong ol long kisim dinau.

"Tasol planti bilong ol i no save long wanem kain samting ol i gat, na wanem rot ol i laik yusim mani sapos ol i kisim," Tam i tok.

Em i tok tu olsem planti liklik bisnisman na bisnismeri long Papua Niugini i no save long pasin bilong lukautim ol buk. Na dispela em i wanpela bikpela hevi ol grasrut bisnisman na bisnismeri i save painim.

Em i tok planti beng i no save oraitim aplikesen bilong kisim dinau bikos ol man na meri i no save bihainim kain progrem em beng i makim long en.

## Ol plisman bai lukautim ol main projek

OL plisman bai lukautim nau ol main na wel projek insait long kantri.

Nesanel gavman i kirapim pinis long Plis Fos yet sampela plisman husat i trening long pait. Ol plisman ya bai lukautim ol lain long Pogera na Kutubu.

Namba wan 65 plisman i trening na kam aut long Bomana Plis Koles long wiken. Plis Minista Mathias Ijape i kamap na lukim ol plisman ya i kam aut.

Ijape i tokim ol plisman ya olsem bikpela wok bilong ol em long lukautim ol main na wel projek. Bikos ol dispela samting i bikpela long developmen bilong kantri.

Em i tok ol samting bilong graun long PNG i bilong olgeta pipel bilong

kantri. Na ol bikhet o giaman papagraun i no inap long bagarapim.

Ijape i tok gavman i no inap pilai kaskas long rabis askim bilong ol giaman papagraun.

Ol dispoela 65 plisman i bin stap wantaim plis fos yet long kankain divisen. Na ol i bin trening long tripela wik aninit long lukaut bilong Sief Superintenden Geoffrey Vaki.

Vaki i tok ol i kisim ol plisman ya long kankain provins. Na ol i lainim kankain samting long lukautim bikpela pait.

Ol namba wan lain plisman bai go wok long Pogera stat long dispela wik.

## Kuk boi tingting long statim haus kaikai long Bogenvil

KLAU Lodge long Sohano Ailan insait long Not Solomons i gat ol gutpela wokman long mekim ol kastoma i amamas. Man husat i go pas long mekim dispela wok em Hakets Rapol bilong Not Solomon provins yet.

Olgeta taim Hakets i save sanap long nambis bilong Sohano Ailan long welkamim ol kastoma husat i kam sua long sip. Hakets i gat 50 krismas. Na em i bin wok wantaim Bogenvil Siping Kampani long Rabaul long 1960 i kam inap long 1970.

Bihain Hakets i bin lusim Rabaul na joinim ol waitman bilong Australia husat i sanapim Kapakada long Nu Ailan provins. Nau ol i kolim Klau Lodge. Klau i bin wok olsem sief kuk bilong Klau Lodge.

Bihain em i lusim wok na i go long ples long Not Solomon provins namel long 1980 na 1989. Em i stap wantaim famili bilong em long wanpela liklik ailan.

Tasol bikpela trabel i kamap long Not Solomon. Olsem na em i lusim ailan na i go



Lapun Hakets Rapol i sanap insait long Klau Lodge.

long Bogenvil wantaim famili bilong em. Bihain long tripela de, ol paitman bilong BRA i holim em na kisim i go long wanpela liklik sip na i go long kem bilong ol.

Long kem, tupela Komanda bilong BRA, Moses wantaim Koien i bin mekim planti

askim long em. Tasol Hakets i no laik long bekim toktok bilong tupela. Olsem na ol i givim 60 seken tasol long Hakets long bekim askim bilong tupela.

Tasol Hakets i tokim tupela em bai i no inap mekim wanpela toktok egeps ol pipel bilong

em long Bogenvil o BRA. "Mi stap long Bogenvil na mi bilong Bogenvil. Mi no stap long Rabaul, Lae o Mosbi long yupela askim mi long ol ripot." Em tokim tupela olsem olgeta toktok BRA i bin harim i no tru.

Nau yet ol sekyuriti fos i holim Moses na putim em long haus kalabus long Kerevat long Rabaul. Tasol Moien i stap hait yet long bus bilong Bogenvil. Hakets i tok taim Moien wantaim Moses i holim em, tupela i mekim planti askim long wanem toktok Papua Niugini gavman i mekim long stretim hevi bilong Bogenvil.

Bihain long olgeta askim, tupela i lusim Hakets na em i go long famili bilong em. Nau yet em i wok olsem wanpela kuk bai bilong Luman Soho Ges Haus bilong Kavieng. Em i save kisim K60 00 long wanwan potnat. Tasol em i amamas long wok bilong em. Na Hakets i tok sapos olgeta hevi bilong Bogenvil i pinis, em bai statim wanpela haus kaikai long Bogenvil.

## PE BILONG AIR NIUGINI LONG PNG TASOL

KISIM LONG I GO LONG	PE BILONG	
	BALUS	KAGO
POM Alotau	K101	K1 01
POM Daru	K117	K1 17
POM Goroka	K114	K1 14
POM Hoskins	K140	K1 40
POM Kavieng	K234	K2 34
POM Kundiawa	K113	K1 13
POM Lae	K95	K0 95
POM Madang	K129	K1 29
POM Manus	K206	K2 06
POM Mendi	K136	K1 36
POM Misima	K155	K1 55
POM Mount Hagen	K132	K1 32
POM Popondetta	K59	K0 58
POM Rabaul	K187	K1 87
POM Tabubil	K189	K1 89
POM Tari	K153	K1 53
POM Vanimo	K234	K2 34
POM Wapenamanda	K141	K1 41
POM Wewak	K180	K1 80

Ol kago em hevi abrusim i6kg bai gat pe



## Exchange Rates

PNGBC		
Bank buys at:	Notes	7.7
Australia	1 4080	1 3796
USA	1 0880	1 0532
UK	0 6000	0 5710
Bank sells at:		
Australia		1 3979
UK		0 5779
USA		1 0499
Solomon Islands		2 3999
China		8 8000
Fi		1 5000
Hong Kong		8 0000
India		22 1400
Japan		132 0000
New Zealand		1 8292
Philippines		21 2300
Singapore		1 6600
Switzerland		1 6090
Germany		1 6500
Gold rates (in US\$):		
per ounce		532 00
per gramme		16 67

# Kain kain stail samting long 1992 Mosbi So




• Wendy long raithan kona tru wantaim ol wanwok bilong em long Pasifik Gol studio tu i go salim ol liklik so beg bilong ol long 1992 Mosbi So. Planti arapela grup tu i bin salim ol so beg bilong ol. *Ol poto: Francis Uliau.*



• Antap: Taim ol lektrik ben i wok long pairap long emfitieta i stap, sampela ben tu i meknais long arapela sait. Hia em wanpela bilong ol i mekimsave stret i stap. Na long daunbilo, tupela wasman bilong so graun i raun raun long liklik hap ka bilong ol.



• Lukluk gut na bai yu lukim olsem ol tripela susa ya bilong haus sik i holim pen na raitim samting antap long baksait bilong arapela. Ol i laik raitim wanpela singsing ol i laikim bilong givim long Francisca Somoso long pilaim long hap bilong NBC.



• Ol boi bilong Tabar i meknais antap long emfitieta long Mande.



• Taim ol papa na mama i wok long raun lukluk long so i stap, ol pikinini tu i go long liklik kona bilong ol na amamas i stap. Dispela bikpela gumi wantaim win i pulim planti pikinini tru long Sarere. Hia em sampelai go kalap kalap na pilai nabaut.



• Ol 4-pela yangpela plisman ya i holim ol su bilong ol plisman em ol i rausim long lek bilong ol man nating long so graun.

# Kain kain stail samting long 1992 Mosbi So



• Maria Hayes wantaim ol lain bilong em i bin stap tu long so graun na kamapim ol liklik pilai bilong traिम pulim sampela mani bilong helpim ol pipel bilong Sepik i bagarap long bikpela wara. *Ol poto: Francis Uliau.*



• Jeff Navea bilong Waigani Ats senta i mekim save long wokim graun sospen. Jeff i bin wok hat tru long taim bilong so long soim ol man we em i save wokim graun sospen.



• Dispela ol lain i redi long go antap long grisi pol. Dispela em wampela long ol pilai So Sasaiti i bin putim kamapim ol poto long 1992 Mosbi So long Mande.



• Ol susa ya bilong Helgas stringben bilong Sentrel provins i bagarapim stret emfitieta long Mande apinun wantaim ol kain danis bilong ol. Taim bel bilong ol i meknais, ol man i singaut.




• Ol lain memba bilong rokben bilong Yunivesiti bilong PNG i sanap na stretim ol las toktok pastaim long ol i kukim emfitieta long Mande apinun.



• Tupela yangpela bilong SPATF i katim hap diwai yusim wokabaut somil long draipela san bilong 1992 Mosbi So long Mande.

# Bilong wanem na dok wantaim magani i birua?



BIPO tru long taim bilong tumbuna, magani wantaim dok i save stap, kaikai, raun na slip gut wantaim. Tasol giaman bilong magani i mekim na tupela i birua tude.

Wanpela gutpela taim, magani i tokim dok olsem em i mas bosim haus bilong tupela i stap long ples. Na em bai i go painim abus bilong tupela. Olsem na moning taim tru magani i kirap na wokabaut i go insait long bus na painim abus. Tasol taim em i kamap long bus em i lukim planti pikinini bilong kapiak na i no tingting moa long painim abus.

Em mekimsave long kism ol pikinini bilong kapiak na bihain em i go bek long ples. Taim em i kamap long ples, em lukim dok i no i stap. Olsem na em i kukim ol pikinini bilong kapiak antap long paia na kaikai i stap.

I no longtaim dok i kam bek na lukim magani i kaikai i stap, olsem na em i singaut. "Gutpela pren bilong mi, yu kam pinis? Yu painim sampela abus bilong yumitupela o nogat?" Magani i bekim, "Gutpela poroman, mi no painim wanpela abus, tasol mi painim ol dispela pikinini diwai bilong yumi long kaikai. Yu save kaikai tu?" Na dok i bekim, "Mi no save kaikai ol pikinini bilong diwai."

Olsem na magani i tokim em, "Gutpela poroman bilong mi, yu kam na traim." Dok wokabaut isi i kam na sindaun klostu, na magani i givim wanpela long en. Dok i holim na kaikai. Pikinini

bilong kapiak i swit moa. Olsem na em i askim magani long givim em sampela moa. Bihain dok i holim narapela gen na askim magani, "Bai mi mekim olsem wanem na kaikai?" Magani i bekim, "Yu holim long han na rabim long bros bilong yu, bihain em i kol orait yu kaikai."

Tasol kapiak i swit. Olsem na em i no tingting long rausim skin bilong kapiak na kaikai. Em rabim long bros na daunim wantaim hot na skin. Kapiak i kukim nek bilong dok tasol em i no wari bikos kapiak i swit.

Magani i rausim skin bilong kapiak isi tasol na kaikai. Tasol em i no save olsem poro bilong em dok i lukstil long em. Dok i lukim em rausim skin hariap na kaikai. Dok i belhat tasol em i no mekim wanpela samting. "Em i orait bai mi giamanim em bihain," dok i tingting tasol.

Wanpela taim dok i tokim magani, "Yu bai stap long ples, mi bai go long solwara na painim pis bilong yumitupela. Magani tu i bagarap stret long kaikai pis. Olsem na em i amamas taim dok i tokim em long go long solwara na painim pis.

Dok wokabaut i go long nambis na pulim kanu i go long rip. Em stapim kanu na swim i go insait long solwara long painim pis. Tasol em belhat long magani yet, olsem na em i no tingting long painim pis. Em kism tasol ol mit bilong kram sel. Em pulim kanu i kam long nambis na karim ol mit bilong kram sel i go long ples.

Magani i lukim na askim, "Brata yu kam pinis?" Na dok i bekim, "Poro mi kam bek pinis tasol ol pis i no pas long huk, olsem na mi kism mit bilong kram sel tasol. Kam yumi kukim na kaikai."

Magani kam sindaun klostu na tupela i kukim kram sel long paia. Magani i kaikai mit bilong kram sel na em i aigris stret long kaikai moa. Olsem na em i askim dok long em i kism ol kram sel ya olsem wanem. Dok i tanim isi na tokim Magani wanem rot em i



mas bihainim long kism kram sel sapos em i laik kaikai. Magani i amamas na tokim dok olsem wanpela taim em bai i go painim mit bilong kram sel long solwara.

Tupela stap i go na magani i tokim dok, "Yu stap, mi bai go long solwara na painim pis bilong yumitupela. Magani i redi long moning taim na wokabaut i go long nambis. Em pulim kanu i go long rip na kalap i go daun long solwara na painim pis. Em painim pis i stap na i lukim wanpela bikpela kram sel opim maus i stap.

"Tete bai mi kism yu na mi wantaim pren bilong mi bai kaikai. Mi bai putim tupela han bilong mi i go insait long mit bilong yu na pulim yu i kam antap," Magani amamas nogut tru na tingting olsem. Em swim i go daun na putim tupela han i go insait long mit bilong kram sel.

Abrus long em i pulim mit bilong kram sel i kam antap, na kram sel i holim tupela han bilong em. Em i sotwin insait long solwara. Klostu

em i dai olsem na em i puim han bilong em strong na kram sel i katim han bilong em.

Taim em i kam bek long ples, em i belhat na tokim dok. "Yu giamanim mi na kram sel i kaikai han bilong mi i go sot. "Mi belhat long yu. Bai mi lusim yu i stap long ples na mi go long bus." Dok i belhat na tokim em, "Bipo yu giamanim mi long pikinini kapiak na hot bilong paia i bagarapim bros bilong mi. Olsem na mi bekim dispela dinau. Na sapos yu laik belhat long mi na ranawe i go long bus, em wari bilong yu.

"Tasol tingim, sapos mi painim yu long bus, yu noken ting olsem mitupela i pren na mi bai i no inap kilim yu, nogat. Mi bai ranim na kilim yu."

Olsem na dok wantaim magani i birua yet long dispela taim. Nau yet sapos dok i lukim magani insait long bus, em bai belhat na ranim magani. Dispela belhat bilong tupela i stap yet.

**Willie Mulai HAGEN**



Kanage i bin wok wantaim Renbo Supa Maket long Hagen. Apinun em i pinis wok. Na wok-baut i kamaut long stua na bungim poro bilong em Kakopara.

Kakopara i kism em na tupela i go long haus bilong em. Kanage i pilim olsem pekpek i bagarapim em na em i siksti i go long toilet. Kakopara i mekim wanpela hot ti long wanpela simen kap. Kanage pinis long toilet na i kam aut.

Em i lukim ti na em i holim kap. Kanage i ting olsem ti i kol olsem na em i laik apim olsem wara. Hot bilong ti i bagarapim olgeta tang bilong em na em i karai.

Kakopara i lukim aiwara bilong Kanage na askim. Olsem wanem na yu karai. Taim Kanage i toktok yet Kakopara i kilim skin long lap. Kanage i lukim olsem na kapsaitim ti antap long het bilong Kakopara na rausim olgeta gran long het bilong Kakopara.

**Nelson Puri HAGEN**

•Maborasa Festevel So i kamap long 1984. Kanage i kism meri wantaim ol pikinini bilong em na ol i go raun long i stap. I no long taim Kanage i lukim wanpela liklik balus i tromoi ol man long parasut.

Long apinun em i ol i go bek long haus. Kanage wantaim famili bilong em i stap i go tupela wik i go pinis na meri bilong em i laik i go long taun. Na kanage i givim meri bilong em mani long i go baim ambrela.

Meri i kam bek long taun wantaim nupela ambrela. Taim Kanage i lukim nupela ambrela em i no wet. Em i kism na siksit i go antap long wanpela longpela kokonas diwai. Em i go antap sindaun na singautim meri bilong em long lukim.

Meri bilong em i singaut long Kanage i no ken kalap tasol aste yet Kanage i opim ambrela na kalap. Strongpela win i srukim olgeta ambrela i goap. Trangu Kanage i kam daun na i no moa mekim wanpela nais.

**Samson Paul MADANG**

•Kanage i go lukim tumbuna singsing na ol arapela pilai long Bialla. Bihain em i lusim na em i go lukim ol manki pilai. Em i bisi stret i stap na pait i kirap klostu long em.

Kanage i lukim olgeta man i ran long wanpela hap olsem na em i laik tok long jas. Tasol maus bilong em i abrus na em i tok sas. Olsem meri i stap klostu long em i harim. Na ol i ting olsem Kanage i tok sais o long ol.

Olsem na ol i askim Kanage long toktok gen. Tasol em i tok sas yet. Olsem na ol meri i askim Kanage mipela planti i stap.

Yu laikim wanem kain sais. Taim Kanage i harim olsem em i sem pipia na ranawe long ai bilong ol.

**Peter Nara KIMBE**

• Kanage i go painim abus long bus. Em i les na sindaun malolo i stap. Hap kiyau bilong em i pundaun. Ol moskito i lukim na i kam long pulim blut. Ol i pulim i go na tupela kiyau wantaim i go liklik.

Bihain em i go long ples. Na askim pikinini bilong em long i go long wara wantaim na tupela bai waswas. Taim Kanage i rausim trausis pikinini i lukim na askim. Papa yu mekim wanem na kiyau bilong yu i go liklik? Papa kirap na tokim pikinini bilong em. "Mama bilong yu i rong long givim kaikai long wan sais kiyau tasol olsem na tupela wantaim i go liklik.

**Ben Koptu ANGORAM**

## Tingting bilong meri bagarapim skul wok



**Dia Laiplain,**  
Mi wanpela studen bilong koles. Tasol long holide mi bin go long ples na bungim wanpela meri. Na mitupela i pren gut long ples. Em i tokim mi olsem em i gat bikpela laik long mi. Mi tu gat laik long em.

Nau mi stap long koles tasol mi save tingting planti long dispela meri, na mi no stadi gut. Wankain hevi planti studen long koles i tokim mi tu. Tasol nau yet mipela i painim hat long mekim stadi bilong mipela. Inap Laiplain i tokim

mipela sampela gutpela rot we mipela inap lus tingting long ol dispela meri, na mekim wok bilong skul?

### DISTRACTED

**Dia Pren,**  
Planti yangpela man-meri i bungim dispela hevi. Olsem na long dispela taim, mipela bai askim yu long tingting long laip bilong yu long bihain taim. Na tu tokim yu long askim yu yet long wanem as na yu i stap long koles nau. Yu mas askim yu yet olsem, "Sapos mi tingting tumas long ol meri, wanem kain laip bai mi gat? Na laip bilong mi bai i olsem wanem long bihain?"

Nau yet yu gat gutpela sans long skul long bikpela koles. Olsem na yu gat gut-

pela sans long kamapim gutpela laip long bihain. Na sapos yu pinisim skul bilong yu, yu bai kism gutpela wok. Na bihain yu ken tingting long painim gutpela meri o go bek long ples na maritim dispela meri yu gat laik long em.

Yu noken tingting planti long ol arapela samting long bagarapim skul bilong yu. Nau yet Laiplain bai i no inap stapim yu olgeta long prenmeri bilong yu long ples. Tasol mipela i gat sampela gutpela rot bilong helpim yu:

1: Taim yu toktok wantaim ol pren bilong yu long skul, yu noken toktok long ol samting we i sut long ol meri. Traim long toktok long ol samting bilong skul.

Na tu long wanem samting bai yu mekim taim yu pinis long skul. Olgeta dispela samting inap helpim yu long stadi bilong yu. Na helpim yu long lusim tingting long ol meri.

2: Yu mas raitim planti pas long prenmeri bilong yu. Na tokim em long laip bilong yu long skul. Na tu long wanem tingting yu gat long em, na laip bilong yutupela long bihain taim. Sapos yu pinisim skul bilong yu. Yu mas askim em tu long raitim planti pas long yu. Dispela bai stapim yu long tingting planti long em, na yu bai i no inap bagarapim stadi bilong yu.

3: I gutpela long yutupela i mas save gut

long laip bilong yupela yet, bipo yutupela i tingting long marit. Long dispela we, yutupela bai kamapim strongpela pren. Na gutpela marit long bihain taim.

Sapos yu laikim gutpela laip bilong marit, painim dispela buk; **Walters Trobisch**. Trobisch i bin toktok long tingting bilong ol man-meri i save rong na rait. Kism olgeta nogut na gutpela tingting bilong yu. Na traim long lainim sampela bilong ol dispela tingting.

Bihain bai yu save long ol dispela tingting, na putim ol wanwan long laip bilong yu na prenmeri bilong yu.

**LAIPLAIN**



## BEKIM BILONG FORES MINISTA, JACK GENIA LONG SAMPELA PAUL RIPOT NA TOKORAIT LONG OL FORES ERIA

Mi kalap nogut long harim olsem wanpela sinia pablik sevan bilong dispela kantri i brukim lo bilong gavman. Dispela em long i no kism tokorait long ol stretpela man, na givim sampela hait ripot i go aut long pablik. Dispela pablik sevan i no sekim gut ripot bilong em bipo em i autim long pablik.

Dipatmen bilong Fores na Ministri bilong mi i no brukim wanpela tokorait bilong Gavman long oraitim wok bilong katim timba i kamap long ol nupela fores eria.

Nesene Eksekutiv Kaunsil long 30 Me, 1990 i mekim Disisen Namba 98/90 na oraitim olsem:

1. Long bihainim NEC - Disisen Namba 23/88 (Nesene Fores Developmen Program) sapos i stap yet, bai i min olsem namel long 15 na 20 timba permit bai kam aut long olgeta yia.
2. Putim moa tambu long wok bilong oraitim timba wok long kamap long moa fores eria long tupela yia stat long 23 Julai, 1990.
3. Gavman i ken oraitim ol kampani husat i laik katim timba gen long ol nupela eria; na
4. Wok bilong katim tim na mekim ol plang i ken kamap long ol dispela projek tasol (Timba Permit bilong ol dispela projek i ken kam aut bihain long 23 Julai, 1990).
  - (a). Musa - Collingwood Bay - Oro
  - (b). Cromwell - Morobe
  - (c). Josephstaal - Madang
  - (d). Arawe - Wes Nu Briten
  - (e). Epril - Salumei - Is Sepik

Dispela tokorait i oraitim tu gavman long givim timba permit long ol nupela projek eria.

Long 6 Desemba, 1991 Nesene Eksekutiv Kaunsil i oraitim gen Disisen Namba 222/91 long yesa long sampela moa projek husta i stap insait long dispela tambu long stat wok. Ol dispela projek em:

- (a). Lamassa - Nu Ailan
- (b). Makapa - Westen
- (c). Hawain - Is Sepik
- (d). Malalaua - Galp
- (e). Ome Ome - Sentrel

Long sem taim, dispela disisen i skruim dispela tambu i go long wanpela moa yia i go long Julai 1993.

Disisen bilong gavman long antap i soim stret olsem wok long 10-pela projek we i stap aninit long dispela tambu na kism yesa pinis i ken go het. Olgeta projek mi bin oraitim wanpela Timba Permit na Dealings i kam aninit long tupela kain grup bilong ol projek olsem Nesene Eksekutiv Kaunsil i bin oraitim.

Kabinet i bin putim dispela tambu, tasol Mi olsem Minista bilong Fores i gat pawa yet aninit long Forestri Ek long mekim ol tokorait long gutpela bilong kantri na pipel bilong en. Sampela taim mi bin tokaut pinis long pablik long wanem samting mi mekim. Mi no haitim wanpela samting. Olsem na mi bin oraitim sampela nupela liklik projek long kamap long Wes Nu Briten, Nu Ailan, Morobe, Galp na Sentrel. Ol dispela eria i no develop gut olsem ol arapela eria bilong kantri.

Ol sinia pablik sevan bilong Gavman na olgeta pipel bilong dispela kantri i mas save olsem sapos Papua Niugini i laik pulim moa ovasis kampani i kam wok long kantri, mipela i mas lukautim ol dispela kampani, na ol fores projek tu. Mipela i mas strongim wok bilong ol projek i stap pinis. Sapos gavman i no strongim ol dispela timba projek, bisnis bilong katim timba na salim insait long kantri bai pundaun. Mani i kam long gavman long mekim baset, helpim na mani i go long ol papagraun, wok na ol arapela developmen bai bagarap tu.

Mi oraitim pinis timba wok long kamap long sampela nupela eria. Na mi wok wantaim Dipatmen nau long givim gen Timba Permit long sampela nupela fores eria. Tasol mi no sainim ol oraitim 26 permit olsem i bin stap insait long ripot bilong go long ol redio na niuspepa. Dispela ripot i laik bagarapim gutpela wok bilong Dipatmen na Mi long karimaut oda bilong Kabinet.

Mi no klia yet long Mista Wep Kanawi na sampela edvaisa long autim ol giaman ripot long paulim tasol ol pipel. Mista Kanawi i noken abrusim wok bilong em, na i laik supim het i go insait long wok bilong Fores Dipatmen. Wok bilong Kanawi em long karimaut na sekim olsem wok bilong Fores Dipatmen, Divisen bilong Fores long ol Provins na FIC i ken wok aninit long Nesene Fores Autoriti. Em i abrusim pawa em i gat, na go insait long ol wok em i nogat pawa long en.

Mista Wep Kanawi i mas mekim wok em gavman i askim em long mekim. Bikos nau yet em i no mekim gutpela wok. Sapos em i strong na mekim nupela Fores Ek i kamap olsem lo long Epril 1992, em bai i bikpela hevi stret long olgeta Fores Sekta, bikos em yet i no redi. Long las wik na dispela wik tasol, em i pinisim namba wan ripot bilong Fores Autoriti we em i no bin redim. Bikos em i no amamas long wok Koporet Plening Konsalten i bin mekim. Na tu dispela ripot em i givim i no pinis gut na Dipatmen, na sampela divisen bilong en i raitim ripot bilong ol yet long ol bai wok olsem wanem.

Mista Kanawi i giamanim ol pipel long bilip olsem em i pinisim bikpela wok pinis, em gavman i bin makim em long mekim. Dispela em long i no stretim gut olgeta samting o ripot, na i strong long nupela Fores Ek i kamap lo. Dispela lo bai i no inap wok strong, bikos i nogat sampela oda bilong Ek insait long en. Na tu ol toktok namel long Dipatmen bilong Fores, na Dipatmen bilong Fainens na Plening long mani bilong Fores Autoriti bai kam olsem wanem i no stret yet. Kanawi i laik stap insait long ol dispela toktok tu, we em i nogat pawa. Wok bilong Kanawi em long redim ripot, na mekim ripot bilong mani bai kam olsem wanem. Na lusim wok bilong mani i stap long ol stretpela saveman.

Ol niuspepa na redio i ripot long sampela kampani insait long timba bisnis. Em i no wok bilong mi long lukautim o toktok long sait bilong ol dispela kampani. Mi bai askim tasol ol dispela kampani long mekim gutpela wok em ol i mekim nau. Mi no amamas long lukim nem bilong sampela gutpela kampani i kamap long ol giaman ripot.

Long pinisim olgeta toktok, mi laik askim ol papagraun long ol yet i mas mekim tokorait long wanem kain wok bai kamap long ol samting i stap long graun bilong ol olsem timba. Gavman na Dipatmen bilong Fores i no papa bilong ol timba o diwai insait long ples. Nogat wanpela man i ken tokim ol papagraun long noken developim timba bilong ol, sapos ol yet i no inap givim gutpela aida long we bilong developim ol timba ya.

Olsem na wanem man i gat gutpela aida i ken kam aut long ples klia na salim long ol papagraun. Sapos ol papagraun i laikim aida bilong yu, mi no inap long givim moa ol nupela timba permit.

**HON. JACK GENIA CMG MP**

Minista bilong Fores



# PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203  
John Iagata - Ext. 215  
Kosinto Fosagu - Ext. 216  
Bonner Hui - Ext. 202

TOK SAVE I GO OLSEM NAMBA 21 KIBUNG BILONG OLGETA SEAHOLDA BILONG KAMPANI BAI KAMAP LONG OPIS BILONG KAMPANI LONG MALAGUNA ROT LONG RBAUL. DISPELA KIBUNG BAI KAMAP LONG FRAIDE, 3 JULAI, 1992 LONG 10 KLOK MONING.

## OL SAMTING BILONG KIBUNG

1. Ol Dairekta bai givim ol ripot bilong ol wantaim ripot bilong Mani i kam inap long 31 Desemba, 1991.
2. Long makim ol nupela Dairekta bilong Kampani. Ol olupela dairekta em Messrs Ainui, Diuvia na Waninara. Na ol tu i laik resis gen long wok olsem ol dairekta.
3. Long makim ol Odita bilong sekap na lukautim ol buk bilong Kampani.
4. Long makim ol fi bilong ol dairekta long 1992.
5. Long kibung na toktok long tingting bilong ol dairekta long no ken tokaut long hamas mani ol seaholda i kisim long 1991.
6. Long skelim na toktok long wanem ol arapela samting em i kamap long taim bilong kibung.

I kam long oda bilong Bod

Long 5 Jun, 1992.

J. I. OCKLEY  
COMPANY SECRETARY



## KOPI INDASTRI KOPORESEN LTD

### PABLIK TOKSAVE KOPI PRAIS SAPOT

Kopi Industri Kopresen (CIC) Limited i laik toksave long olgeta Kop.. Groas, na ol arapela kopi bisnis man/meri olsem stat long namba 30 dei long mun Mei, 1992, Baunti Moni ibin igo antap long halivin hapim prais bilong Kopi.

Niupela mak long Baunti moni em bai istap olsem:-

	Nupela Mak	Olpela Mak
Grin Bin	80 toea wanwan kilogrem	65 toea wanwan kilogrem
Drai Kopi	64 toea wanwan kilogrem	52 toea wanwan kilogrem

Baunti long Grin Kopi Bin em i go antap long 15 toea long wanwan kilogrem na Drai Kopi i go antap long 12 toea long wanwan kilogrem winim mak bilong olupela Baunti. Dispela halivim long hapim prais igo antap i kamap long wanem ol prais bilong kopi i go daun insait long mun Mei.

Dispela halivim long hapim Baunti Moni em Gavman i yusim Stabex Fan em givim ikam long Kopi Industri olsem dinau moni.

Ol groas mas save olsem, yu inap long kisim dispela Baunti Moni, sapos yu salim gutpela drai kopi bilong yu long Fektori Dua.

Sapos yu salim kopi bilong yu long rot nambaut, prais long kopi bilong yu bai daunbilo tru.

Nau em i taim we prais bilong kopi i daunbilo tru. Olsem na ol kopi groas i mas karim kopi bilong yupela i go na salim long Fektori Dua tasol long kisim gutpela pei.

I kam long tok orait bilong:

RICKY M. MITIO  
SIEF EXSEKETIV  
KOPI INDASTRI KOPRESEN

1ST JUNE, 1992.

For draws, point ladders, tables from all the provincial centres every week in your

# THE TIMES

&

# WANTOK

NIUSPEPA BILONG OL PAPUA NIUGINI STRET



# BENSON & HEDGES SOFTBALL

Wantok

## Bomana op sisen resis bai paia nau

### FRANCIS ULIAU i raitim

OP sisen sofbal resis bilong ol meri na pikinini bilong ol plisman na ol plismeri long Bomana long Mosbi bai stat long dispela wiken.

Na bikpela pilai long Sande, 14 Jun bai kamap namel long ol

susa bilong Godens tim wan na ol kas nogut ya, ol Plismeri. Dispela gem bai kamap long 4 klok apinun long namba wan daimon.

Long namba tu daimon, namba tu tim bilong ol meri Godens bai mekimsave wan-

taim ol poro bilong Gems viles. Na dispela pilai tu bai kamap long 4 klok apinun.

Dispela resis i bin stat tripela yia i go pinis na i stap yet. Man husat i bin kirapim dispela resis, Andrew Moe i no stap wok moa wantaim ol lain bilong Bomana op sisen sofbal resis.

Long dispela yia, i gat ol nupela lain i lukautim resis. Na planti em ol

meri bilong ol plisman long Bomana.

Na ol i larim tu ol meri na pikinini bilong ol woda long CIS long wokim wanpela tim na kam long resis. I gat 13 tim olgeta na ol bai resis long tupela divisen. A gret i bilong ol mama na ol plismeri na B gret i bilong ol yangpela pikinini bilong ol plisman.

Ripot i tok olsem 5-

pela tim bai resis long B gret na 8-pela long A gret.

Long resis bilong raun wan, ol lain long A gret bai pilaim 7-pela gem na ol yangpela long B gret bai pilaim 5-pela gem. Dispela i min olsem resis bilong ol tim long B gret bai pinis pastaim long A gret. Na ol bai i gat tupela wik bilong malolo. Orait bihain

long dispela, ol bai statim gen raun tu wantaim ol A gret.

Wankain samting gen bai kamap long namba tu raun.

Ol klap husat i givim nem wantaim ol tim bilong resis long dispela yia em ol plismeri na lain long Gems viles (A na B gret), Bomana (tripela A gret tim), Dok Yunit (A gret), Godens (A na B

gret), ol Plismeri (A gret), Kaugere (B gret) na CIS (A gret).

Long olgeta wiken bilong raun wan na raun tu, bai i gat wanpela B gret tim i stap malolo (bye). Long A gret i orait bikos olgeta tim i gat birua bilong salens.

Olsem na namba wan tim husat bai malolo long dispela wiken em Kaugere B gret.



•Beta bilong Rabaul tim husat i paitim bal strong olsem na bringim tim bilong em i goap long bungim Mosbi long gran fainal. Tasol Mosbi i strong na bagarapim sindaun bilong Rabaul na holim taitel i stap long siti.

### BOMANA OFF SEASON SOFTBALL COMPETITION ROUND ONE: 1992 DRAWS

Sande 14 Jun, 1992

WIK WAN

Taim	Gret	Tim	Graun
1.00	B	Game Jnr vs Bomana Jnr	D2
1.00	A	CIS vs Bomana 2	D1
2.30	A	Bomana 3 vs G.Village 1	D2
2.30	A	Bomana 1 vs Log	D1
4.00	B	Gordons 2 vs G. Village 2	D2
4.00	A	Gordon 1 vs P/Women	D1

B Grade - Kaugere "Bye"

## Junia softball long Mosbi i wok long go het gut yet

JUNIA sofbal resis long Mosbi i bin stat pinis long tupela divisen. I gat wanpela divisen bilong ol anda 15 na narapela bilong ol anda 17.

Long dispela tupela divisen i gat ol tim bilong ol man na tim bilong ol meri. Na olgeta pilai bai kamap long Bisini sofbal graun. Ol lain husat i save kamap bilong lukim ol yangpela i pilai em ol papamama, ol brata susa na ol wanskul bilong ol dispela lain pikinini yet.

Pastaim i bin gat tok tok bilong kirapim resis long anda 19 divisen

tu. Tasol planti biknem sofbal klap long siti i no soim laik tumas long dispela. Olsem na i no gat resis long anda 19 divisen.

Planti pikinini husat bai kamap long ol namba tu gem bilong raun wan i save skul long ol komyniti skul na haikul. Ol ripot i tok olsem dispela junia sofbal resis bai stap inap long 10-pela wik olgeta.

Dispela em i namba wan taim bilong kain junia resis olsem long stat long Mosbi.

I gat wanpela komiti bai lukautim dispela resis. Na planti memba

bilong dispela komiti em ol sofbal pilaia, ol ampaia na bikman bilong ol wan wan klap long Mosbi sofbal resis bilong ol man na meri.

Presiden bilong dispela komiti em Theodore Varpam, namba tu bilong Theodore em Margaret Walne, seketeri em Albert Evald na man bilong bosim mani em Chris Bais.

Ol arapela memba bilong gems komiti em Kevau Paivu, Michael Burke, Gabriel Talim, Jonathan Sogai na Alice Amai.

Komiti i gat bikpela bilip olsem dispela kain

resis bilong ol yangpela skul pikinini bai bruk na go tu long ol arapela provins long kantri. Na dispela em i wanpela rot bilong kirapim sofbal namel long ol man na meri taim ol i liklik yet.

Dispela resis bai wok klostu tu wantaim ol resis bilong ol bikpela man na meri. Tasol resis bilong ol biklain i no inap bosim ol wok samting bilong junia asosiesen. Gutpela wok bung wantaim bai kamap tasol long ol kain samting olsem lukautim ol pilai na kosim ol pilaia.





**PORT MORESBY SOCCER ASSOCIATION  
POINTS LADDER  
WEEK 7**

Teams	P	W	D	L	F	A	Pts
Uni	7	5	2	1	17	5	17
K Andra	7	4	5	1	9	5	15
Guria	7	4	2	1	11	7	14
G.F.C.	7	3	2	2	17	9	11
Rapatona	7	3	2	2	14	11	11
Koupa	7	3	2	2	13	12	11
Westpac	7	3	2	2	11	11	11
Golo	7	2	1	4	7	13	7
Amalpak	7	1	2	4	1	16	5
B. Kumuls	7	1	2	4	6	17	5
B.F.C.	7	1	1	5	8	18	4
Sobou	7	1	1	5	8	18	4

Teams	P	W	D	L	F	A	Pts
P.T.C.	7	5	1	1	17	4	16
Bao-Mitas	7	4	2	1	11	4	14
Moukasi	7	4	2	1	15	4	14
S.T.C.	7	3	3	1	10	10	12
Sunam	7	4	3	3	14	16	12
Verave	7	3	1	3	16	13	10
Maset	7	3	1	3	16	14	10
Tarangau	7	3	1	3	12	12	10
Amazon B	7	2	3	2	11	9	9
Boroko Utd	7	2	1	4	9	14	7
Kula	7	2	1	4	10	12	7
Defence	7	2	1	4	8	12	7
Wanzesi	7	1	3	3	8	14	6
P.S.Roots	7	1	1	6	7	17	3

Teams	P	W	D	L	F	A	Pts
Waliya	7	6	1	1	24	10	18
Hoods	6	5	1	1	19	4	16
Kinhill K	7	4	3	1	23	5	15
Mt. Obree	7	4	2	1	20	8	14
PM.G.H.	7	4	2	1	14	9	14
Gala Utd	7	4	2	1	11	8	14
Fisika	7	3	2	2	12	6	12
Losegu	7	3	2	2	10	10	11
Maniota	7	3	2	2	11	10	11
T. Yellow. P	7	2	3	2	9	9	9
Tubi	7	2	1	4	9	14	7
Bao-Mitas	7	2	1	4	9	13	7
Buresong	6	1	2	4	10	12	6
Elcom	7	1	3	3	5	17	5
Cloudy Bay	7	1	3	4	11	22	3
Keroro	7	1	1	6	6	30	3
Amazon B	7	1	2	5	11	22	2
Watamads	7	1	1	6	2	25	1

Teams	P	W	D	L	F	A	Pts
Wanzesi	6	6	1	1	25	0	18
Amalpak	7	5	1	1	20	4	16
Sunam	7	5	1	1	13	5	16
Uni	6	5	1	1	29	5	15
G.F.C.	7	5	1	1	24	7	15
P.T.C.	6	5	1	1	20	4	15
Waliya	7	4	1	2	16	6	13
Sobou	7	4	1	2	21	10	12
Sogeri NHS	6	3	1	3	10	11	9
B.F.C.	6	2	1	3	4	11	7
K. Andra	6	2	1	3	3	8	7
Tarangau	6	1	1	4	5	16	4
PM.G.H.	6	1	1	4	5	16	4
Golo	7	1	1	5	2	17	4
Kula	6	1	1	4	4	19	4
B. Kumuls	6	1	1	5	2	14	3
Yellow T. P.	7	1	1	6	3	24	1
Koupa	7	1	1	7	0	30	0

Teams	P	W	D	L	F	A	Pts
B. Kumuls	7	5	2	1	11	3	17
Westpac	7	5	1	1	15	4	16
Sobou	7	5	1	1	12	7	15
G.F.C.	7	4	2	1	17	9	14
Golo	7	3	3	1	12	14	12
Rapatona	7	3	2	2	13	9	11
Guria	7	3	1	3	13	10	10
Maset	7	3	1	3	10	8	10
Amalpak	6	2	1	4	11	14	7
Koupa	7	2	1	4	11	14	7
Mt. Obree	6	2	1	3	6	13	7
Uni	7	2	1	4	6	12	7
K. Andra	6	1	2	3	8	9	5
Bao-Mitas	4	1	1	2	5	7	4
B.F.C.	7	1	1	6	3	15	3
Gala Utd	6	1	1	5	4	16	1

Teams	P	W	D	L	F	A	Pts
Guria	7	4	3	1	13	7	15
K. Andra	7	4	2	1	13	6	14
B.F.C.	7	4	2	1	13	9	14
G.F.C.	7	4	1	2	18	5	13
Amalpak	7	4	1	2	13	10	13
Golo	7	4	1	2	10	7	13
B. Kumuls	7	3	2	4	9	12	9
Westpac	7	2	2	3	10	12	8
Rapatona	7	1	1	5	5	10	7
Sobou	7	2	1	4	8	10	7
Uni	7	2	1	4	7	13	6
Koupa	7	1	2	4	5	13	5

**PORT MORESBY SOCCER ASSOCIATION DRAW  
WEEK 8**

SATURDAY JUNE 13TH, 1992

TIME	DIVISION	GROUND	FIXTURE	REFEREE	LINESMEN
9.00	Res	B1	Uni vs Koupa	J. Jombura	Club/Club
10.15	U/19	B1	B. Kumuls vs Bao Mitas	M. Sapeik	Club/Club
11.45	Wom	B1	Guria vs Tarangau	J. Kepi	Club/Club
1.05	2nd	B1	Waliya vs Hoods	E. Ijari	Kaeto/Gavot
2.30	1st	B1	Maset vs Kula	J. Siliikarah	Kalai/Kwik
4.05	Prem	B1	Guria vs Sobou	Vui	Darius/Panga
9.00	U/19	B2	Koupa vs Maset	Panga	Club/Club
10.15	2nd	B2	Amazon vs T. Yellow Pages	D. Darius	Club/Club
11.45	Wom	B2	Uni vs GFC	S. Barai	Club/Club
1.05	1st	B2	Tarangau vs Defence	V. Don	Sapek/Umbi
2.30	1st	B2	PTC vs Moukasi	J. Siren	Kepi/Kemi
4.05	Prem	B2	Koupa vs University	Kaetovuhu	Ijari/Kelep
9.00	Res	GFC	Westpac vs Amalpak		
10.20	Wom	GFC	Sobou vs T. Yellow Pages		
11.45	Wom	GFC	Waliya vs Sogeri NHS		
1.15	2nd	GFC	PMGH vs Elcom		
2.45	2nd	GFC	Watamads vs Kinhill KM		
4.15	2nd	GFC	Keroro vs Fisika		

9.00	U/19	Def	Golo vs Rapatona
10.20	U/19	Def	BFC vs Amalpak
11.45	U/19	Def	Westpac vs Sobou
1.15	U/19	Def	Gala Utd vs Kuri Andra
2.45	U/19	Def	Guria vs Mt. Obree
4.15	U/19	Def	Uni vs GFC

**SUNDAY JUNE 14TH 1992**

9.00	Res	B1	Guria vs Sobou	Gawot	Club/Club
10.30	1st	B1	Sunam vs Bao Mitas	Umbi	Tombura/Silikarah
12.00	1st	B1	Amazon vs STC	S. Mais	Kiwik/Tombura
1.45	Prem	B1	K. Andra vs Rapatona	Kalai	Tambul/Panga
3.30	Prem	B1	Golo vs BFC	Baldes	Umbi/Kemi
9.00	2nd	B2	Losegu vs Bao Mitas	Sapek	Club/Club
10.30	1st	B2	Verave vs PS Roots	Kemi	Kalai/Barai
12.00	1st	B2	Boroko Utd vs Wanzesi	Siren	Ijari/Kepi
1.45	Prem	B2	Westpac vs Amalpak	Kelep	Siren/Don
3.30	Prem	B2	B/Kumuls vs GFC	Kiwik	Bakuwai/Kelep
9.00	Res	GFC	B/Kumuls vs GFC		
10.20	Res	GFC	Golo vs BFC		
11.45	Res	GFC	K. Andra vs Rapatona		
1.15	2nd	GFC	Tubi vs Cloudy Bay		
2.45	2nd	GFC	Buresong vs Gala Utd		
4.15	2nd	GFC	Maniota vs Mt Obree		
10.00	Wom	Def	Sunam vs Golo		
11.30	Wom	Def	PTC vs PMGH		
1.00	Wom	Def	BFC vs Kuri Andra		
2.30	Wom	Def	Koupa vs Kula		
4.00	Wom	Def	Amalpak vs Wanzesi		

Bye: Women: Blue Kumuls.

**ENGA SOCCER ASSOCIATION  
COMPETITION RESULTS FOR JUNE  
6TH/7TH 1992**

**Competition games**

<b>JUNIORS</b>	Luth Yuth 3	Buresong 0	Teachcom 3	United 0
		on forfeit	on forfeit	
	Moku 0	Magani 4	Elcom GP's	Tarakum 0
			on forfeit	
<b>WOMENS</b>	Moku 1	Teachcom 2	Tarakum 2	United 0
	Magani 3	Buresong 0	Luth. Yuth 3	Elcom 0
		by forfeit	on forfeit	
<b>SENIORS</b>	Moku 0	Tarakum 2	Teachcom 3	Magani 0
	Elcom 1	Luth. Yuth 0	United 4	Buresong 4

RE-ARRANGED GAMES:- (MONDAY 6TH JUNE)	
<b>JUNIOR COMP.</b>	Elcom/GP's 2 Moku 3
<b>JUNIOR SHIELD</b>	Elcom/GP's 2 Moku 3
<b>WOMEN SENIOR</b>	Luth. Yuth 1 Moku 0
	Tarakum 2 Magani 1

**KIUNGA SOCCER ASSOCIATION  
DRAWS FOR THIS WEEKEND: 13/06/92**

Division:	Women	Competing teams	
Times	8.00-8.30	KVC	vs Kerex
	8.30-9.00	Bordermates	vs Derians
	9.00-9.30	Kire	vs T&G
Division:		Premier Reserves:	
Times	9.00-0.15	Kerex	vs Derians
	10.15-11.00	RVM	vs Kenemi
	11.00-11.50	Bordermates	vs Kire
	11.50-12.40	KVC	vs T&G

Division:	Premiers	Competing teams	
Times	12.40-2.00	Kerex	vs Derians
	2.00-3.10	RVM	vs Kengmi
	3.10-4.10	Bordermates	vs Kire
	4.10-5.10	KVC	vs T&G

Weekend draw results: 6/06/92

Women Division:			
1.	KVC 2	forfeit	Waliya 0
2.	Kerex 2	forfeit	T&G 0
3.	Bordermates 1	draw	Kire 1

Premier reserves division			
1.	Kenem 2	forfeit	Waliya 0
2.	Bordermates 2	forfeit	Denan 0
3.	Kerex 2	beat	KVC 0
4.	RVM 2	beat	T&G 0

Premiers division			
1.	Kenem 1	draw	Waliya 1
2.	Bordermates 1	draw	Denan 1
3.	KVC 1	draw	Kerex 1
4.	RVM	beat	T&G 2

**ENGA SOCCER ASSOCIATION  
POINTS TABLE AS AT 9TH JUNE 1992**

SENIOR MEN									
Teams	P	W	D	L	F	A	GD	Pts	
Lutheran Yuth	12	9	1	2	42	13	29	19	
Buresong	12	8	2	2	30	24	6	18	
United	12	6	2	4	32	21	11	14	
Tarakum	12	6	1	5	29	22	7	13	
Elcom	12	6	1	5	24	23	1	13	
Teachcom	12	6	0	6	21	15	6	12	
Moku	12	2	2	8	17	31	-14	6	
magani	12	0	1	11	3	38	-35	1	
Magani	12	9	2	1	22	10	12	20	
Lutheran Yuth	12	8	2	2	33	9	24	18	
Teachcom	12	7	3	2	23	11	12	17	
Elcom/GP's	12	7	1	4	26	14	12	15	
Moku	12	5	0	7	18	20	-2	10	
Buresong	12	1	0	11	7	20	-13	2	
United	12	0	0	12	1	39	-38	0	
Tarakum	12	0	0	12	0	36	-36	0	
Lutheran Yuth	12	11	0	1	41	3	38	22	
Teachcom	12	11	0	1	30	4	26	22	
Moku	12	6	1	5	19	16	3	13	
Magani	12	5	2	5	17	15	2	12	
United	12	5	0	7	12	18	-6	10	
Tarakum	12	2	1	9	7	23	-16	5	

# Gabong tantanim yet wantaim Momase

## MADANG RIPOT

### YAKAM KELO i raltim

**BIKNEM** Momase soka klap long Madang i bin skulim ol mangi Waskia wantaim tripela gol long las wiken.

Momase i bin kamap long YC skoa graun wantaim wanpela tingt-

## Wau i gat ol marasin boi

OL pipel bilong Wau husat i save pilai spot bai i no inap painim dokta sapos ol i kisim bagarap long taim bilong pilai.

Bikos ol i gat tupela yangpela man husat i bin go long Lae na kisim kos bilong spot marasin. Dispela tupela man i ken helpim ol pilaia sapos ol i kisim bagarap long taim bilong pilai.

Tupela man ya em Harvey Barnabas na Juan Zewai. Tupela i bin go long wanpela kos em provinsal spot opis i ranim. Dispela tupela de kos i bin stat long Me 20 na pinis long Me 22. Ol lain long Spot Institut long Goroka i bin kamap na skulim ol.

Dispela tupela man i amamas long stap insait long kos. Na tupela i tok ol i lainim gutpela ol samting. Tupela i tok planti taim ol birua i save kamap long olgeta spot long Wau. Na ol man i save painim hat long stretim ol pilaia i kisim bagarap.

Provinsal spot opis long Lae i bin givim bikpela tok amamas i go long Wau long salim tupela man i go long kos. Ol i bin amamas long lukim tupela man bilong Wau. Bikos ol ararapela distrik ausait long Lae i no bin salim sampela ol lain long stap insait long dispela kos.

Presiden bilong Wau Soka Asosiesen, Guti Kawa i tok amamas tru long spot asosiesen long Wau long luksave long hevi bilong spot long hap. Na salim ol mangi i go long dispela kain kos.

Dispela tupela man inap long stretim sampela kain bagarap em ol pilaia i kisim long taim bilong pilai. Kawa i laik askim ol spot opisal na asosiesen insait long Wau long wok bung wantaim dispela tupela man.

ing tasol bilong win.

Kosa John Gringo i bin putim stret ol boi i go long fil na ol i kirapim pait wantaim ol boi Waskia na winim ol.

Nesenen pilaia Victor Carson yet i bosim gol

mak na poro bilong em, Alfred Gabong i ron olsem straika. Olsem na namba wan gol i kamap long namba wan hap bilong gem we Gabong i suvim ol tantanim gras bilong em na hetim bal i go insait.

Gutpela gem bilong Ekapo John i mekim

em i sutim namba tu gol na Thomas Lambert i paiaim namba tri gol bilong Momase.

Wok bung wantaim bilong John Punu na John Pisingal long beklain na Daniel wantaim Paul Kuno long midfil i helpim ol fowat bilong ol long winim dispela gem.

Ol boi Waskia i traim sampela rot tasol Momase i kamapim strongpela banis tru. Derek Malagian na Andy Yeni i bin kamapim sampela gutpela gem long dispela taim.

Madang Blus i bin bungim Watabag na winim ol, 5-1. Ol boi

bilong Madang Blus i pilai gut tru na Memben Ken, Ondo Bart na straika, Trimo Topio i sutim gol.

Straika bilong Watabag, Tony Kig i kikim wanpela gol bilong Watabag. Corey Labong i bin soim gutpela pilai tasol em yet i wok long abrusim ol

gol bilong em.

Long Sande, nara-pela gem bilong Momase i bin kamap wantaim Panufun. Dispela em wanpela strongpela gem tasol Momase i wok long strong olgeta taim. Olsem na Momase i win 1-0 long dairek penalti kik.

## Foapela tim sambai long B&H gol lig nokaut

FOAPELA tim tasol i sambai nau long salens insait long soka

resis bilong Benson & Hedges gol lig nokaut long Madang.

Ol tim ya em Momase, Waskia, Madang Blus na Watabag.

Long Mande bilong Ista wiken, 7-pela tim i kamap long pilai long YC soka graun. Ol tim ya em Madang Blus, Watabag, Waskia, Momase, Saficol, Panufun na KPI.

Waskia i kisim Panufun long bikpela gem na autim stret tiket bilong ol.

Long namba wan hap bilong gem, midfilda Lawrence Koyo i kisim wanpela gutpela sans stret na meknais long umben bilong Panufun wantaim wanpela gol.

Straika Jacob Steven i bin kisim planti gutpela sans tasol kik bilong em i wok long smelim mak tasol.

Long namba tu raun, Jacob i bin abrusim tu tupela gutpela gol long mak bilong Panufun. Kepten, Michael Steven i mekim bikpela wok long beklain long bikmaus na sapatim Andy Yeni na ol beklain pila-

ia bilong em.

Senis i bin kamap we Yakam Kelo i go insait long ples bilong Jerry Pandai long midfil long givim sapat long ol fowat pilaia bilong em. Long dispela taim, Jacob Steven i kikim namba tu gol na mekim skoa i kamap 2-0 long fultaim.

Madang Blus i bungim Saficol na autim tiket bilong ol, 4-1. Straika Trimo Topio na Kuplang Nering wok bung wantaim na ol i sutim 4-pela gol.

Saficol i strong tasol difens bilong Madang Blus i strong tumas

olsem na em i lus long dispela gem.

Watabag i bungim KPI long las gem tasol KPI i no kamap olsem na Watabag i win long fofit.

Momase i stap malolo.

De bilong las raun nokaut bilong B & H Gol Lig i no klia yet. Pasin bilong dispela gem em lusa i aut na wina i go bungim wina inap tupela las wina i bung na painim las wina bilong go long Wabag long nesene klap sempion's p long mun Oktoba.



•Clinton Rio bilong Defence i holim bal bihain long wanpela Boroko United pilaia i wokim wanpela paul kik long wanpela pilaia bilong Defence.

## BFC na Kurex wankain tasol

WAU i no makim Kwins Betde wiken. Tasol long Sarere, Sande na Mande, Wau Soka Asosiesen i go yet long pilaim ol gem bilong en.

Dispela em i las gem bilong raun wan.

Bikpela pilai i bin stap namel long Wabu Kurex na BFC. Planti manmeri i kamap long lukim dispela pilai long wanem dispela tupela tim i gat nem long primia divisen taim tupela i bin plai long gren fainal long las yia.

Na long dispela yia, tupela i bin kik long gren fainal bilong pri sisen na Wabu Kurex i win. BFC i bin winim pri sisen gren fainal long 1991.

Dispela bikpela kik i bin kamap long Mande 8 Jun, long 4 klok apinun. Planti manmeri na sapota i bin kamap na lukim gem na sapatim tim ol i laikim long win. Tasol driman i no wok stret bikos tupela tim wantaim i dro, 2-2.

Tupela tim wantaim i pilaim strongpela gem tru long namba wan hap. Tasol klostu long haptaim, narapela

kain pasin i kamap long BFC beklain. Na ol i longlong i stap, lukluk long ol yet na John Damin na kosa bilong Kurex i kisim bal na brukim beklain na sutim wanpela gol.

BFC i no wari tumas. Ol tu i laik sutim gol. BFC i bin sutim wanpela gol taim Jerry Song i setim Towai Angai long sutim wanpela gol bilong BFC. Na bringim skoa i go long 1-1.

Long namba tu hap bilong pilai, tupela tim wantaim i laik win olsem na ol i kik strong tru. Tasol liklik asua i bin kamap taim goli bilong BFC i bin tok nogutim bal. Na referi, Leslie Komai i no amamas long dispela na givim penalti i go long Kurex.

Stail mank "Doli Paten" Bukam Jacob i kisim dispela penalti kik na meknais long umben bilong BFC.

Tasol Jerry Song i no wari long dispela kik bilong wan pilai bilong em long Morobe Kantri. Em tu i meknais long umben bilong Kurex taim Towai Angai i givim em narapela bal gen. Fultaim skoa, BFC 2 na Wabu Kurex 2.




*Ol kain stail kik bilong ol yangpela na lapun long Mosbi*

**i kam long Enga**



•Dispela kik i soim stail bilong ol manki Ela Beach Intanesenel skul na Murray Intanesenel.



• Dispela pilaia bilong Defence i rausim bal long bros.



•Buresong Soka tim husat i winim gren fainal bilong 1991.



• Papua Niugini manki i mekim nem long Murray Intanesenel. Dispela stail bilong ran na kik em bilong em yet. Ela i daunim strong bilong Murray Intanesenel primeri skul bilong anda 7 soka resis.



•Pilaia bilong Defence i banisim pilaia bilong Boroko United long kisim bal.



•Enea Gaya Teachcom Soka tim bilong Enga.



•Tarakum soka tim bilong Enga.

**Ol PTC tim bilong Lae Futbol Asosiesen**

□ PTC Tim bilong ol meri vollibal long Lae. Na daun bilo em ol boys soka tim bilong ol.



**BENSON & HEDGES SOCCER**

# Wanem gutpela samting bai kamap long Lae soka?

## Lae soka i go we?

Long nius bilong dispela wik, yumi lukim i harim olsem ol wokman i wok long rausim olpela soka haus long Lae Futbol Graun. Dispela i min wanem long Lae soka?


Dispela haus i kamap long taim planti ol bikman bilong Morobe nau i bin stap yangpela na i pilai soka yet. Displa haus i lapun wantaim planti ol bikman, tasol ol i stap sapotim tru soka long Morobe.

Dispela haus wantaim planti ol lapun i gat nem long soka. Mosbi, Rabaul, Arawa o wanem hap, em aste tasol ol i kisim nem long pilai soka. Planti ol dispela lapun i lukluk long ol yangpela i pilai soka nau, tasol stail na laik long winim ol pilai i no olsem taim bilong ol lapun bipo.

## Taim bilong ol yangpela

Dispela kain mak ol lapun i kamapim em i hat tru long ol yangpela i traime kisim. Olsem na em i pasin sori olsem dispela mak olsem haus bilong ol lapun bai kam daun. Long narapela sait bilong stori em i orait. Bikos em i taim bilong ol yangpela nau long putim wanpela mak we ol yet i ken tokaut olsem em i mak bilong ol. Orait, dispela mak i gat as bilong tokaut soka bilong Lae bai go we?

Wanpela samting i bin pas wantaim Lae soka long planti yia liklik nau long taim bilong ol yangpela em pasin bilong kamapim trabel insait long pilai. Dispela pasin i wok long go daun tru nau na mi gat bikpela amamas long lukim ol manmeri na ol pilai i yusim soka long apim nem bilong soka long Lae



gen.

Na nau yumi lukim ol eksekutiv bilong Lae soka i gat plen bilong wokim gut wanpela nupela haus long kisim ples bilong dispela olpela haus ol i pulim daun pinis. Olgeta dispela gutpela samting i wok long soim olsem Lae soka i gat moa plen long kamap gut na i go moa yet. Yumi olgeta i wet tasol na lukim wanem moa gutpela samting bai kamap long Lae soka.

## Mosbi soka

Mi toktok planti long Lae soka. Tasol, narapela siti i gat nem

nau long soka em Mosbi. Long ai bilong ol manmeri, soka long hia i go olsem wanem nau?

Wanem ol nupela samting na nupela aidia i kamap long Mosbi. Ol bikman i banisim graun sampela yia i go pinis. Em i tru olsem ol wokman i bin stretim ol toilet na haus bilong ol referi long las yia. Tasol, wanem arapela bikpela samting i stap long plen?

Long lukluk bilong mi yet, paia bilong Mosbi i wok long dai. Em i stat long ol aidia na ol plen. Sapos i nogat moa aidia o plen, soka bai stap wankain tasol o em bai pundaum i kam daun liklik inap em bai dai olgeta. Long dispela yia, mi gat bikpela laik liklik olsem sampela manmeri i mas putim het wantaim na kamapim Mosbi soka i go gutpela moa.

Sampela ol samting olsem gren sten we ol manmeri i save

sindaun... Em i taim nau we ol yangpela i ken skrapim ol ros ain na putim nupela pen. O sapos Mosbi soka i gat mani, em i ken traime wokim haus olsem Lae soka bai mekim nau.

Narapela samting gen em long ol pilai graun. Em i taim gen nau long putim nupela graun antap long ples bilong pilai na larim gras i groa antap. Bihain taim ol pilai i pilai, stail bilong pilai bai luk gut tru. Nau yu lukim ol stailka i laik kikim gol, bai bal i kalap na mekim pilai luk nogut. Ol midfilda i laik setim bal, em i save abrus.

Ol pilai i save rejista K20 long wanwan yia long kik. Dispela mani i mas go long traime kamapim gut ples bilong ol long pilai. Klap bilong ol tu i save baim bikpela mani. Olsem na hap bilong dispela mani i mas go long traime stretim ples bilong pilai.

# Yunivesiti stapim olgeta pawa bilong Golo

## WINIS MAP i raitim

YUNIVESITI long las wiken i bin kamapim gutpela kik stret.

Stat long namba wan wisil, ol i no malolo. Ol i paia stret. Kepten Joe Turia i no bin kik bikos

em i go long Rabaul long painim ol anda 22 pilai bilong PNG tim.

Tasol dispela i no daunim ol boi Yuni. Boi Vanuatu, Russell Nari yet i bin go pas long ol studen. Em i kamapim ol gutpela kik long beklain wantaim helpim

bilong Batman Furegi.

Bihain long sampela minit bilong kik, Golo i no bin was gut na boi nogut bilong Yuni, Steven Mune i paitim bal long het bilong em i go insait long umben bilong Golo.

I no longtaim Yuni i

sutim namba tu gol bilong ol. Dispela gol i bin kamap bihain long sampela stail ilai em Desmond Waku i mekim. Waku i trikim ol beklain pilai bilong Golo na givim bal long Alphonse. Taim Alphonse i kisim dis-

pela bal, em i no wet, na sutim i go insait long umben bilong Golo.

Bihain long namba tu hap, Golo i bin banisim gut maus bilong umben na kirapim das long hap bilong Yuni. Kepten Vele Kila i wok hat tru long sutim gol.

Golo i kisim liklik sans long sutim gol. Tasol lek bilong Guria Tau i bin abrus na em i saitim tasol long gol maus bilong Yuni. Dispela kik bilong Tau i mekim planti sapota i kros. Bikos dispela i bin wanpela isi gol tru.

Yunivesiti i bin pasim dua na stapim Golo long sutim moa gol. Orait, Yuni i bin wok hat na sutim namba tri gol. Desmond Waku i setim Batman Furegi na Batman i pairapim umben bilong Golo.

Joe Noperi bilong Golo i abrusim tu sampela sans long sutim gol. Guria Tau, Vele Kila na Joe Noperi i bin wok hat tru long sait bilong Golo. Tasol Yuni i no larim ol long sutim gol.

Goli bilong Yunivesiti, Francis Kupe i bin stapim planti gol tu.

Em i wok hat long holim ol bal bilong Kila na Noperi.

Russell Nari, Batman Furegi na Joe Aisi i bin kamapim gutpela kik tu long beklain. Teksi long sait lain, Roy Karang i wokim ol gutpela stail tu long setim ol straika bilong em. Malakai Kupeson i bin kik strong long tilim ol bal. Kik bilong em long midfil i gutpela. Em i bin mekim bikpela wok long tilim ol bal i go long Steven Mune na Roy long sait lain.

Yunivesiti yet i bin winim dispela kik, 3-0.

# Awi gat bikpela laik long PTC

## STORI BILONG PILAIA

### WINIS MAP i raitim

Nem: Cammilus Awi  
 Krismas: 24 yia  
 Ples: Killiwes  
 Distrik: Bewani  
 Provins: Wes Sepik  
 Klap: PTC ( Mosbi )  
 Divisen: Namba wan  
 Posisen: Fulbek

CAMMILUS Awi em wanpela yangpela mangi Bewani na em i save wok olsem wanpela lainsmen bilong PTC.

Cammilus i bin stat pilai soka long 1984 taim em i stap long Sen Ignatius haiskul long Aitape. Long 1984 na 1985, em i kik wantaim skul tim long ol bikpela kik bilong Aitape Soka Asosiesen.

Tasol em i no bin kik long 5-pela yia olgeta taim em i pinis long skul. Cammilus i stat kik gen long las yia taim em i kik wantaim PTC long kik bilong Pablik Sevan long Mosbi.

Na long dispela yia, Cammilus i wok long taitim bun wantaim PTC long bikpela kik bilong Pot Mosbi Soka Asosiesen. Tim bilong em PTC i kik long namba wan divisen.

Em i no kisim yet wanpela bikpela prais o awod. Na em i no wari long dispela.

Cammilus i save laikim kik bilong Pombuai Pepi long PTC soka klap long Mosbi. Cammilus i tok Pombuai i save kik strong long beklain na pretim ol birua long kam klostu long umben.

Bikpela tingting bilong Cammilus em long bringim PTC i go antap long primia o primia risev long neks yia. Cammilus i laikim tu PTC long winim gren fainal bilong namba wan divisen long dispela yia.

Nau yet Cammilus i no gat tingting long kisim awod o stap insait long ol skwat nabaut. Em i tok em bai kik tasol na kamapim nem bilong PTC.



• Cammilus Awi

**BENSON & HEDGES SOCCER**



# BENSON & HEDGES SOKA

ntok

## INSAIT

• Gabong tantanim Momase...p25

• Wau soka i paia...p25

• KIKBEK tingim lapun haus...p27



...wantaim Gabriel Pise

• Yuni stapim Golo...p27

• Boi Bewani laik helpim PTC...p27

OL WIKEN SOKA LONG POTO ... p26



## PTC katim olgeta waia bilong Mosbi long namba wan divisen

### WINIS MAP i raitim

PTC Soka klap long Mosbi i wok long kamapim bikpela bagarap long kik bilong namba wan divisen.

PTC em i wanpela nupela klap husat i wok long kik long Pot Mosbi Soka Asosiesen. Bihain long 7-pela wik bilong kik, ol i wok long bagarapim olpela na nupela tim husat i kik wantaim ol.

Long las wiken, ol i no bin taitim bun na ol i dro wantaim Bao Mitas.

Kik bilong tupela i wankain tru. Wanem stail Bao Mitas i kamapim, ol boi PTC i kirapim bilong ol tu.

Long namba wan hap bilong kik, tupela tim i bin wok hat tru long banisim bal long go insait long mak. Na tupela tim i no bin skoa.

Tasol bihain long namba tu hap, ol boi PTC i bin stretim gen ol waia bilong salim toktok. Dispela i bin mekim kepten bilong PTC, Hans Gewenbang long setim raithan

winga, Donai Bamai long sutim namba wan gol bilong PTC.

Bao Mitas i no wari na bekim dispela gol. Simon Wai i bin mekim bikpela wok tru bihain long dispela gol bilong PTC. Na em i bin kamapim bikpela kik long larim wanpela pilaia bilong em long sutim gol.

Bihain long dispela gol, PTC i bin banisim gut umben bilong ol. Cammillus Awi na Pombuai Pepi i kamapim sampela gutpela kik long beklain. Na stapim Bao Mitas long skoa gen.

Kepten Gewenbang i bin traim sutim ol gol tasol ol boi Bao Mitas i banisim mak bilong ol gut tru. Coxie Lawra tu i bin kamapim gutpela kik long midfil. Em i bin givim sampela gutpela bal long tupela straika tasol lek bilong tupela i popaia na smelim tasol umben bilong Bao Mitas.

Tupela tim i bin dro 1-1. Tasol PTC i wok long go pas yet long poin lata wantaim 16 poin na Bao Mitas i ron bihain long 14 poin.

# Goroka stap las yet

## Waram laikim ol pilaia fi nau

### SAPE METTA i raitim

OL pilaia i kik long Goroka Soka Asosiesen bai bungim hevi long stap insait long rijinol, nesenel na intanesenel tonamen long dispela yia sapos ol i no baim pilaia rejistresen fi i go long PNGFA long dispela mun.

Dispela hevi i ken stapim Goroka Soka Asosiesen long kisim sampela helpim em Benson & Hedges kampani i bin givim long PNGFA long skelim long olgeta soka asosiesen.

Wanpela long ol dispela helpim em long holim kik bilong Benson & Hedges Kap long olgeta wan wan asosiesen. Ol pilaia tu bai i no inap resis long kisim pilaia bilong yia awad.

Dispela em las samting PNGFA i ken wokim sapos GSA i no baim K4 rejistresen bilong olgeta pilaia i go long nesenel soka bodi. Taim long baim dispela fi i bin pinis long mun Epril. Na Goroka em i wanpela long ol dispela asosiesen i no baim yet. Dispela hevi i bin kamap bikos Goroka i

bin statim ol kik bihain tru.

Ol bikman o bilong PNGFA i bin raitim wanpela strongpela pas i go long presiden bilong GSA, Mathew Waram long tokim ol pilaia long baim rejistresen fi bilong ol hariap.

tasol planti klap opisal i no bin kamap.

Klap afiliisen na pilaia rejidsresen fi em wanpela bikpela hevi GSA i save bungim long olgeta yia. Dispela hevi i save mekim

GSA i rausim sampela klap long ol kik resis.

Long wanpela taim, GSA i bin i gat 20 klap na ol i save kik long 8-pela divisen. Tasol dispela namba i senis pinis na long dispela yia, 8-pela klap tasol i kik long 4-pela divisen.

GSA gen i kirap na raitim ol strongpela pas i go long ol opisal bilong ol 8-pela klap long baim pilaia rejistresen fi hariap.

Waram i bin traim holim kibung long tupela wik i go pinis





# RUGBY

Namba 52

Fonde Jun 11, 1992

## NIUS

## Vipers kisim bek ol Kumul pilaia

BARBARA TOMI i raitim

GREN fainal bilong 1992 SP Inta Siti Kap salens bai i kamap long dispela wiken, na

tupela olupela birua gen bai bung. Hagen Eagles na Mosbi Vipers bai bung gen

long namba tri gren fainal bilong dispela bikpela strongpela resis.

Gren fainal bai i kamap long Lloyd Robson oval long Mosbi

long Sande apinun (lukim dro na progrem long pes 4 na 5).

Ol sapota i lukim pinis dispela tupela tim i bung tupela taim long 1990 na 1991. Long

dispela tupela gren fainal, Mosbi Vipers i win aninit long lukaut bilong kosa John Wagambie (1990) na Sam H. Kaia (1991).

Hagen Eagles bai i kam wantaim bikpela tingting long winim dispela Inta Siti Kap na karim i go antap long Hailans long namba wan taim. Bikos em i smelim pinis long tupela taim.

Ol pilaia i redi long tupela wik pinis, na i sambai tasol long pre-tim olupela sempion tim.

Long 1990, ol boi Hagen i winim Mosbi tupela taim long resis. Tasol long gren fainal, ol i salim kaikai long Mosbi. Dispela rekot i wankain olsem resis bilong dispela yia. Hagen i autim Mosbi tupela taim pinis, tasol em i lukluk long winim tu gren fainal.

Sapos ol Mosbi pilaia i bihainim plen na pilai long ful 80 minit, ol i ken winim taitel long namba tri yia gen. Tasol strongpela salens bai i kam long ol boi bilong kolples.

Mosbi i gat planti gutpela ekspirians pilaia long kisim. Tasol ol i mas bung wantaim na stretim asua bilong ol. Ol i noken mekim ol asua olsem bilong las wiken egensim Mendi Muruks long priliminari

fainal.

Kosa Sam Kaia i mas stretim na ol dispela asua. Long las Sande, ol pilaia lusim planti bal tumas.

Vipers tim menesa, Peni Gamoga i tok ol pilaia i no bihainim plen em kosa i tokim ol taim ol i pilai long fran bilong tupela gol pos.

Em i tok ol liklik asua olsem ol pilaia i lusim bal, mekim ol longpela pas we birua tim i kisim i bagarapim gem bilong Vipers.

Vipers bai mekim bikpela senis long lain ap bilong Sande. Olsem na em bai kisim bek ol Kumul pilaia.

Long beklain, Arnold Krewanty na Joshua Kouoru bai lukautim wing, na Tuksy Karu na Richard Wagambie bai poroman long senta. Long namel, Aquila Emil bai kisim ples bilong Sauna Babago long faiv eit posisen. Babago bai stap olsem risev pilaia.

Long fowat lain, Ben Bire bai pilaiam namba tu Inta Siti gem bilong em long dispela yia. Na tu bai pilai long namba tu Inta Siti gren fainal. Bire bai poromanim wan pilaia bilong em long Kumul tim, Kera Ngaffin. Na Danny Moi em ol i kisim em gen long lukautim pilai bilong ol fowat pilaia.

**Moa Inta Siti gren fainal ripot - pes 3**

### INSAIT :

• Ol tim protes long Noten Son trails - p2

• Stori bilong ol pilaia - p2

• Komplon long Kumul tim - p3

**DRO NA LATA**  
- p4 & p5



Wagambie tokaut - p6

**Kimbe redi** - p7

**MOA LIG POTO**  
- p8



*Kas bilong Ivaroa* • Insait senta bilong Brothers i traim long takelim bikpela fowat na kepten bilong Magani, Jacob Ivaroa long A gret gem bilong Mosbi Winfield Lig resis las wiken. Magani i strong tru na autim tiket bilong Brothers 28-12. *Ol poto: Ivan Bayagau.*

# Winfield League '92

# Morobe Kantri na Wau/Bulolo protes long Noten Son trails

MOROBE Kantri na Wau/Bulolo i bin protes long Noten Son trails em i bin kamap long Madang long longpela Kwins Betde wiken. Olsem na tupela i no pilai long Sande na Mande.

Long Sande apinun, tupela i protes na givim wanpela petisen o askim pepa i go long ol opisal bilong Noten Son na Madang Lig. Na bihain tupela i go bek long ples. Long petisen, tupela i komplem olsem ol opisal bilong Madang i no stretim ples slip na kaikai bilong tupela. Long Fraide na Sarere nait, olgeta pilai na opisal i stapim ka arere long rot na slip.

Long Fraide nait, ol pilai bilong Morobe Kantri i slip long bas ausait long BP Sevis Stesin. Na long Sarere nait, ol i stapim bas ausait long Kalibobo laithaus na slip. "Mipela i strong long bred na kodial tasol. Mipela i nogat gutpela slip, wara bilong waswas na toilet," kosa Roy Mirenkge i tok.

Lae na Madang tasol i slip long gutpela ples, kaikai na redi long pilai. Madang tim i slip long Madang Resort.

Morobe Kantri na Wau/Bulolo i bin pilai long Sarere tasol. Bihainim dispela protes na ol opisal i mekim nupela dro, na 4-pela senta tasol i pilai long Sande na Mande. Ol dispela senta em Lae, Madang, Kainantu na Ramu.

Olpela presiden na kosa bilong Morobe Kantri tim, Roy Mirenkge i no amamas tru long Madang

Winfield Lig na Noten Son long i no painim gutpela ples slip bilong ol.

Mirenkge i tok long trails bilong las yia long Kainantu, olupela presiden bilong Noten Son Lig, Stanley Pil i ogenaisim gut tru we olgeta senta i gat gutpela ples bilong slip.

Morobe Kantri Lig i askim nau nupela presiden, John Numapo na ol arapela eksekutiv bilong Noten Son Lig long risain.

Presiden bilong Madang lig, Moses Miva i bekim olsem dispela i no asua bilong ol. Em i tok Morobe Kantri na Wau/Bulolo i bin toktok wantaim Noten Son long kam bilong tupela, na i no wantaim Madang lig. Olsem na Madang lig i tingting olsem tupela yet i mas stretim ples slip bilong ol pinis.

Na tu Noten Son na Madang lig i bin askim wanwan senta long baim K200 fi bipo ol i pilai. Dispela mani i bilong baim ol referi na wokman long lukautim pilai.

Tasol Mirenkge i komplem olsem i nogat wanpela as long baim dispela fi. Em i tok Morobe Kantri Lig i memba pinis long nesneel bodi, PNGRFL wantaim K2,000 fi. Olsem na Noten Son i ken askim PNGRFL long baim dispela fi, na bilong wanem bai ol i baim gen.

"Wau/Bulolo, Ramu Suga na Morobe Kantri bai westim mani long baim ol dispela fi, tasol mipela i nogat pilai long Noten Son tim," em i tok.

# Ol referi no kisim toksave long lukautim ol gem long trails

MADANG Winfield Lig i no bin givim gutpela toksave long ol referi bilong em long lukautim pilai bilong Noten Son trails. Trails em i bin kamap long Ron Albert Oval long Madang las wiken.

I nogat wanpela pas o toksave long husat referi bilong Madang bai lukautim ol pilai.

Dispela hevi i givim wari na bel kros long ol referi. Bikos ol referi yet i longlong long husat bai holim wisil na ran i go insait long fil.

Wanpela sinia referi bilong Madang, James Tore i tok ol i kamap long pilai graun tasol na kirap nogut long ol opisal i askim referi bilong em long holim wisil.

Tore i tok dispela wari i givim bikpela wari long ol. Bikos ol i no klia long sekyuriti bilong ol.

Presiden bilong ol referi long Madang, John Jacob i no givim wanpela toksave tu long ol referi bilong em. Jacob yet i bin lukautim pilai namel long Lae na Wau/Bulolo long Sarere.

Tasol Tore i glasim olsem Jacob i

save wok klostu tumas wantaim ol bos bilong Madang Winfield Lig. Olsem na i no gutpela long em i mekim wok bilong ol referi.

"Referi i mas wanpela indipenden man o i stap bilong em yet. Dispela i min olsem em i mas stap longwe long ol lig na klap wantaim," Tore i tok.

Tore i laik autim dispela hevi i go long ol arapela referi. Na ol bai raitim wanpela pas i go long nesneel bodi, PNGRFL na askim long skelim dispela hevi.

Tingting bilong Tore em long rausim ol opisal bilong Madang Winfield Lig aninit long lukaut bilong presiden Moses Miva.

Tore i skruim tok olsem ol referi i no save wok bung wantaim ol referi. Olsem na ol i wok long bungim planti hevi nau. "Ol pilai na sapota i save paitim mipela," em i tok.

Madang Winfield Lig i gat 14 referi olgeta long dispela yia. Ol i wok long lukautim gut ol pilai i kam, tasol i nogat gutpela bekim yet long hevi bilong ol.

## Bekim bilong Numapo:

### LEO WAFIWA i raitim

PRESIDEN bilong Noten Son Lig, John Numapo i bekim olsem olgeta asua i stap yet long Morobe Kantri na Wau/Bulolo Lig.

Em i tok olgeta senta i save pinis olsem ol yet bai baim ples slip na kaikai bilong ol long trails. Dispela i no nupela samting. Tasol wanem samting Noten Son Lig i mekim em long salim pas i go long ol senta na toksave gen long dispela long tupela mun i go pinis.

"Insait long leta mipela i tokim tu ol senta long stretim toktok wantaim ol eksekutiv bilong Madang lig long redi ples slip. Na wanwan senta yet bai baim. Noten Son Lig bai i no inap long baim," em i tok.

Na long K200 fi, Numapo i bekim olsem tupela yia i go pinis insait long

kibung bilong Noten Son Lig, ol i orait olsem olgeta senta i mas baim K200 membasp fi i go long mama bodi bilong lig long rijon.

Orait long kibung bilong ol tim menesa long Fraide nait, olgeta senta i baim dispela fi. Tasol Morobe Kantri na Wau/Bulolo i no baim bilong tupela.

Numapo i tok strong olsem sapos wanpela senta i no baim dispela fi, em bai i no inap memba long Noten Son Lig.

Ol eksekutiv bilong Noten Son Lig i bin kibung long asde nait, na toktok long ol dispela samting.

Long ol arapela samting, Numapo i tok ol bai tokaut long Noten Son tim bilong Son sempionsip long neks wik samting.

Na long Oktoba samting bai nara-pela Noten Son trails i kamap. Taim bilong dispela i no stret yet.

# Tupela Morobe Kantri pilaia driman long Noten Son jesi

## Barossa Ganube


Nem: Barossa Ganube  
Krismas: 23  
Ples: Ino - Onka, Kainantu-Isten Hailans provins.  
Hevi: 67 kilogram  
Longpela: 159 sentimita  
Posisen: Wing/Ausait senta  
Klap: Big C Souths - Morobe Kantri Lig.  
Wok: Wok wantaim Farmland olsem butcher o man bilong katim mit.  
Stat pilai ragbi lig: Stat pilai long 1986 wantaim risev gret bilong Fireworks long Morobe Kantri Lig.  
Stori long pilai: Long 1988, Barossa i pilai wantaim Bogenvil Snafu long Not Solomon provins. Tasol hevi long ailan namel long PNG gavman soldia na BRA paitman i mekim, na em i ranawe i kam pilai long Morobe Kantri Lig. Em i pilai long Morobe Kantri Lig long 1991 na 1992 sisen nau.

Las wiken em i makim Morobe Kantri long Noten Son trails, em i bin kamap long Madang.  
Feveret pilaia long PNG: Mosbi Air Niugini na oltaim Kumul lok pilai, Joe Gispe.  
Driman: "Mi gat bikpela laik long winim wanpela jesi bilong Noten Son.

## Peter "McKilroy" Nilkare

Nem: Peter Nilkare  
Niknem: Mckilroy  
Krismas: 22  
Hevi: 80 kilogram  
Ples: Omokulai, Gumine - Simbu provins.  
Posisen: Seken ro  
Klap: Big C Souths - Morobe Kantri Lig.  
Wok: "Grasruts"  
Feveret pilaia long PNG: Mosbi Air Niugini na Kumul lok pilai, Joe Gispe.  
Feveret pilaia long Sidni: David Gillespie (Western Suburb).  
Feveret kaikai: Kakaruk na jips.  
Feveret Muvi: Rambo  
Driman: "Mi traime nau long putim wanpela jesi bilong Noten Son."  
Stori: Stat pilai ragbi lig long 1988 long Morobe Kantri Lig wantaim Big C Souths. Dispela em long A gret stret. Las wik em i makim Morobe Kantri long Noten Son trails, em i bin kamap long Madang.

Toktok: "Mi amamas long klap, na ol pilai insait long klap (Big C Souths). Olsem na mipela i save pilai gut tru long resis bilong Morobe Kantri Lig."



Madang Tigers gat nupela yunifom • Madang Tigers i kisim helpim bilong Lae Bisket kampani. Kampani i helpim klap na baim ol nupela jesi bilong em. Ol A gret pilaia i soim ol nupela yunifom em sponsa i baim.

# Lae autim Noten Son taitel

LAE em sempion ragbi senta nau long Noten rijon. Em i winim dispela nem bihain long em i autim Madang 60-8 long fainal bilong Noten Son trails, em i bin kamap long Madang long Kwins Betde wiken.

Sispela senta olgeta i kamap long dispela resis. Nem bilong ol em Wau/Bulolo, Morobe Kantri, Ramu Suga, Kainantu, Madang na Lae. Long Sande, Wau/Bulolo na Morobe Kantri i protes na i no pilai. Olsem na 4-pela arapela tim tasol i pilai.

Long ol gem bilong Sande, Lae i daunim strongpela salens bilong Kainantu na i win 26-18. Hap taim skoa em Lae i go pas yet 16-8. Na gem namel long Ramu na Madang, em Madang i winim 24-18.

Tupela wina, Lae na Madang i bung long fainal long Mande.

Planti manmeri i bin pulapim Ron Albert Oval long Madang, na sapatim lokol tim bilong ol egens nem senta, Lae.

Long sta bilong pilai, tupela tim i paia strong

stret. Tasol Lae wantaim ol eksperiens pilaia olsem Charliee Vee na Andrew Kuno i stat long lukautim pilai.


Vee i lukautim pilai long beklain long insait senta posisen, na Kuno i lukautim pilai long fowat lain. Lae wanpela i skoarim ol trai long namba wan hap bilong pilai, na i go pas long skoa 34-0. Long namba wan hap, Lae tasol i lukautim pilai.

Long namba tu hap, Madang i putim sampela paia liklik. Tasol dispela i no inap long daunim strongpela eksperiens Lae tim, we planti pilai i gat nem pinis long strongpela SP Inta Siti Kap resis.


Long pinis bilong namba tu hap, Lae i skruim skoa bilong em i go long 60. Madang i skoarim 8-pela poin tasol.

Long ol arapela samting, i nogat wanpela trabel i kamap na stapim ol pilai. Olgeta pilai i bin kamap na ran gut tru.


Narapela son trails bai kamap long Oktoba samting. Tasol Noten Son Lig i no stretim gut taim yet. Toksave bilong dispela bai kamap bihain.



• Max Tiri



• Joe Paraka




• Marcus Panga



• Chris Itam



• Elias Kamiak



• Gigmai Ongugo

**Sekim lain ap bilong tupela :**

**HAGEN**

Felix Naea  
Chris Itam  
Gabriel Pepna  
David Goime  
Simon Yako  
Dimbi Ongugo  
Billy Noi Junia  
Joe Paraka  
Petrus Kerowa  
Markus Panga  
Max Tiri  
A. Kanamon  
E.Kamiak (Capt.)

**POSISEN**

Fulbek  
Lep wing  
Ausait senta  
Insait senta  
Rait wing  
Faiv eit  
Hap bek  
Prop  
Prop  
Huka  
Seken ro  
Seken ro  
Lok

**MOSBI**

1. Philip Boge  
2. Joshua Kouoru  
3. Richard Wagambie  
4. Tuksy Karu  
5. Arnold Krewanty  
6. Aquila Emil  
7. Stanley Haru (Capt)  
8. Ben Bire  
9. Danny Moi  
10. Kera Ngaffin  
11. Steve Manas  
12. Dominic Bre  
13. Joe Gispe

Ol Vipers risev pilaia:

Kaibel Kanaka, Sauna Babago, Michael Toivita, Ronald Vue.


Ol Eagles risev pilaia: Mike Morris, Paulus Kerowa, John Yawing na Gigmai Ongugo.

**Eagles bai strong long fowat lain**


HAGEN Eagles i gat ol strongpela fowat pilaia husat i gat nem long sanapim strongpela banis. Na tu ol i ken ran olsem ol beklain pilaia na skoa sapos birua tim i givim spes. Fowat lain bai paia aninit long lukaut bilong lok Elias Kamiak. Ol bai lukluk long

pusim ol Vipers pilaia bai ol strongpela takel, wantaim tingting bilong mekim ol Vipers pilaia i mekim planti asua. Max Tiri, Andrew Kanamon, Joe Paraka, Petrus Kerowa na Markus Panga i save ran strong wantaim bal. Wok bilong ol em long brukim banis na givim

spes long ol beklain pilaia long skoa. Ol beklain pilaia aninit long lukaut bilong Billy Noi Junia bai wetim tasol liklik spes long skoa. Dispela bai i wanpela gutpela gem stret. Na wanem tim i no mekim planti asua long fil bai i skoa moa na win.



• Stanley Haru



• Kaibel Kanaka



• Aquila Emil



• R. Wagambie



• Philp Boge



• Danny Moi



*Han i sot* • Olpela Kumul senta na winga, Mea Morea i popala liklik long holim dispela Mendi Muruks pilaia husat i ran olsem smok balus stret.

**"Ol sapota na Ainui daunim sans bilong Mendi," Meles**

**BARBARA TOMI i raitim**

TIM menesa bilong Mendi Muruks, Andrew Meles i tok ol sapota na referi Graham Ainui i bagarapim sans bilong ol long winim Mosbi Vipers. Olpela sempion, Vipers i bin go pas long Muruks 22-16 taim pilai i stap. Dispela em long klostu long las wisil, taim sampela sapota i tromoi ston na paitim het bilong referi Ainui. Meles i tok ol pilaia bilong em i no amamas long wanpela trai bilong Aquila Emil, bihain long 'nok on'. Muruks i bin go pas long skoa 16-12 long dispela taim, taim Emil i skoa. Meles i tok i no ol pilaia tasol i bel kaskas long dispela. Em i tok ol sapota tu i bel kaskas na tromoi ston i go paitim Ainui. Em i tok sapos ol sapota i tingim tim na stap isi, Muruks inap skoarim sampela moa poin long ol las minit bilong pilai. "Mipela rispektim Ainui olsem wanpela referi. Em i tru olsem mipela i no amamas long sampela asua em i mekim, mipela i sori long birua em i kisim," Meles i tok. Meles i tok lukluk long stail bilong pilai ol Vipers pilaia i soim, Muruks i ken pait gen na skoa moa. Tasol Meles i amamas long we tim bilong em i pilai.

**Nupela Kumul menesa no amamas long seleksen**

MENESA bilong PNG Kumul tim na Presiden bilong Hagen Winfield Lig, Andrew Teri i no amamas long seleksen bilong PNG Kumul. Teri i tok Inta Siti resis i bilong makim ol pilaia bilong Kumul. Tasol ol seleksen komiti i no bihainim gutpela rot na lukluk long Inta Siti resis long makim ol pilaia. Teri i tok ol selekta i mas lukluk long wanem senta i pilai gutpela na strongpela gem olgeta taim. Na ol i noken lukluk long gem bilong bipo na makim ol pilaia. Teri i tok Hagen mas i

gat planti pilaia i stap long PNG Kumul skwat. Hagen i gat planti ol gutpela pilaia olsem senta Chris Itam, Joe Para, Gabriel Pepna na Max Tiri. Tasol ol selekta i abrusim ol na makim ol arapela pilaia. "Bilong wanem na ol selekta i makim ol pilaia husat i no inap pilai strongpela gem insait long ful 80 minit. Sapos ol pilaia i no pilai strongpela gem, bilong wanem bai ol i save olsem ol dispela pilaia bai pilai strongpela gem na winim ol arapela kantri. "Nau yet ol selekta i abrusim planti pilaia bilong Hagen Eagles na makim Michael

Angra wanpela long nupela tim bilong PNG Kumul. Long dispela as planti eksekutiv bilong mipela i no amamas," Teri i tok. Em i tok Hagen Eagles em i wanpela gutpela Inta Siti tim bilong dispela yia. Na olgeta pilaia i gat strong na stail long pilai strongpela na stail futbol inap gem i pinis. Tasol ol selekta i pasim ai na makim ol pilaia long Lae na Mosbi long nupela tim bilong PNG Kumul. Bikos ol i no lukluk long gem bilong wanwan pilaia. Tasol ol i lukluk long ol senta

long makim ol pilaia. Long dispela as na planti pilaia bilong Kumul i kam long Lae na Mosbi. Nau yet Hagen Eagles tim Menesa John Kagl i gat bikpela bilip olsem ol boi bilong em bai winim Mosbi Vipers long gren final long dispela Sande Jun 14, 1992. "Mipela bai soim Mosbi Vipers olsem Hagen Eagles i gat planti Kumul pilaia tasol ol selekta i pasim ai long makim ol." Teri i tok em i gat belhevi long liklik long ol selekta long abrusim rot bilong as bilong Inta Siti resis na makim ol pilaia long laik.



# Winfield League Results

### PORT MORESBY

WESTS	19
AIR NIUGINI	18
DEFENCE	16
BROTHERS	14
ROYALS	13
SOUTHS	13
TARANGAU	13
HAWKS	12
MAGANI	11
KONE TIGERS	8
PAGA	5
DCA	4
WALIYA	4
SEAGULLS	4

### MENDI

BULLDOGS	10
TARANGAU	10
MAGANI	6
BROTHERS	4
SOUTHS	4
ROYALS	4

### KUNDIAWA

TARANGAU	11
TIGERS	10
PANTHERS	7
BROTHERS	5
HAWKS	5
ROYALS	0

### KAINANTU

HAWKS	6
TARANGAU	4
BROTHERS	2
ROYALS	2
MAGANI	2
TIGERS	2

### WAGHI

ROYALS	16
WESTS	16
BROTHERS	16
TIGERS	14
MAGANI	10
TARANGAU	10
HAWKS	6
JIMI VALLEY	4

### GOROKA

ROYALS	15
TARANGAU	15
COUNTRY	11
UNITED	9
HAWKS	9
PANTHERS	6
BROTHERS	4
TIGERS	3

### LAE

TARANGAU	12
BROTHERS	8
SPIDERS	8
ROYALS	8
DEFENCE	5
MAGANI	4
PANTHERS	3
TIGERS	0

### MT HAGEN

TARANGAU	14
HAWKS	12
PANTHERS	11
COUNTRY	10
JETS	10
BROTHERS	8
TIGERS	8
EASTS	4
ROYALS	3

### RABAUL

ROYALS	14
SEAGULLS	12
MURUKS	12
CRUSADERS	12
BROTHERS	10
NORTH RAIDERS	8
BALANATAMAN	8
PANTHERS	4
TARANGAU	4

### MADANG

DIWAI	8
HAWKS	8
ROYALS	6
BROTHERS	6
PANTHERS	6
TIGERS	4

### PORT MORESBY WINFIELD LEAGUE

#### A GRADE CHAMPIONSHIP TABLE

Team	P	W	D	L	GF	GA	PTS	%
West	10	8	1	1	249	155	17	161
Air Niugini	10	8	0	2	218	139	16	157
Defence	10	7	0	3	244	182	14	134
Brothers	10	7	0	3	223	180	14	124
Royals	10	6	1	3	256	193	13	133
Souths	10	5	1	4	214	189	11	113
Tarangau	10	5	1	4	208	234	11	89
Magani	10	4	1	5	194	210	9	92
Kone	10	3	0	7	209	233	6	90
Paga	10	2	1	7	183	212	5	86
DCA	10	2	0	8	194	249	4	67
Waliya	10	1	2	7	168	249	4	67
Seagulls	10	2	0	8	139	251	4	55

### PORT MORESBY RUGBY FOOTBALL LEAGUE

Draws: Round 12  
Friday: Date: June 12

Ground	Time	Grade	Team	Team
L.R.O	5 pm	U/21	Brothers v	Waliya
L.R.O	6.15pm	Res	Brothers v	Waliya
L.R.O	7.45pm	A	Brothers v	Waliya

### PORT MORESBY RUGBY FOOTBALL LEAGUE

Draws: Round 12  
Saturday: June 13

Ground	Time	Grade	Team	Team
L.R.O	9.30am	Res	West v	Kone
L.R.O	11.00am	Res	ANG v	Hawks
L.R.O	12.30pm	Res	Defence v	Royals
L.R.O	2.00pm	A Gr	Souths v	Seagulls
L.R.O	3.30pm	A Gr	Tarangau v	Paga

### PORT MORESBY RUGBY FOOTBALL LEAGUE

Draws: Round 12  
Saturday: June 13

Ground	Time	Grade	Team	Team
L.R.O	8.30am	U13	St Josephs v	St. Peters
L.R.O	9.00am	A Gr	DCA vs	Magani
L.R.O	10.30am	A Gr	West v	Kone
L.R.O	12.00pm	A Gr	ANG vs	Hawks
L.R.O	1.30pm	A Gr	Defence vs	Royals
L.R.O	3.00pm	U11	Gordons vs	E/Beach
L.R.O	3.30pm	1C	Mt Hagen vs	POM

### PORT MORESBY RUGBY FOOTBALL LEAGUE

Draws: Round 12  
Saturday: June 13

Team	P	W	D	L	GF	GA	PTS	%
West	11	9	1	1	208	125	17	166
Defence	11	8	1	2	203	134	17	151
West	11	8	0	3	239	124	16	193
Kone	11	7	1	3	276	231	15	107
Royals	11	6	2	3	200	183	14	106
Tarangau	11	6	1	4	207	193	13	119
Brothers	11	5	2	4	230	210	12	111
Souths	11	5	1	5	200	186	11	108
Magani	11	4	2	5	181	163	10	111
Hawks	11	4	0	7	232	240	8	97
Waliya	11	3	2	6	173	222	8	78
DCA	11	3	0	8	221	309	6	72
Paga	11	2	1	8	126	197	5	64
Seagulls	11	2	1	8	150	323	2	46

### PORT MORESBY RUGBY FOOTBALL LEAGUE

Draws: Round 12  
Saturday: June 13

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### PORT MORESBY RUGBY FOOTBALL LEAGUE

Draws: Round 12  
Saturday: June 13

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### "A" GRADE LADDER

TEAM	P	W	L	D	F	A	PTS
Bulldogs	5	4	1	-	123	60	8
Tarangau	5	4	1	-	88	34	8
Magani	5	2	3	-	68	56	4
Royals	5	2	3	-	59	48	4
Souths	5	2	3	-	53	44	4
Brothers	5	1	4	-	34	32	2

### MENDI WINFIELD LEAGUE

#### U/19 Points Table 1992

Team	P	W	D	L	GF	GA	PTS	%
Souths	11	9	0	2	129	74	18	174
West	11	8	1	2	129	86	17	150
Royals	11	8	0	3	131	78	16	168
Kone	11	6	2	3	112	72	14	156
Hawks	11	6	1	4	103	72	13	143
Defence	11	6	1	4	116	98	13	118
Paga	11	5	1	5	93	88	11	106
Seagulls	11	5	0	6	67	111	10	60
Magani	11	5	0	6	67	111	10	60
Waliya	11	4	1	6	82	84	9	98
Air Niugini	11	4	0	7	107	90	8	119
Brothers	11	2	1	8	71	131	5	54
DCA	11	1	2	8	70	168	4	42
Tarangau	11	1	1	9	60	120	3	50

### MENDI WINFIELD LEAGUE

#### U/17 Points Table 1992

Team	P	W	D	L	GF	GA	PTS	%
West	11	9	1	1	105	61	19	172
Hawks	11	8	1	2	172	56	17	307
Brothers	11	6	1	4	113	88	13	28
Kone	11	6	0	5	110	81	12	136
Defence	11	5	2	4	122	96	12	127
Souths	11	5	2	4	89	84	12	106
Seagulls	11	5	2	4	78	114	12	68
Air Niugini	11	4	2	5	65	53	10	123
Waliya	11	4	2	5	81	99	10	82
DCA	11	4	1	6	98	183	9	54
Magani	11	4	0	7	50	77	8	65
Paga	11	3	1	7	79	101	7	78
Royals	11	3	1	7	54	85	7	64
Tarangau	11	2	2	7	63	101	6	62

### MENDI WINFIELD LEAGUE

#### U/21 Points Table 1992

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### U/17 Points Table 1992

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### U/17 Points Table 1992

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### U/17 Points Table 1992

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### U/17 Points Table 1992

Team	P	W	D	L	GF	GA	PTS	%
West	11	9	1	1	245	100	19	245
Waliya	11	8	2	1	197	88	18	224
Defence	11	8	1	2	180	83	17	217

### MENDI WINFIELD LEAGUE

#### "A" GRADE LADDER

TEAM	P	W	L	D	F	A	PTS
Bulldogs	5	4	1	-	123	60	8
Tarangau	5	4	1	-	88	34	8
Magani	5	2	3	-	68	56	4
Royals	5	2	3	-	59	48	4
Souths	5	2	3	-	53	44	4
Brothers	5	1	4	-	34	32	2

### MENDI WINFIELD LEAGUE

#### U/19 Points Table 1992

Team	P	W	D	L	GF	GA	PTS	%
Souths	11	9	0	2	129	74	18	174
West	11	8	1	2	129	86	17	150
Royals	11	8	0	3	131	78	16	168
Kone	11	6	2	3	112	72	14	156
Hawks	11	6	1	4	103	72	13	143
Defence	11	6	1	4	116	98	13	118
Paga	11	5	1	5	93	88	11	106
Seagulls	11	5	0	6	67	111	10	60
Magani	11	5	0	6	67	111	10	60
Waliya	11	4	1	6	82	84	9	98

# Mendi Bulldogs kisim sponsa long namba wan taim "Billip long yu yet," Wagambie

BULLDOGS Ragbi Lig Klap bilong Mendi Winfield Lig i painim pinis tripela kampani long sponsaim em.

Ol dispela tripela sponsa em Boroko Motors, Sulivans Wholesale na Bisahop Brothers Hagen.

Bulldogs i winim tru ol arapela klap long kisim tripela kampani long sponsaim em long wanpela yia tasol. Na tu em i namba wan taim bilong klap long kisim sponsa o sapot i kam long wanpela praivet kampani.

Ol kampani i givim dispela bikpela sapot wantaim bikpela helpim bilong klap opisal Charles Kengi na A gret kosa Chris Bafan.

Bulldogs i bin pilai aninit long olpela nem, Wakwak ragbi lig klap. Nau em i gat planti yangpela pilai husat i nogat wok na save stap nating long Mendi.

Long bipo, ol opisal i no lukautim gut klap. Olsem na klap i painim hat long kisim sponsa.

Long stat bilong dispela yia, sampela opisal i bung wantaim na kisim ol yangpela pilai yet i go insait long wok bilong ranim klap, na traim long kisim sponsa.

Tupela bilong ol dispela yangpela man em Simon Ofu, husat i wok olsem presiden na Charles Kengi olsem seketeri na tresera.

Wantaim helpim bilong wanpela waitman, Chris Batan, na interim eksekutiv i kisim sponsasip. Batan i bin stat wok wantaim klap long dispela yia long pri sisen, na bihain ol i makim em olsem A gret kosa.

Batan i bringim planti save i kam long klap. Bikos em i gat inap save long wok bilong ragbi lig long Australia, bipo em i kam long Papua Niugini.

Ofu i tok: "Kam insait bilong Batan i min olsem planti gutpela samting bai i kam long klap, ol pilai na sapota."

## BARBARA TOMI i raltim

### PAPUA NIUGINI

Kumul i soim pinis olsem sapos wanpela man i bilip long em yet, nogat wanpela samting bai stapim em long mekim wanem samting em i laik.

Ol lig sapota long kantri i no amamas long gutpela pilai bilong Kumul tim long las yia, na ol yia bipo. Tasol gutpela pilai

bilong Kumul egens Gret Briten Lions long tupela wik i go pinis i winim lewa bilong planti lig sapota pinis.

Kumul i lus long liklik skoa tasol, 20-14. Na dispela i givim gutpela bilip, na tu bringim bek sapot i kam long planti manmeri na pikinini.

Ripot i tok wanpela nambawan tim stret i lusim nambis bilong Gret Briten na kam. Na Kumul i pretim stret ol dispela Lions pilai. Ol nesenel pilai i bihainim gut plen na pilai.

Bikpela samting em olgeta manmeri na pikinini bilong kantri i bung wantaim na sapot.

Long namba wan taim stret, ol i lukim ol Kumul pilai i pilai gut tru. Kumul i lukautim pilai long planti taim. Planti sapota i amamas long pilai bilong Kumul. Tasol sampela i tok i gat sampela asua liklik we ol pilai i ken stretim.

Dispela Tes gem i putim lait long stail na save bilong wanwan pilai. Tasol ol pilai i no pilai gut tumas. Bikos ol i nogat ol gutpela samting bilong trening olsem ol Lions pilai.

Sapos wanpela man i lukluk gut long dispela, pilai bilong Kumul i soim olsem ol gutpela samting bai i kam long bihain taim.

Man husat i stap bihain long olgeta dispela samting, kosa John Wagambie i tok ol pilai i save nau olsem ol i ken win sapos ol i bilip long ol yet, na dispela em i gutpela sain.

Gutpela piksa em winga Joshua Kouoru.

Kouoru i toktok long redio long Fraide apinun long Redio Kalang Spot progrem. Em i tokim olgeta manmeri na pikinini bilong Papua Niugini olsem em bai stapim nambawan smok balus

winga bilong Lions husat i ken skoarim planti trai long wanpela gem, Martin Offiah long Sande. Em i bihainim toktok bilong em, bilip long em yet na go insait long fil na mekim wok bilong em.

Pasin bilong bilip long yu yet em wanpela samting Wagambie bilip ol pilai i mas lainim.

Wagambie i toktok long Kalang Tokbek So bihain long gem olsem olgeta taim ol pilai mas tingting olsem nogat samting i stapim ol, na i mas redi long pilai ful 80 minit futbal.

"Mipela i no inap long larim banis bilong mipela i go daun, maski sapos birua tim i pilai gut tru."

"Taim yu bungim moa salens, ol pilai i mas pilai strong long lukautim plen bilong ol."

Nau yet Wagambie i gat 24 pilai bilong trenim na redi long go pilai long Nu Silan na Australia long wanpela wik taim.

Antap long dispela tim, Wagambie i kisim Nere Launa bilong Kundiawa. Em bai trenim Launa long pilai long mak bilong intansenel level. Em i kisim Launa long kisim moa bikpela fowat long prop posisen. Em bai stadi gut long Ben Bire na Kera Ngaffin na James Naipao bilong Mosbi Tarangau.

Wagambie i nogat save long wanem samting Launa bai mekim. Tasol em i redi long trening dispela pilai i kamap moa gutpela long strongim Kumul tim.

Insait long tim i gat 20 pilai husat i bin pilai raun wantaim tim i go long Not Kwinslen olsem Presiden XIII tim. Ol arapela pilai i bin pilai long inta siti resis, na tu i bin stap insait long namba tu Kumul elite trening kem.

## Tok amamas i go long Kumul kosa

Dia Edlita,

Mi wanpela man i save laikim tru long lukim PNG Kumul tim i pilai wantaim ol arapela kantri.

Mi save wari tru taim ol i lus. Tasol long Sande 31, Me, mi bin amamas tru long gutpela pilai bilong ol.

Ol i bin soim gutpela pilai taim ol i pilai egens Gret Briten Lions.


Mi save ol Kumul pilai i lusim dispela gem. Tasol mi i amamas tru bikos ol i bin soim wan-

pela gutpela pilai stret. Na mi save olsem planti man bai sapotim dispela toktok bilong mi.

Bikpela tok amamas bilong mi i go long kosa John Wagambie. Em i mekim bikpela wok stret long stiam pilai bilong ol pilai.

Sapos yumi olgeta pipel i helpim ol pilai bilong yumi, ating yumi inap kirapim kamap das long arapela ol kantri.

W. Ken Vanimo



PNGA

# Winfield League



# Kimbe redi long trails

## SAM YAKAM I raitim

KIMBE Ragbi Lig i bin stretim ol bikpela hevi. Tasol ol arapela liklik hevi insait long wanwan klap em ol eksekutyutiv bai bungim het wantaim long stretim bipo fainal bilong dispela yia i kamap.

Presiden Igon Vava i tok long dispela as na Kimbe Ragbi Lig i statim resis let wantaim tripela gret, anda 17, risev na A gret. Em i tokim *Ragbi Lig Nius* olsem tripela yia olgeta stended bilong ragbi lig long Kimbe i no gutpela.

Tasol mi gat bikpela bilip olsem ragbi lig long Kimbe bai ran gut. Na ol pilaia bai lukluk long bringim stended bilong gem i goap. Na tu ol bai traim long stretim ol arapela liklik hevi i stap yet long wanwan klap, na menesmen bilong Kimbe Ragbi Lig long dispela yia," Vava i tok.

Nau yet Kimbe Ragbi Lig i makim pinis 25 pilaia bilong makim Kimbe. Na pilai egensim ol arapela Ailan Son senta long Rabaul long makim Ailan

Son skwat.

Hia em nem bilong ol dispela pilaia; Steven Baki, Joe Watnabar, Jacob Rova, Gladwin I, Glen Kepas, Darius Haili, Francis Pal, Alois Nuli, Julius Tade, Joe Tonar, John Kawage, James Maninga, Matthias Ubam, Mark Leborg, Nelson Lawat, Joe Baki, Paul Patore, Kevin Buku, John Gware, Kasiu Palibutu, Bonley Tiun, Kevin Gala, Camilius Malaga, Sylvester Polongau na Paul Valuka.

Nau yet ol dispela pilaia i trening. Na bihain long trening bai ol selekta makim 20 pilaia olgeta insait long dispela 25 pilaia long makim Kimbe.

Kosa bilong dispela tim em Maniot Epelis, trena em Willie Moap na tim menesa em Chabie Colin.

Tripela senta olgeta, Kimbe, Kavieng na Rabaul i tokorait pinis long salim wanwan tim long ailan son trial long Rabaul. Tasol Manus na Not Solomon provins i no mekim wanpela nais long salim wanpela tim long son trial bilong dispela yia.

Olgeta tim bai kamap long Fraide Jun 19 na pilai bai stat long Sarere Jun 20 na pinis long Sande 21, 1992.

## Kumul senta "Richie" nogat rot • Kumul na Mosbi

Vipers senta, Richard "Richie" Wagambie i givim sisti wantaim bal tasol birua bilong Mendi Muruks i putim han pinis long bal na i laik takelim em. Vipers i bin go pas long skoa 22-16 klostu long pinis bilong pilai, na ol sapota long sait lain i tromoi ston na i paitim referi Graham Ainui long het. Olsem na ol opisal i stapim gem. Tasol ol opisal i makim olsem Vipers i winim dispela gem, na bai bungim Hagen Eagles long gren fainal long dispela Sande. Gren faibal bai kamap long Mosbi yet.

## Mendi redi long daunim Goroka long Hailans Son sempionsip

MENDI Muruks tim bilong Hailans Son resis i redi nau long winim Goroka long Hailans Son sempionsip, em bai i kamap long Hagen long dispela wiken.

Bihain long longpela Kwins Betde wiken, tim i stat trening gen aninit long strongpela lukaut bilong kosa Mark Yangen na trena Barry Ropa.

Sempionsip i bin stat long 5-pela wik i go pinis i kam inap nau, na 7-pela Hailans senta olgeta i pilai. Ol las gem bai i kamap long dispela wiken.

Mendi i bin winim dispela taitel long las yia. Dispela wiken, em bai mekim olgeta samting em i ken long winim Goroka na Hagen long winim gen dispela taitel.

Mendi i winim tupela gem pinis

egens Banz na Wapenamanda, na lusim tupela egens Wabeg na Kundiawa.

Mendi i sindaun long namba tu ples long poin lata bihain long Kundiawa na Wabeg.

Mendi bai bungim Goroka na Hagen aninit long lukaut bilong kepten Moxie Yore long faiv eit posisen. Em bai lukautim pilai na stiam ol yangpela tasol, smok balus beklain pilaia olsem Alois Mindipi, Moses Naprundu, Joel Warea, Konz Nurum, Philip Yosi na Patrick Mini.

Long fowat lain, Takon Pond bai go pas long ol arapela wan pilaia olsem Kevin Kapip, Erick Joe, Ari Inatia, Thomas Baro, Johnson Mapi na Henry Paiya.

## Ileksen bai bagarapim Kiunga lig

1992 ILEKSEN bai bagarapim ol pilai bilong Kiunga lig long narapela tupela wik. Narapela hevi em tu planti pilaia i kisim bagarap.

Wok bilong ileksen bai kisim tupela nem opisal bilong lig, Leana Moore na referi Clement Premkit. Tupela wantaim i save wok olsem plisman, na bai wok long lukautim ol wokman bilong kisim vot long ol pipel.

Royals bai lusim planti pilaia bilong em. Bikos planti pilaia long tim em ol plisman. Na ol bai wok tu long lukautim ol wokman bilong kisim vot.

Sampela klap bai lusim sampela pilaia tu. Long wanem ol dispela pilaia i wok wantaim sampela tim bilong kisim vot.

Na tu resis i bungim moa salens nau na planti pilaia i kisim bagarap. Brothers em wanpela tim we planti fowat pilaia i bagarap. Nem bilong ol dispela pilaia em prop Sipak Siwi, seken rowa John Yoba, lok Paul Muld, na prop Robinson Vanoh i kisim sik malaria.

Tripela pilaia bilong Magani tu i kisim bagarap.

## Lig resis stat pinis long Buka ailan

### WILLIAM KOTSON i raitim

BUKA Ragbi Lig long Not Solomon provins i statim sisen propa resis bilong em long mun Mas bilong dispela yia.

Ol resis i save kamap long 4-pela gret, na i gat 6-pela klap olgeta. Nem bilong ol dispela klap em Newtown, Halia Lions, Peit Brothers, Haku Hawks, Hago Rebels na Warriors.

Buka lig i gat planti gutpela pilaia husat i soim pinis gutpela stail bilong pilai. Planti bilong ol dispela pilaia i bin pilai wantaim Bogenvil lig long bipo.

Nau yet Buka i redi long salim wanpela 20 pilaia tim long Niugini Ailan Son trails, em bai i kamap long Rabaul long pinis bilong dispela mun. Tim bai i go long Rabaul aninit long lukaut bilong tripela opisal.

Long dispela bikpela resis, ol opisal bilong Noten Son trails bai makim wanpela strongpela tim. Dispela tim bai karim nem bilong Ailan Son long Nesanel Son trails resis.

Buka lig i lukluk long kirapim strong resis bilong em long neks yia. Na nau yet em i salim tok lukaut i go pinis long Rabaul na Kimbe na lukaut gut, taim ol i bung long Rabaul.



• Ol pilaia bilong Newtown A gret tim. Planti pilaia bilong dispela tim wantaim kosa i bin pilai wantaim Dolphin long Bogenvil. Poto; William Kotson.



• Narapela strongpela tim bilong Buka Ragbi Lig. Ol i stat nau tasol na i luk olsem neks yia ol bai pilai strong moa.




**Ol ragbi stail bilong las wiken long poto**

*Ol poto: Ivan Bouagau*



• Kumul fulbek, Philip Boge ran i go insait long takel bilong Mendi Muruks hap bek, Wera Sengiso long prilliminari fainal bilong 1992 SP Inta Siti Kap resis. Prilliminari fainal i bin kamap long Lloyd Robson oval long las Sande. Mosbi Vipers i bin go pas long skoa 22-16 klostu long pinis bilong pilai, taim sampela sapota i tromoi ston i go insait long fil na paitim referi Graham Ainui. Mekim na pilai i stap. Tasol ol opisal i makim pinis Mosbi Vipers long bungim Hagen Eagles long gren fainal dispela Sande.

• Dispela em stail bilong Mosbi Winfield Lig resis long las Sande namel long tupela A gret tim, Magani na Brothers. Klostu long raun wan i pinis na 8-pela tim tasol bai go insait long namba tu raun. Olsem na kain stail olsem bai kamap. Winga bilong Magani i laik givim wanpela strongpela takel stret long bikpela fowat bilong Brothers. Ating long kain stail olsem na Magani i autim Brothers 28-12.



• Taim bilong ol bikpela fowat yet long bung. Pala i save kirap long kain we olsem ya. Bikpela fowat bilong Mosbi Vipers, James Naipao i autim bal pinis na pamim lapun bilong Mendi Muruks, Kore Seeto. Seeto em olupela nem Mendi na Hailans Son pilala. Em i bin pilaim strongpela gem stret long las wiken.

• Huka bilong Mosbi Vipers tim, Ronald ToVue i wel wantaim long graun na traim strong long pulim Wera Sengosi bilong Mendi Muruks long go daun long graun. Ol boi Mendi i givim strongpela salens stret long tupela taim sempion. ToVue i no pilaim gutpela gem tumas na Danny Moi bilong Wes i kisim ples bilong em.

# Winfield League '92



# SIPAKI MAIK

TARANGU, EM YET I BEL-AUT NA  
KAIKAI TIT WANTAM I GO LONG PLES...

TASOL EM KIRAP NOGAT LONG LUKIM  
PLANTI MANMARI I BUNG LONG LIKLIK  
PLES BILONG EM...


NAU WANPELA I WOKABAUT I GO  
LONG EM NA SEKHAU WANTAM  
EM...



MAN, MAIK I AMAMAS TRU... EM  
NOGAT TOKTOK... EM KIRAP NA  
HOLIM PASIM KAFE, YAH...

NAU EM TOKIM OL PIPEL BILONG EM  
LONG PLES LONG KILIM SIKSPELA PIK  
LONG AMAMASIM OL PIPEL BILONG  
NARAPELA PLES...

LONG NAIT OL I MEKIM BIKPELA  
PATI STRET...





## PERSONAL LOANS

Husat i halivim yu long kisim ol samting yu laikim tru?


Sapos yu laikim nupela ka o ol samting bilong haus, PNGBC ken givim yu dinau long baini ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC Bai mipela halivim yu long kisim ol samting yu laikim emi tru!

PAPUA NEW GUINEA BANKING CORPORATION



# REBO

"IGO INSAIT LONG WARA NA INO KAM AUTSAIT YET... OL BOIS I WARI NAU..."



HEY BOIS! JEFF INO KAM AUT YET LONG WARA!

KWIK! NOGUT EM DRAUN!

KAMON, YUMI GO PAINIM EM!

NAU OLGETA DAI IGO INSAIT NA PAINIM JEFF...



TASOL JEFF SWIM IGO NA HAIT ARERE LONG WARA... REBO LUKIM EM PINIS NA EM SAVE...



HA-HA-HA! JEFF I GIAMANIM OL YA! TARANGU OL BOIS HATWOK LONG PAINIM EM!

HA-HA-HA! BAI MI HAIT HIA NA LUK-LUK LONG OL!

EM SINGAIT IGO LONG OL BOIS LONG PAINIM EM KWIK...



PAINIM EM!

!?!

ANANIT LONG WARA, TONI SWIM IGO NA LUKIM JEFF I HAIT I STAP...



HEY?! EM JEFF TASOL! EM GIAMANIM MIPELA YA!


NAU EM TINGIM WANPELA AIDIA...




NAU EM TAIM BILONG MIPELA... BAI YU PILIM!!

## OL SAVE MAN BILONG BISNIS YUSIM OL!


**Lister**




LT1 5 K.V.A.  
 ● TOTALLY PORTABLE ENERGY SOURCE  
 ● IDEAL UNIT FOR VILLAGE LOCATIONS



TS2 8.5 K.V.A.  
 ● 3 PHASE OR SINGLE PHASE POWER  
 ● COMPACT AND EFFICIENT



HR3 26.25 K.V.A.  
 ● IDEAL COMMERCIAL BACKUP SYSTEM




CS6 58 K.V.A.  
 ● INDUSTRIAL CAPACITY  
 ● WILL HANDLE MAXIMUM DEMAND FOR POWER ANYTIME

**Brian Bell Stores**

● BOROKO — 25 5411  
 ● LAE — 42 1433  
 ● GOROKA — 72 1098

● MT. HAGEN — 52 1999  
 ● RABAUL — 92 1966



# TELEUISEN na MUSIK



## PNG TOP 20

AS AT 30/05/92

NUMBER	SONG	ARTIST
1 (1)	Nurou Ke Iau	Telex
2 (2)	Susan Lewa	Misfits
3 (7)	Awara Mei	Pongoros
4 (3)	Seng Guge Fo	Rex Band
5 (6)	Sup Wantok	Chris Kuskus
6 (5)	Meri Waskuk	Sagothorns
7 (4)	Tutu Areng	Henry Kuskus
8 (13)	Peaceful Harbour	Cornerstones
9 (12)	My Island B'Ville	Crisis Survivors
10 (9)	Kas Bilong Mi	Itambu
11 (10)	Pore Vavine	Helgas
12 (18)	You Are The King	Voice In The Wind
13 (15)	Lord I'm coming	Kelly Walter
14 (16)	Bada Bada	Higher Vision
15 (14)	Kerema	Hollie Maea
16 (19)	Jesus I No. 1	Basics
17 (20)	Missing You	Voice In The Wind
18 (0)	Jesus Bai Kam	Max Manimbi
19 (0)	Ia Hilda	JR Kopex
20 (0)	Kai Kai Da Buai	ClockWork Orange

• Compiled by Kalang Radio.  
 • The programme is heard on Kalang Radio at 10am every Saturday.

## Voice In The Wind autim namba tu kaset

FRANCIS ULIAU i raitim

STAIL bilong wanpela gospel musik grup nau i senis gen. Na dispela i kamap ples klia long namba tu kaset bilong ol.

Dispela em ol lain bilong *Voice In The Wind* grup bilong Popondetta long Oro provins.

Namba tu kaset bilong ol i kamap aninit long het tok *Jasigari Arise & Rejoice PNG*.

Ol 5-pela memba bilong *Voice In The Wind* i wokim dispela kaset wantaim ol tingting bilong wanem hevi na samting em Papua Niugini i painim tude. Dispela em long ol kain kain hevi, trabel na birua nau i kamap long kantri bilong yumi.

Long dispela kaset em ol i katim wantaim Kalang studio long Mosbi, *Voice In The Wind* i singim 12-pela singsing. Sikspela i stap long wanpela sait na 6-pela long nara-pela sait. Ol singsing bilong ol i stap long tok ples Popondetta, Tok Pisin na tok inglis.

Tasol senis long stail i no min olsem musik bilong ol tu i senis. Nogat.

Long namba tu kaset bilong ol, *Voice In The Wind* i yusim moa musik na pairap bilong en i nais moa. Tasol kain stail bilong namba wan kaset i stap yet.

Wanpela singsing we planti man na meri bai laikim long dispela kaset em *Jasigari*. Dis-

pela singsing i bilong Afrika. Na wanem samting ol boi bilong *Voice In The Wind* i mekim em long tanim liklik ol toktok insait long dispela singsing na putim nem "PNG" i go insait.

Wantaim gutpela bekap nek bilong ol ben memba, *Voice In The Wind* i singim gut tru dispela singsing.


Ol i kisim singsing *Jasigari* bikos em tu i singsing bilong taim nogut na taim bilong hevi na trabel. Long Afrika, i save gat planti kain singsing olsem bikos ol pipel long hap i save stap wantaim hevi, trabel na birua oltaim.

Long Papua Niugini, mipela i amamas bikos i no gat planti trabel na birua tumas. Wanem samting mipela i gat em ol hevi tasol.

Dispela ol kaset i stap nau long ol stua nabaut we i save salim ol Kalang kaset.

### Nupela Pasifik Gol studio i op

Nupela opis bilong Pasifik Gol studio long



• Namba tu kaset bilong ol boi Popondetta, *Voice In The Wind* aninit long het tok, *Arise & Rejoice PNG*. Ol singsing long dispela kaset i sut long ol kain hevi em kantri i bungim nau.

Mosbi bai op nau long apinun. Na wanpela bung bai kamap bilong makim dispela na givim sans long ol man na meri long lukim nupela studio.

Ol ripot i tok dispela nupela studio i gat 56 trek sistem long en na i save wok long kompyuta. Em i bikpela na i gutpela moa. Insait

bilong studio na ples bilong ol ben i pilai na katim singsing tu i gutpela moa.

Nupela studio na opis bilong Pasifik Gol studio i stap long Varahe Rot long Godens. Na em i namba tu studio bilong Pasifik Gol. Namba wan i stap long Rabaul long Is Nu Briten provins.

Long makim dispela bikpela de bilong Pasifik Gol studio, sampela musikman na ol ben tu bai pilai. Ol lain boi bilong Australia lektrik ben, *Beatlesmania* tu bai pilai long dispela taim. Ol arapela lain husat bai pilai em *Barike* ben bilong Rabaul, John Warbat na *Clockwork Orange*.

## AMERIKA TOP 10

**NU YORK:** Billboard megesin i makim ol dispela singsing long Amerika top 10 long Pop Singles. (Ples bilong ol long las wik i stap long karamap).

### POP SINGLES

- (1) *Jump* - Kris Kross.
- (2) *My Lovin'* - En Vogue.
- (6) *Under the Bridge* - Red Hot Chili Peppers.
- (5) *Live and Learn* - Joe Public.
- (3) *Bohemian Rhapsody* - Queen.
- (7) *Tears in Heaven* - Eric Clapton.
- (4) *Save the Best for Last* - Vanessa Williams
- (8) *Ain't 2 Proud 2 Beg* - TLC.
- (9) *Everything About You* - Ugly Kid Joe.
- (12) *In the Closet* - Michael Jackson.



*Helgas meknais long Mosbi So...Ol tripela ya i no pilai taim ol lain bilong Helgas i singsing long 1992 Mosbi So. Planti man, meri na pikinini tru i bin bung bilong lukim dispela ol lain i pilai. I no long wanem, long nek bilong Helgas tasol. Foto: Francis Uliau.*



THURSDAY 4TH JUNE, 1992		
5.00 TEST PATTERN AND MUSIC		
6.27 STATION OPEN		
6.30 ITN NEWS (G)		
7.00 TODAY SHOW (G)		
8.58 EMTV TOK SAVE (G)		
9.00 STATION CLOSE		
1.10 STATION RE-OPEN		
1.13 EMTV TOK SAVE (G)		
1.15 MIDDAY SHOW WITH RAY MARTIN (G)		
2.30 SESAME STREET (G)		
3.30 KIDS KONA		
4.00 MAGILLA GORILLA		
4.30 TEENAGE MUTANT NINJA TURTLES (G)		
5.00 GET SMART (G)		
5.27 EMTV TOK SAVE (G)		
5.29 EMTV NEWS BREAK (G)		
5.30 HOME AND AWAY (G)		
6.00 NATIONAL EMTV NEWS		
6.30 A CURRENT AFFAIR (G)		
7.00 SALE OF THE CENTURY (G)		
7.25 CHIN H MEEN SUPER-SOUND NEW RELEASE		
7.30 NEIGHBOURS (G)		
8.00 THE COSBY SHOW (G)		
8.27 RUGBY UNION ROUND UP (G)		
8.30 ALL TOGETHER NOW (G)		
9.00 THE GOLDEN GIRLS		
9.30 MARRIED WITH CHILDREN (PGR)		
10.00 BURKE'S BACKYARD		
11.00 HAWAII 5-0 (G)		
12.00 NATIONAL EMTV NEWS		
12.27 MEDITATION WITH PASTOR WALO		
12.30 STATION CLOSE		
FRIDAY 5TH JUNE 1992		
6.00 TEST PATTERN AND MUSIC (G)		
6.27 STATION OPEN		
6.30 ITN NEWS (G)		
8.00 TODAY SHOW (G)		
8.58 EMTV TOK SAVE		
9.00 STATION CLOSE		
12.13 STATION RE-OPEN		
12.15 ENVIRONMENT DAY SPECIAL		
1.13 EMTV TOK SAVE		
1.15 MIDDAY SHOW WITH RAY MARTIN (G)		
2.30 SESAME STREET		
3.30 KIDS KONA		
4.00 MAGILLA GORILLA		
4.30 TEENAGE MUTANT NINJA TURTLES (G)		
5.00 GET SMART (G)		
5.27 EMTV TOK SAVE (G)		
5.29 EMTV NEWS BREAK (G)		
5.30 HOME AND AWAY (G)		
6.00 NATIONAL EMTV NEWS		
6.30 A CURRENT AFFAIR (G)		
7.00 SALE OF THE CENTURY (G)		
7.30 NEIGHBOURS (G)		
7.52 EMTV TOK SAVE (G)		
8.00 HEY DAD (G)		
8.30 FRIDAY NIGHT FOOTBALL		
10.30 FRIDAY NIGHT MOVIE: "Bat 21" (G)		
12.00 NATIONAL EMTV NEWS		
12.27 MEDITATION WITH PASTOR WALO ARNI		
12.30 STATION CLOSE		
SATURDAY 6TH JUNE 1992		
10.27 STATION OPEN		
10.30 SKY ROCK		
12.00 ISRAEL - THE KIBBUTZ		
12.30 GILLETTE (G)		
1.00 WIDE WORLD OF SPORTS		
5.00 BEYOND 2000		
6.00 NATIONAL EMTV NEWS		
6.30 HEY HEY IT'S SATURDAY		
8.30 WINFIELD CUP		
8.52 EMTV TOK SAVE		
10.27 EMTV NEWS UPDATE		
10.30 MTV		
12.30 NATIONAL EMTV NEWS		
12.57 MEDITATION		
1.00 STATION CLOSE		
SUNDAY 7TH JUNE 1992		
10.57 STATION OPEN		
11.00 WIDE WORLD OF SPORT		
1.00 BUSINESS SUNDAY		
2.00 SUNDAY		
3.30 LUMEN 2000		
4.00 SPORTS SUNDAY		
5.55 CHIN H MEEN SUPER-SOUND NEW RELEASE		
6.00 NATIONAL EMTV NEWS		
6.30 SUNDAY NIGHT FOOTBALL		
7.30 60-MINUTES		
8.30 CHIT CHAT WITH SIR PAULIAS MATANE		
8.35 SUNDAY NIGHT MOVIE: "Benji The Hunter" (G)		
10.00 MAN ABOUT THE HOUSE		
10.30 GUNSMOKE (G)		
"I Have Promises to Keep"		
11.30 EMTV NATIONAL NEWS REPLAY		
11.57 MEDITATION		
12.00 STATION CLOSE		

G General Exhibition  
 PGR Parental Guidance Required  
 AO Adults Only



# TALAIR TWINOTTER SERVICE

**403** 0800 WWK - UKU 0840

0850 UKU - AKG 0905

0915 AKG - LMI 0925

**DHT** 0935 LMI - ATP 0955

1010 ATP - VAI 1050

**404** 1130 VAI - ATP 1210

1220 ATP - LMI 1240

1250 LMI - AKG 1300

**DHT** 1310 AKG - UKU 1325

1335 UKU - WWK 1405

MONDAYS

WEDNESDAYS

& FRIDAYS



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.